

PL
248
A3Y4

Adivar, Halide Edib
Yeni Tūrān 1. Tab.

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

تورک یوردی کتابری

۲

خالده ادیب

یکی توران

YENI TÜRKAN
H. E. DİP

طبعین مطبعه سی — استانبول
۱۳۲۹

3

۵

Adıvar, Hatide Edib, 1885 -
Yeni Tūrān

خالدہ ادیب

یکی توران

برنجی طبعی

استانبول — طنین مطبعہ سی

۱۳۲۹

PL
248
A3Y4

محدوك سائر اثرولى

ايكنجى طبعى

خندان

خراب معبدلر


سويه طالب

رائفك آنهسى

(طبع اولونيور)

صوك اثرى

تعليم وتربيه



998435

یکی توران



يکى توران

[ای یکی توران، سوکیلی اولکه ،
سویله ، سکا یول نرهده ؟]

بوکون یازمغه کندیمی مجبور کوردیکم وقعه ۱۳۴۷ سنه سنده
اولدی . اوله جکم تحقق ایتدیکی دقیقه دن بری - وجدانمده
بویوک بر موقع طوتان - بو حادثه نی مزاره برابر کوتورمک
تهلکه سندن همان اولومدن چوق قورقیورم . اکر بو، بویوکلکلیخی
نهایت طانیدیغ روحلرک عذاب واشکنجه سنه منحصراً اعتقادات
سیاسیه م اوغرینه هم براز سبیت ویرمش هم ده تخفیفی المده
ایکن لاقید قالمش اولق کناهندن عبارت اولایدی بونی
- مملکتیمک سلامتی ایچون یایدم اعتقاد صمیمیسی ایله - انسانلرک
کناهلری و کوکللری ایچون آچیق اولان اللهک حضور غفرانه
کندیمله برابر کوتوروردم . فقط برده بوتون عالم ایچون ایضاح
ایدلمه مش قراکلق بروقه یی تورک تاریخنه تنویر ایتک وظیفه سی
وارکه بونی اکر بن اولورسه م آرتق یاپه بیله جک دنیاده کیمسه

قەدىنى ائچون يازمغه كەندىمى مجبور كورسورم . اكر بوكون
 حالا مملكتى بر فرقه دوربىنى ايله كوره ايدم ، شېه سزىنه بو
 وقعەنى مزاره كوتوروردم . فقط اولوم ياقلاشدىچە نقتە نظر مە
 مر كزى بوتون مملكتى قوجاقلان وبوتون سياساتك فوقندە
 بيان وسون بويوك بر روح اولدى . اورادن بىم فرقه مە ياخود
 مخالفلارە منسوب مەرھانكى بر وطنداشك ياپدينى بويوكلكلىرى
 تورك تارىخى - استقبالك وچوچقلىرىنك كەندىنە قارشى شفقت
 ووفالرىنى زىكەنلەشدير مە ائچون . مطلق قيد ائتملى اعتقادندە
 بولسورم . ھېسنى يازمغه موفق اولورسەم ھېچ سياساتلە مناسبتى
 اولمايان برمورخە كوندردە جكم كە نە فرقه سەنە مخالف نەدە فرقه سى
 ائچون بر دە قلام دىھ حقيقتى تەغىرە قالمشما سون . الله يار دىم جىم
 اولسون !

برنجی قسم

۱۳۴۷ تاریخندہ یکرمی بش یاشندہ ایدم. مکتب ملکیه دن
چیقلی بر سنه اولمشدی. حیاتمده هرشیدن، کنجکلدن،
استقبالدن حتی قادین عشقندن بویوک بر احتراض واردی :
سیاسیات ! بوکابن اووقت سیاسیاتدن زیاده وطنپرورلک دیورددم.
چو جوقلغمک اک ارکن زمانلرندن، کندیمی بیلدیکم ایلک
کونلردن بری حیاتمده حکم ایدوب اوینایان شی مملکتی
قیصه قیش کونشلی ایله ایصیتوب اوزون و منبعلی مغلق
فیرطنه لر، ظلمتلر ایچنده سالایان سلسله مشکلاتدی. بوییک
چهره لی مشکلات و فیرطنه لره کویاچاره بولدیم، بولاجغم ادعاسنده
بولن-ان ایکی لیمانده - مملکتده بربرینی بعضی-لرنده صمیمی
اعتقادلرک فقط برچوغنده ده اختیاری، غیر اختیاری منفعتلرک
یابدینی حرصلرله ییهن - ایکی سیاسی فرقه ایدی .

چو جوقلغمک ایلک زمانلرنده، که مشروطیتک عقبنده
بولنیوردی، بو فرقه لرک پکده معین، آیری برر-سیمالری،
امللری، غایه لری یوقدی. ذاتاً مملکتده هیچ معین برامل
و مقصد یوق کی ایدی. اوزمان بزم فرقیه ساده جه مخالفلر،
اوته کیلره اتحاد و ترقی دیورلردی. اکر بکا بوکون مخالفتک
یا خود اتحاد جیلرک پروغراملرینی فلان صورارسه کز قطعاً بر

فکر حاصل ایتہ دیکمی سویلہ بیلیم . یالکز عمجه مک مخالفک
 الک قوتلی سیاسی اولماسی وداثما اتحادجیلر علیهنده بولماسی
 قلمده اولره قارشی درین بر نفرت یامشدی . چوجوقلرک
 حسلری واعتقادلری بعضاً غدار فقط هر وقت پک واضح وخط
 مستقیم اوزره کیدن تعریفلرله خلاصه ایدیله بیلیر . بن اویله
 اینانیوردم که اتحادجیلر مملکتده دینه ، ایلکه ، وطنپرورلکه
 مغایر نه وارسه هپسنی یاپورلردی ؛ خلاصه ، وبا قدر مضر
 ایدیلر . بزم فرقه ، عمجه مک فرقه سی ده بنجه یکانه خلاصکار
 ووطنپرور قدرندی . بو اعتقادی بیلم ناصل بردمیر ارادت
 وبندن نهایتسز دفعلر بویوک بر قدرت محاکمه و ثباته عمجه
 یکر می بش یاشنه قدر بنده ادامه ایتدی . حتی عمجه مک اطرافنی ،
 ارادتمی ، بوتون محاکمات وحسیاتی صاران ، اداره ایدن قوتلی
 شخصیتی بنی اتحاد وترقیده بر تورک کنجک طبعی صورتده
 تمایل ایده چی بعض تجلیاته بیله بیکانه بر اقدی . تورکلکی
 تدقیق ایدن ، تورکلکی هر نقطه دن اویاندیروب تورکلکی هر
 نقطه ده الک بویوک مقصد ایدنه ن بوکونکی مؤسسه نک پراکنده
 وبر برینه منسوب کورونمه ن باشلان عاجلرینی اتحاد وترقینک
 اویاندیردینی تمایلات وجریانک نتایجی دیه تلقی ایتک پک طبعی
 ایدی . اوکونک یکی لسان جریانی ، اتحاد وترقی مکتبلرینک
 ملتپرور تدریساتی ، تورک عربی آزالور اخطارینک جمیع
 آوازیله هر شیئی ایشیدوب کورن اسمسز بر قسم قلیل ؛ حتی

تورك قادي اويانيور ، اويانسين ، اويانماسين ديه هايقيران ، شكلي آوروپاده كندن باشقه اولان تورك فهمينيزمي بيله اتحادوترقنيك كنيش وغيرمعين محيطنده ياشايوب قايناوردی ، ياخود اويله كورونيوردی . بزم فرقه نك اجتماعي چهره سي اوزمان بكا اتحاد وترقيدن داها واضح كليور ، بلكه داها چوق سياسي كورونيور ، بلكه ده بزمكيلر اووقت ايلك مخالفتده اولدقلرندن ، بيلمه يورم . بوتون بوغير واضح شيلر بوكون براز داها واضعلاشدی .

اتحادوترقنيك ده ، بزمده سياسي واجتماعي كيرينتي وچيقينتی . لريمز نسي بر آچيقلق ودوزلكه كيردی . حتي فرقه اسملري بيله دهها معنيدار اولدی . سياسيات واجتماعياتمرك بر غايه سي وار ، اشكالي ده هيچ سيليك دكل . اونارك دهها چوق سياسي كورونن كنچ توركلري فقط اجتماعي قوللر سالان اتحاد وترقيسي بوكون « يكي توران » اسميله بوتون امل و غايه . لريني برلشديرسيور . بزمده مخالف اسم مغلق ايله تعريف ايديلن فرقه مز ، تورك عنصرينه اوقدر اهميت ورن فرقه يه قارشي پولتيقه سني ايضاح ايدن « يكي عثمانيلر » اسمني آلدی . يالكز ، پولتيقه لريمزك سيماي اصليلري منطقي فقط غريب بر صورتده مبادله ايدلدی . « يكي توران » عدم مركزيت حني براز « فهددراسيون » بزمكيلر ايسه شدتله مركزيت طرفداري اولدی . فقط مقصدم پولتيقه مركز اساس واسباب موجب سندن زياده

پولتيقه ايله قاريشان برقاب حكايه سنى دها دوغروسي فجيعة سنى ضبط ايتك اولديغندن شومقدمه فضله جه اولدى ظن ايدردم. عمجهم حمدى پاشا ناصل اولا مخالفتك ، شيمدى يكي عثمانليرك ، اك قوتلى وبويوك سياسى ايسه اك سوكيلى مكتب وسلاح ارقداشى لطفى بك ده شدتاه اتحاد وترقى طرفدارى ايدى . لطفى بكك سياسى چوجقلمك اك اركن زمانلرنده كي پولتيقه قوغالرى ، حكومتى برفرقه دن اوتنه كنه كچرن بعضاً اختلاله بكزه ين ضربه حكومتلى ، هيجانلى ايله سيلندى: برزمان اوزره كليور ، عمجهم اونك اوينه ايديوردى . فقط بوده خيالك اشياوانسانلره واضح جهردلر ويرمه ديكي زمانلرده ايدى . ذاتاً اوزمان بكا اوتنه كي فرقيه بزم فرقه نك قدرت واهميتنى ويرديرمه ين شى بلكه لطفى بكك عمجهمه نسبة سيليك سيمى هويتى اولدى . عمجهم نه قدر قطعى ، مدهش صورتده ادعالرنده قوتلى وبلكه ده براز مفرط ايسه لطفى بك او قدر حقيقتدن اوزاق ، ايشدن زياده خيال ايله دولو بر آدمى . عمجهمله دوستلقلرى پولتيقه كر كينلدى آراسنده قيلدى. لطفى بكك شخصيتى ده شهبه سز سيلينوب كيده جكدى : ا كر قيزى ساميه اولمايه ايدى .

لطفى بك بزم محله ده بويوك بر اوده قزى ساميه ايله يالكز ياشايوردى . ساميه نك آنه سى اولدكدن صوكره لطفى بك بر دها اولنمه مشدى .

لطفی بکله عموجه مک دوستلنی نهایته ایرد کدن صوکره بیله
 سامیه بزه ینه کلوب کیدیوردی . بوهرنه قدر هرکسه قارشی
 مرحوم آنه سی ینکه مک پک عزیز دوستی اولماسدن و سامیه یه
 ینکه مک هر وقت بر آنه محبت و تقیدی کوسترمه سندن ایلری
 کلیورسه ده بن پک اعلا بونی ساده جه سامیه نک عموجه مه
 عموجه مک ده سامیه یه اولان محبت و دوستلنی اثری دییه تلقی
 ایدیوردم . اووقت کوچوک بر قیزله صاحیلری آغیرمش بر
 عسکرک آراسنده فکری و صمیمی بر رابطه غایت غریب کورو -
 نیورسه ده شیمدی هر شیئی اکلادقدن صوکره پک اعلا بونی
 ایضاح ایده بیلورم . ایی خاطر لایورم ، لطفی بک ، عمجه م
 و بوتون عائله - ینکه م لطفی بکه چیقاردی - صمیمی بر دوستلق
 محیطی ایچنده طوپلانیلان کیجه لر نهایت بولدقدن ، عمجه م ایله
 لطفی بک ، بر برلرینه آنجق اوافق برر سلام و یروب کچمکه
 باشلادقلری کونلر کلد کدن صوکره بیله جمعه کونلری سامیه بزه مطلق
 کلیردی . باباسیله عمجه م آراسنده پواتیقه اوچورومی آچیلدینی
 زمانلر او هنوز چارشافه کیرمکه باشلایان بر قیزدی . جمعه کونلری
 عمجه مک بوکون سامیه کله جک دییه تلاشی ، سامیه نک چارشف
 ایچنده ده ها اوزایان اینجه اوزون بویله ، اوده کیلره قارشی
 آزیحق باردلشن متکبر طوریه ، کوچوک باشی هواده ، دوغرو
 عمجه مک یازی او طه سنه چیقیشنی اونو تامام .
 ذاتاً اتحاد جیلر مملکتده یواش یواش غائب ایتمکه باشلادقلری

زماندن بری بزم أولك ، خصوصیه كوچوك عمجه زاده لریمك
 طوری نه قدر دكیشمش ایسه سامیه نك كنده اودرجه ده بر
 عظمت ووقار گمشدی . مکتب آرقداشارندن ، آنه سنك
 سوکیلی دوستدن اونی آیران بو حسه رغماً عمجه مه محبتی
 محافظه ایتهمسی غایت غریب برشیدی . اوزمانلر ینکم « بزم
 پاشا شوبله ، بزم پاشا بویه » تفاخریه طاشارکن سامیه نك آزیحق
 مستهزی وپك چوق بارد برتبسمی واردی که عمجه مك متکبر
 باشنده هر وقت حدتله قاریشیق حرمتکار برشی اویاندریردی .
 سامیه آناسزودائما بویوك لقردیله قونوشان بویوکلر آراسنده
 بویومش اولماسندن یاشندن چوق بویوك ، عادتاً کندینه صاحب
 بر ارکك طوری آلمشدی . شهبه سز دماغی ده ، عزم و ارادت
 قابلیتاری ده پك خارق العاده ایدی .

فقط بن اوزمان عمجه مك یازی ماصه سنك اوستنده آیاغی
 آیاغی اوزرینه آتیش ، تونه مش کبی اوتوران ، دنیاده الک بویوك
 بیله یکم عمجه مه تکلیفسز و آمرانه لاقیردی سویله ن اتحادجی
 قیزی عمجه زاده لریمك کینه یقین بر کینه بوغموق ایستردم .
 هله دنیاده الک یقینلرینه بیله یوز آرشون یوکسکدن باقان عمجه مك
 قدرتی عسکر چهره سندن بوقیزه قارشی کوسه تردیکی اطاعته
 بکزر محبت و شفقتی نه آکلار نه ده چکه بیلیردم . بونلر هر
 حالده پك کولکه لی حساردی . چونکه کوچوك ، پك کوچوك
 بر چوجقدم . او ، نسبةً بویوك بر قیزدی . آزیحق صولغون

يوزنده کی سيم سياه ايجه سياه قاشلری ايله دالغه لی سياه صاحپلرينك
کولکه لندردیکی کوزلرينك بعضاً تحفلق ورقتله يانان درينلکلرنده کی
اوزاق ، بارد تحکملردن آزيحق قورقاردم ، ظن ایدرم .

نهایت برکونینه برپوانیقه پاطیردییسی اولدی . حکومت
مخالفلره یعنی بزه کچدی واوزون ، تهلمکلی ، هیجانلی کونلر
کچیردک . عمجه هم مهم بر موقع صاحپ اولدی . کیجه لری مملکتک
ایشنی دوزلتمکدن اوه کله میوردی . اتحاد جیلرک مهملری اورته دن
غائب اولیورلردی . وبوتون بوقفالقره رغماً ، حکومت کندیلرینه
کچرکچمز هر شی دوزله جک قناعتیله ممنون کورونن عمجه مده
ایجه برکدر کولکه سی اولدی . بو پاطیردی آراسنده لطیفی بک
سامیه ايله اورته دن غائب اولمشدی . بر قسم خلق حکومت
کندیستی اورته دن قالدیردی دییور ، کیمییسی ده کندی کندیلرینه
باباقیز مملکتدن کیتدیلر ظن ایدیوردی . اوزمان ایشک حقیقتی
آ کلایه مدم . عمجه م پک تلاشه دوشدی . بلکه سامیه نک خاطری
ایچون اسکی آرقداشی قورتارمق ایسته یور ، قورتارامیور ،
یاخود ذاتاً اورته دن کندی کندی نه غائب اولمش دوستلری
ایچین کدر ایدیوردی . کدرینک بویوک قسمی هر حالده سامیه
ایچین دی . فقط بزجمه کونلری هممزک فوقنده دوران صوغوق
قیزک نفوذندن قورتلایغمزیه ممنون اولدق ، زمان کچدکجه سامیه
ایله باباسنی اونوتدق .

سنه لر چابق کلدی کچدی . ۱۳۴۷ سنه سی بنی بوتون ایمانیله

يکي عثمانلار فرقهسى طرفدارى اولان عجمهم حمدي پاشانک
کاتب خصوصيسى يکرمي بش ياشينده برکنج بولدى . مجلس
مبعوثانده ، بيلم نهدن ، اکثرتمزه رغماً « يکي توران » صوك
سنه شدتله افکار عموميه نك سوكيليسى اولمغه باشلامشدى .
صوك سنه لرده فعاليتنى پک آرتيرمشدى . يکي تورانک مکتبلىرى ،
مؤسسەلىرى ، کيجه سالونلىرى ، فقرا پرور تشکيلاتى ، تکشير
نفوس جمعيتى ، صحت عموميه قلوبى ، تورک دىلى ، تورک ادبياتى
تورک اولان هرشى طرفدارلىرى ، غزتهلىرى آرتيدقجه آرتيمشدى .
يکي تورانى الكچوق کوزه چارپديران شى بلکده تورک قاديخى مؤسساتى
ايدى . يکي توران ، قادينلىرى ده اوقودىور ، قادينلىرى ده
يانى باشنده چاليشديريوردى . يکي توران قادينلىرىنک قياقتى ده
ساده لشمش ، دگيشمش ، موده يه هيچ موافق دکل فقط ياراتدقلىرى
تورک واسلام عالمى ايله پک مناسبتدار برشکل آلمشدى . شيمدى
بزم قادينلرک اينجه ، ظريف ، صنعتکار چارشغللى و توالتريله
اولرىنک برزىنتى ، ارککلرىنک غايه عشقى اولمقله قالان قادينلرتمزه
مقابل يکي تورانک خوجهلق ايدن ، جدى صورتده خسته
باقيجى يتيشن ، برمحاربه اولور اولماز عرب مجاهدهلىر کي
محمدجکلرک يارالرينى صارمغه کيدن ، اردونک ديكيشنى دیکمک
ايچون قادين اعمالاتخانه لرنده چالیشان ، اسكى تورک ايشلمه
وصنايعنى يکي تورانه تطبيق ايچون اقتصادى ، انسانى ، علمى
وبيلم دها يوزدورلو چالیشان آقین آقین قادينلىرى واردى .

برسوسدن ، قيمتدار برييلودن بردن بره مفيد ، چاليشقان بر
 عضو جمعيت ، برآنا ، برآرقداش ، برهرشي اولان بوقادينلري
 اعتراف ايدرم كه تقدير ايديووردم . فقط هيچده كوزل بولمايووردم .
 آرقه لرنده اسكي تاتار توركلريني خاطرلاتان بعضاً سياه ، بعضاً
 قورشوني اوزون برمانطو ، باشلرنده بياض ، يموشاق بر اورتو ،
 آياق لرنده سـاده ، قالين آياق قابيلر ، اللرنده ايش طوربه لري
 ايله وطن وچو جوقلرندن باشقه برشي حس ايمه ين بوقادينلرده
 يكي عثمانيلر فرقه سي قادينلرينك جاذبه سني بولمايووردم . فقط
 يكي تورانله برابر بنجه مضر اولان پولتيقه لريني خلقه خوش
 كوسترلر بوقادينلر دكلى ايدى ؟ صوك سـنه لرده يكي تورانى
 او كمزده كي اتخاباتده قازانه حق كي ظن ايتديرن قدرت بوقادينلر
 دكلى ايدى ؟ ايشته مضر بر پولتيقه يي خوش كوستره جك
 اولدقلى ايچون مملكتك بوقيزلريني بوتون فداكارلقلرينه
 ويوكسكلكلرينه رغماً سوميووردم . طيبي مقصديمزه ايريشمك
 ايچون قوللانديغمز وسائطك چركينلكنه باققسزين ، ياواش
 ياواش . يكي توران عليهنه قادينلرينك ايلري كيتمش اولماسندن
 طوتديره رق خلق آراسنده پروياغاندايه باشلادق . بويك جاهلـلري
 بزم طرفه آملقه برابر عقلـي باشنده لري اقناع ايده مـدى . بر
 محله يوقدى كه فقيرى ، خسته سي يكي توران قادينلري فقرا پرور
 تشكيلاتنك برى طرفدن بالذات باقلمش اولماسون ؛ بر محله
 يوقدى كه مكتب پاره سي ويره ميه جك قدر فقير اولانلرك

چو جو قلر يکي توران ، آچدينی مکتبلرک برنده مجاناً او قوتما سون .
 بر محله يوقدی که اوراده يکي تورانک بنا ايتديرديکی ساده ،
 سادش برسانونده بوقادينلرک اداره ايتديکی ، چو جو قلره دينی ،
 اخلاق و مفيد معلومات ویرن بر جمعہ مکتبي اولما سون .

بعضاً جمعہ کونلری بزم محله نك گوشه سندن کچرکن بوجعه
 مکتبنک قاپیسی آراق بولورسم ، باقاردم . هر وقت اوزون ،
 جدی یوزلی ، بیاض باش اورتولو ، سیاه جبہ لی بر قادين ،
 چو جو قلرک قارشيسنده طاتلی برسسله اخلاقی رحکایه سويله ديکني ،
 ياديوارده کی تحته يه بر حيوان ، بر اشيا ، نبات رسمی چیزديکني
 يا خود چو جو قلره برال ایشی ياپديغنی کوريردم . بوجعه
 مکتبلری هله استانبوله او قدر چوغالمشدی که يکي عثمانلیر
 بيله چو جو قلر يکي اورالره کوندرمکه باشلامشلردی .

ایشته هپ خلقتک مادی ، معنوی روحنه کيرمکه باشلايان
 يکي تورانی کوزدن دوشورمک ايچون قادينلری عليهنه ياپديغمز
 پروپاغندا بوسبيلرله بر تأثیر اجرا ايتدی . صوکره باشقه وفنا
 بريول طوتدرdq . ذاتاً بزم پولتيقه مزده بو ابدی برواسطه ،
 دکلی؟ قادينلرک بوترقیسی ، قادينلرک هر ایشه کيرمه سی وبوکا
 مماثل بر طاقم احوالک اسلاميته دوقونديغنی دینزه دولادق .
 ظن ایدرسهم بونده دها زیاده موفق اولغه باشلامشdq . فقط
 ایشک عجبی بز کویا دینک مدافعی اولديغمز حالده اونلر بزدن
 زیاده دینداردی . يکي توران مکتبلری ايلک شديد متعصب

شکلی آتمش اولمقله برابر رسمی مکتبلرک یتشدیردیکی دینسز کنجلره مقابل تماماً مدنی اولغی اسلامیه مغایر کورمه‌ین ، بوتون وظائف حیاتیه‌لری ومدنی اکلنجه‌لری آراسنده بیه عبادته یر بولان حقیقی دیندار ، بر آلائی یکی توران کنجی واردی . حالبوکه مکتبلری رسمی مکتبلر قدرده علوم دینه اوقوتمادینی حالده اورالردن یتیشن بوتون دینه لاقیدکنجلیری یکی توران مکتبلری یتشدیرمیوردی . فقط عوام و جاهل خلق ظاهر پرستدر . دینی ، قومشوسنک هرحرکنه مداخله و صرف هرمدنی شیئه قارشیی بر دیوار بیلن جاهل طاقه بویکی یتیشن کنجلیری دینسز کوسترمک قابلدی . اونک ایچون موفق اولغی امید ایدیوردق .

عموجهم بو آزالق پک عصیلشیوردی . « بو دفعه جداً قازانه جقلر ، صوکره فلاکت ! ، ایشه بواونی چیلدیرتیوردی . بودوغرو عسکری ، فکرنبجه مملکتک اضمحلالی عد ایتدیکی بو پولیقه صاحبلینی موقع اقتداره کلمکدن منع ایچون هرشی یایمغه حاضر حتی باشقه یرلرده کوچوک وشایان نفرت عد ایده چکی وسائطه بیه متمایل کوردم .

بز بو پروپاغاندا ایله اوغراشیرکن اککمزمه یاغ سوره‌جک برحوادث اورته‌ده چالقامغه باشلادی : یکی توران قادینلرینک بعضیلری اسکی عرب مسلمان قادینلری کی اجازت آلوب جامعه‌ده درس ویرمک ایسته‌یورلرمش ، ویریورلرمش ، مش

مش! بيك سنه اول پيغمبر وقته دها يقين بر زمانده قادينارك
ياديغي برشيئي بيك سنه صوكره دينه مغاير ديه كوستره بيله جك
حالي بولمق شايان افتخار اولماق له برابر ينه بوندن ده استفاده يه
قالقيشديق .

« يکي توران » يوردلرندن برنده برقادينك منتظماً موعظه لر
ويرديكني خبر آلدق . بونك ارن كوينده اولديغي تحقيق
ايتدم . جمعه كوني سويله يه جك وعمومه سويله يه جك دي . بو ،
طبيعي يكي انتخاباتده يكي تورانه قازانديرمق ايجون دي . همان
بوني خبر آليز آماز يولي طوتمد .

حيدر پاشا واپورنده مكتبده ايكن طائيش اولديغم شذله
يكي توران طرفداري بر قاچ كنچ كوردم . بونلردن برينك
يانمه ياقلاشهرق بويه انتخابات حنده لاقيردي سويله مك اقتداريني
وجسارتي كنديسنده بولان قادينك كيم اولديغي صوردم . خطاب
ايتديكم كنچ ، ارضرومده بر كوچوك قضا قائممقامي صييح
اسمنده برچو جقدی . سؤالمه ، ياري حيرت ، ياري استهزا
ايله قاريشيق بر كوزلرني آچدی :

— فقط بوكون لاقيردي سويله جك اولان بزم باشبوغ
اوغوز . آراده قياده لاقيردي سويله يور . قياي هيچ ايشيتمه دكمي ؟
— خاير ، مونشر ، هم باشبوغ نهدر ، شو سرك
« ليدر » مي ؟

اونك ده يكي توراني داماري قاباردی . سرتجه :

— بر کره مونشر ديمه ، رجا ايدرم . بويابانجي کله لر
سيکيره دوقونيور . صوکره قيايي بيلمه ديمکه هان هان
ايناميه جفم کليور . اوغوزي ، شکر ، بيلورسک .
— نه بيله يم بن ! شيمدي جبه مسخره لنی آلتنده طاش ،
قيا ، کوک ، آی خلاصه طبقات الارض وعلم نجومدن آلمش
اسملرله برچوق عجايب يکي توران قادي ني وار .

صبيح قورناز بر ميسيونر وضعيتي ايله باشني صالادى :
— تورکلکه عائد شيلري ، اصل تورک قادينلريني بيلمه مکي
بيله سنک کبي کنجبلر بر فرقه مسئله سي ياپارسه مملکته جدا يازيق .
— کس عزيزم ؛ اوفکه لنديريرسه ک مونشر بيله ديرم ،
سزک شومشهور طاش خاتونمي ، قيا بيکمي نه در ، اوکا کل .
— سويلينه جک پک چوق شيئم يوق ، عاصم ، ديدى .
شو صوک اون سنه ظرفنده يکي توران قادينلرينک فعاليتني
کوريسيورسک يا ، ايشته بونلري بر آاز دها کنديکه مال ايدرده
يقيندن تدقيق ايدرسه ک اک اهميتلى حرکترلر اطرافنده دائما
قيايي کورورسک . قيا اک اول ارضرومده آچدينی يکي توران
مکتبلري ايله آرازمده طانمغه باشلادى . کنديسنه يارديم ايدن
بش آلتی قادين ايله ارضرومده ايلک يکي توران مکتبني
آچه لي اون سنه اوليور . بوکون اوراده اون بش يکرمی قدر
يکي توران مکتبي وار .

— مملکتی مزارينه سوروکليه جک فنا فکر يوالري !

اولدقلری یرده هپسینی یاقمالی . شهبه سزکه ، بوتون تدریسات
یا شاسون یا شاسوندن عبارت ! دییه خور داندیم .

صبیح ، مساحه کار و بویوک :

-- بالعکس ، دیدی ، همان هیج پولتیقه یوق . عملی صورتده
زراعت ، چوجوقلره لازم اولاجق قدر معلومات ابتدائیه
واک چوق صحت و صحتلرینک الزمیتی اوزرینه بنا ایدلش تدریسات .
جمعه کونلری سینمه ماتوغرافله چوجوقلره و کویلو قادینلره اک
ابتدائی طرزده صحنی ، عملی ، زراعی قونفرانسلار .

— آکلادم ، تکثیر نفوس و تورک کویلوسی جمعیتلری پروپاغانداسی

آلنده یینه نه یاپوب یاپوب یکی توران پولتیقه سی .

— پک اعلا ، اولسون . سن قیالچون معلومات ایسته دک ،
شمدی ده سویلتمیورسک ، اکر مرامک پولتیقه قوغاسی ایسه ،
نیتیم یوق .

صوکره یینه مستهزی :

— موقع اقتدارده کی یکی عثمانلیلرک بویوک سیاسی حمدی
پاشانک یکنی ایله قوغا ؛ تکریم صاقلاسون ! بوبلکه بکاموقعی
بیله غائب ایتدیریر .

صبیح ایله آدم عقللی لاقیردی ایدمه جکسزی آکلایجه
صوصدم ، صومورتدم . صوکه زمانلرده ایکی فرقه آرهمنده کی
کرکینلک او قدر آرتمشدی که ایکی فرقه یه منسوب ایکی کنج
بربرینک غرتلاغنه آلمه دن همان همان لاقیردی ایدمه یوردی .

بر آرزو کره ، بزم محاورمزی دیکله یین دیکر بر کنج ،
 نم چوق صورمق ایسته دیکم برسؤالی صیدحه صوریوردی :

— قیا کنجمی ؟ کوزلمی ؟

— خایر ، اوتوز بشلک برقادین .

— اولیمی ؟

— خایر .

— کوردکسه تعریف ایت .

— براز صبر ایت ، کوره جکساک . فقط ناصل اولیورده .

سز استانبول کنجلی اوئی بیلمه یورسکیز ؟ قیا بر سنه در
 استانبولده ، کیرمه دیککی جمعه مکتبی ، دولاشادینی خسته خانه ،
 مکتب یوق .

— پکی اما چارشفلی قادین چوق .

— خایر ، قیا چارشفلی ، اینجه خانملردن دکل .

— ها ، شو خوجه قیافتلی جبهلی قادینلردن .

— اوت .

— پکی اما جبهلیورده ایجه چوغلادی . آلنلرنده یافته

یوق که چوچوق هانکیسی قیا ، هانکیسی طاش ، آی ، ییلدیز
 بیلسون .

بو صوک جمله بندن . فقط واپور حیدر پاشایه یاناشمغه
 باشلادیغدن صبیح اوموزینی سیلکمکه اکتفا ایتدی وترنده

پک بللی برچکینیشله یانمده کی قورمپارتیمانہ کتیدی، اوطوردی. استاسیونله «یکي توران» یوردی آراسنده اون اون ایکی دقیقه دن فضله مسافه یوقدی. بونی بن آرابهده، واپورده کی یکی توران کنجلی ایسه یورییه رک چکرکن دوشوندم. بونلرک اک زنکینی بیله شبهه سز آرابهیه بینمه کی عادتاً «یکي توران» اساساتندن عد ایدیوردی. یکی تورانک برچوق پاطریدی ایتدیکی اقتصاد ملی جمعیتلری، یالکز کوچوک امنیت صندوقلری آچقله قالمایور، هر یکی تورانلیده هر دقیقه قطعی بر فکر و حیات مقتصدانه یاراتمغه چالیشیوردی. عادتاً بو، تکثیر نفوس و یکی توران زراعت جمعیتلری قدر اجرای نفوذ ایدیوردی. هر حالده بر قسمی جدی قناعتلره مستند اولسه بیله بویوک بر قسمی ده بونی صرف برکوسته ریش، بر مودا دییه یاپیورلردی. یکی تورانه منسوب اک زنکین برکنج بیله مثلاً برکون توقاتیلایده یمک ییه جکنه مطلق اک اوجوز یکی توران قیر یاخود شهر لوقطه لرینک برنده ساده برپارچه ات وپلاوییر، اوسته قومیعنی ایجر، کیدردی. بیلم، بوتون بکا او وقت مبالغه کارکن بو شیلرک هپسی بوکون تورکلرده حس اقتصادی و فعالیت اقتصادی نی چوغا تمغه، هر در او تشبثاته تورکلری سوق ایتمه سبب اولدیغنی اعترافه مجبورم. فقط ۱۳۴۷ ده بکا بونلر کوسته ریش و جان صیقه جق شیلر کی کلیوردی. بلکه هر شیدک باشلانغیجی بویله در. حاصلی، یکی توران کنجلی صانکه آرابهیه بینمه مکه دنیاده

اك خارق العاده قهرمانلق ياپيورلرمش كي قوللريني صاللايه رق،
بنده آرابهده سانكه اسكي عثمانلي توركنك اك كزیده براقدی
اساساتنه صادق بر كوچوك بك وضعیتی ایله آرابهیه قورولمش
اولدیغم حالدہ یکی توران یوردینه واصل اولدق .

ارن کوی یکی توران یوردی ، یوردلرک اک ایسلرندن
معدوددی . چیچکلر وچنلرله سوسلنمش بر باغچه اورتہ سنده
اوستنک بر قسمی جاملی و بویوک سادہ بر بنا ایدی . اوست
قسمندن باشقه هرشی اخلاموردن یاپیش ، قاپیسلری سلچوق
تورکلرینک اویمالریله پک استادانه دکلسه بیله جدآ پک شخصی
وخصوصی صورتده ایشلنمشدی . بو یوردلرک بو کی تفرعاتی
تورک صنایعی احیا ایچون اوغراشان یکی توران کنجلیری
طرفدن یاپیلوردی . بو قاپیلرده کی یازیلر آلتہ دأما « یوردینک
چوجوغی فلان فلان ... » دییه امضا آتدقلرینه دقت ایتدم .
باغچه دن کیرنجہ کوزہ چاربان شی هر طرفی اورتن ، آغاچله ،
صارماشیق وچنله دولمش نہایت سز ، صولاق ، مبذول بریشیلک دی .
یوردک کنیدیسی اورتہده مستطیل ، هوا وزمانله آزیجق
اسمرلشمش ، اسلوبک سرت دنیلہ جک درجهده ساد کیسی و دوزلکی ،
اوزرنده کی قاپی و پنجرہ لرینک اینجه صنعتیله - یکی تورانلیلرک
سادہ لک وچرکینلک دبالغه لرینه پک ویرم دیکم - بر سیای هویتی
اولان بر بنا ایدی . ایکی اوچ باصامق طاش مردیوندن
صوکرہ آچیق قاپیدن کیرن آلالیله بنده ایچری یه کیردم .

قاینک اوکنده بنانک دریناکنه دوغرو اوزانان برقره طاش
دهلیز ، اورتلرندن ایکی طرفه ایکی بویوک قاپی - بری ایچ
ایچه اولان قرائت وکتبخانه واته کی قونفرانس صالوننه -
اچیلوردی .

قرائت صالونندن ایچری کیردم . اولا بوراده کی غرابته کولمک
ایسته دمسده بو غرابته خصوصی برکوزلک اولدیغنی اعترافه
مجبور اولدم . قرائت صالونی ده مستطیل ونهایی پردهلرله کتبخانه یه
اچیلیر بویوجک بر او طه ایدی . ایکی طرف باشند باشه عینی ساده
تخته اوزرینه اویولمش ، تورک خالیریه اورتیش ، آچاق ، اوزون
یایی کروتلرله دوشنمشدی . بو کروتلرک اوسته اسکی تورک
ایشلریله یاپیش یاصدقلر آتیش ، اورتده ینه باشند
باشه اوزانان عینی تخته دن بر رحله قدر آچاق واوزون ماصه
اوزرینه بر چوق کاغذلر وکتابلر بر اقلمشدی . ماصه نک
اظرافنده هیچ صاندالیه یوقدی . زانما بوراده صاندالیه
اوطورنجه ماصه یه بلی ایکی بوکلوم اولونجه یه قدر اکیلیمک
لازمیدی . اورتده . کوزل قویو بر خالی اوزرنده بر آز
دولغون ویوکسکجه بر چوق مندر ، اوتیه بری یه آتشدی .
هپسنگ اوننده ینه اویولمش ساده تخته رحلرلر واردی . بو
مندرلر اوزرنده وکروتلرده صارقلی ، صارقسز ، فسلی ،
فسسز ، قیلجلی ، قیلجسز برچوق کنج ، اختیار آدم .
کیمیسی رحله اوزرینه قویدینی کتابه اکیلمش ، کیمیسی النده کی

غزته يه دالمش ، اوزون ماصه اوستنده ينه مندرلرده ، بر چوغی ده دیرسکلرینی ماصه یه دایامش ، رسملره باقیورلردی . کړک بو ماصه لړک بعضلری اوزرنده کی اسکی ایشلردن یاپلش اورتولر ، کړک پنجره لرده کی عینی صنعتله واسکی تورک بدیع رنکلریله ایشلنمش پرده لر ، هپسی ، اویمالر ناصلسه اونلرده اویله امضالی ایدی . هپسنگ آلتنه یوردک قیزی فلان فلان دییه قادین امضالری واردی . سالونک اوزرنده کی جاملر قره م ، یموشاق بروسه بزرندن پرده لرله صیقیجه اورتولمشدی . فقط بورادن نشئلی وصحتلی آچیق برضیانک کیرمه سینه مانع اولنمامشدی .

قرائت سالوننک نهایتده یاریم آچیق کوردیکم کتبخانه ده باشی صیقی صیقی اورتولی ، قورشونی جبهلی کوچوک براختیار قادین بر ماصه باشنده سسزجه برشیلر یازارق ، اللرنده کتاب ، بربری آرقه سنده سکونتله بکله ینلری قید ایدیور ، کتاب داغیتوردی . بو کون بوتون بوتفرعاته کیریشمه م بکا بویوردک استانبولک باشقه طرفلرنده کوردیکم یوردلردن ده ها جدی ومنتظم سیاسی اولدیغنی حس ایتمکلکمه انضمام ایدن بوراده لاقیردی سویله یه جک قیا حقنده کی تحسسم بوتون کوزللکلری وهرشیده آریستوقراسی بی احا ایدیورلر دیه یکی تورانه قارشی دویدیغم حدت ونفرتک فوقنده اولماسندندر . اکر اورته ده کی یووارلاق مندرلر یرینه آرقه لی قولتوقلر قویمش اولسه لردی

شېه سز استانبولک ان راحت و کوزل قرائت صالونی بواولديغنه
ايچمدن حکم ايده چکدم .

اطرافه باقيرکن ، چهره لری تدقیق ایدرکن قاپی به یاقین
مندرلردن برینک اوستنده دیز چوکمش ، کوزلری رحله یه
معطوف ، صاللانہ رق برشی اوقویان کوچوک صارقلی براختیار
نظر دقتمی جلب ایتدی . عادتاً اوطور و بده رحله ده اوقونه جق
قدر یوکسک جه اولان بو مندر اوستنده خواجه افندی رحله یه
دوغری بوکولن بی ایله غریب کورونیوردی . بر ایکی آدیم
آدم . بردنبره خواجه یی طانیدم . بو بزم محله نک امامی ،
الده بویودیکنز ، هر رمضانده عمجه مه افطاره کلن فیضی
افندی ایدی . فیضی افندینک اولا اتحاد و ترقی به شیمدی ده
یکی تورانه متماثل اولدیغنی عمجه م بیلورسده فیضی افندینک
ملک کبی حلیم و طابلی بر آدم اولماسی بلکه ده و قتیله لطفی
بکک قیزی سامیه به قرآن خواجه لغی ایتمی ، اوکا قارشی
عمجه مده دائماً برحس مسامحه برامشدی . همان یاننه دوغری
کیتدم . جبه سنک قولندن چکدم . بنی کورنجه اولا بر آز
شایریر کبی اولدیسده ینه بنله برابر باغچه به قدر کلدی .

— ماشالله ، عاصم بک ، سز بورالرده ؟

— ماشالله ، امام افندی ، سز بورالرده ؟

اختیار ، کوزلرنده بر چوجوق سونجی ایله کولدی .

— شیمدی بکا آکلات باقهلم ، بوراده قیا اسمنده برقادین

آراده نطق ویریورمش ، بو کیم اولیور ؟ هم بوراده سز ،
قوزم ، نه لر یاپیورسکز؟

— بر آرزبراید رسهك ، اوغلوم ، نه یاپدیغمزی کورورسك .
یاواش قونوشه لم ، هر کس بزه باقیور . کل ، قونفرانس او طه سنه
کیده لم ، اوراده قونوشورز . ذاتاً باشلامق اوزره .

امام فیضی افندی ایله دوندك ، قونفرانس سالوننه کلدك .
بو ، چیپلاق ، بویوك تخته صیره لر دیزلمش بریردی . یکانه
کوزللكی دیوارلر ویرده تکمیل تخته لر اوزرینه تورك صنعتکارلرینك
ایشله دکلری چیزکیلردن عبارتدی . نهایتنده کی کوچوك صحنه
یوموشاق ایکی ایپك قرمزى سنجاقدن پرده لرله آچیلیور .
نهایتنده ، یاننده اوزانان یشیل یاپراقلرله بر پیانو ، اورته ده
ساده ، یوکسك بر رحله دوریوردی .

بوتون بو صارمتراق ، ایشلنمش ، تمیز تخته لرله قیرمزى
سنجاقلوك اتحادی ، قرائت سالوننده کی بزلرك قویو یشیلندن
پرده لر چکیان جام طاواندن سوزولن لوشلق ، روحی بردن
بره آلایشنندن صویان چیپلاق ، صاف و تمیز بررنك آهنگنه
بوغیوردی .

سالونه کیرنجه یان طرفدن ، باغچه دن بر قاپی اولدیغنه
دقت ایتدم . اورادن ایچری کیریورلردی . تلاشله اوڭ صره یه
قوشدم . بریر بولوب صیقیشدم . فیضی افندی ، متبسم ،
ایاقده دوریوردی .

— بن آرقه یه کیده جکم ، اوغوزی او قدر سنه دن بری
طانیورم که یقیندن کورمکه حاجت یوق .

— یا ؟ دیمک اسکیدن بیلورسکز ، امام افدی ؟

— اوت ، حتی او قدر مراق ایتدیگک قیای بيله .

— دیمک قیا اصل بزم محله دن ؟

فیضی افدی جواب ویرمکه وقت بولامادی . ده اوتیه
چکمک ایچون هرکس کنیسنی ایتوب ایلر بیلورلدی . عینی
تبسمی ایله :

— بیتدکن صوکره قونوشورز ، اولاد ، دیدی ، چکلدی .

اون دقیقه قدر صوکره سالون خنجا خنج دولمشدی .
بنده ، کوزلرم صحنه ده ، برزمان ایچون شدید بر انتظاردن
باشقه بر شی حس ایتمه یوردم .

چوق بکله مدم . اولاش آلتی مولوی ، اللرنده نی لرله
کلدیله . آرقه لرنده اون ایله اون درت یاش آرالرنده ، یینه
مولوی قیافتنده اون ایکی چوجوق صیرا ایله دیزیلدیله .
اللرنده اوفاق نوطه لری واردی . یکی توران ، موسیقیسنه ،
خصوصیه دینی بر شکله اولورسه ، مطلق مولوی بر سیم
ویریور . موسیقیده ، معمارلقده دائماً منبع الهامنی سلچوقیلره
قدر یوکسلیوردی . بونکه برابر یکی موسیقی شناسلرندن
برینک ملی شرقیلری ، الهیلری و دراملری بواجه ، اسرارانکیز
صوفی عناصریله برابر ، بيلم نه دن ، بردن بره ، بو قدر سنه

بو قدر اجنبي نفوذ و تأثيرندن صوکره ديلني بولان مرد، وحشی،
 سرسری وقوی بر تاتار ترکی سسني ، نفسنی کتيريوردی .
 نى لرك اينجه ، درين بر مقدمه سندن صوکره بواون ايکي کنج
 تورك کوکسندن مختلف سسلره آيره لر ق کوزل بر آهنگ ياپان
 بوتازه روح شلاله لريله يکي توران ، بوتون بنالري ، قادينلري
 و مؤسسات اجتماعيه سي ايله روحنك چيلاق ساده لکندن قوپمش
 بر نغمه نفخ ايديوردی .

يکي تورانك ، خلقك تا روحنی قازانمق ايچون حيله دن
 عارى کورونن بو موسيقي مقدمه سيله نه ياپديغنى ، انسان و ملت
 دنيلن شينك روحنك باغلريني ناصل بيلديکني در حال آکلادم.
 اسکی تورانك چوجوقلرينه قاريشه رق وجوده کتيردکلري عثمانلي
 تپينه اهميت ویرن ، اونك هويته ي محافظه ايتمک ايسته ين بزيکي
 عثمانلير ايله بو اجدادينك باشلاديغي خط مستقيمه دوغرو
 يوله چيقارق اورادن تکامله يورومک ايسته ين يکي توران
 چوجقلري آراسنده کی فرق بوتون قدرت و حقيقتي ايله اوکون
 آکلادم . بو کوزل ، پوروزسز سسلر ، نى لرله برابر
 روحلري مزده ، دماغمزده ، محيط مزده چارپنه رق تا کوکلره
 چيقارکن بنده اجداديمک اسکی يولي ، اجداديمک اسکی
 روحي چاغيريور ظن ايتدم . فقط بن او اسکی تورانك
 آنا يولندن چيقارق عثمانليق دنيلن خصوصى يولده يوروين
 آردقدا شلرمدن آيرلماغه قرار ویردم . او يول ، حواسمی ،

روحی، بوتون وارلغی چاغیرسون، کیتیمه جکم، کیتیمه جکم!
 حالا بوکون اولورکن اوسسک، او اسکی توران یولنک
 بنی چاغیران درین، چپلاق عکس صدالینک روحده کی متین
 عثمانلی اعتقادی قایلرینی دووب اویدیغنی، ییدیکنی دویورم.
 فقط کیتیمه دم، کیتیمه جکم! بیلم بو بنم عرقدن ناصل
 اولوبده قوپدیغنه شاشدیغم، هیچ قوتی غائب ایتمین موسیقی
 ایله برابر «یکي توران» شرقیسنی بوکونکی کی ایشیدیورم.
 فقط اوکون توران، قلبی اوقدر شدتله چکرکن، پک عجیب
 اولارق، بونلرک حیاتک منبعنه کیدن مقصدلری یاننده صرف
 پولتیقه کی کورونن بزم مقصدیمزده بردن بره دهسا بویوک
 ویوکسک برضیه کورور کی اولشدم. بوتون موجودیتلرله
 تانباتادن حیوان، انسان و عرق و ملت و وارنجهیه قدر هپسک
 کندیلرینی محافظه ایچون، مبارزه حیات صحنه سنده، ادامه
 نفسه اک زیاده لایق اولق ایچون کیریشدکاری فعالیتلری
 کوردم. اونلر ناصل تا اسکی عرقه عودت، تورانی محافظه
 ایتک ایستورلرسه بزده عثمانلی دنیلن بویکی شی ایچین
 چالیشیوردق. ومطلق بونلردن بری اوته کنی یولندن چویروب
 کندی یولنه آله سیاه بومبارزه بیته جک، اورته ده تورک یاخود
 عثمانلی قاله جقدی. فقط بونلرک ایکسی ده مساوی قوتده قالان
 ودائما بربریه چارپیشان ایکی غایه نک، عثمانلی وتورک غایه سنک،
 بربرینی احما ایدوب یریوزندن قالدیردقلرینی بر آن ایچین کورور

کې اولدم . بو اوقدر آجي برآن اولدی که بنی چاغیران، چکن
تورانه کیریورم ظن ایتدم . فقط ، خایر ! یالکز ، بن خایر
دیرکن روحک اک مقاوم زنجیرلرینی تورانک یولنده یورو یوب
یول کوسته رنلری چکیورلردی :

• ای یکی توران ، سوکیلی اولکه ، سویله ، سکا

یول زرده ؟ ،

• آلتی یوز ییل وار، یبانجی ایللرده ، اوراق یوللرده

صوسز یایلار ، کولکه سز طاغلرده کزدک ؛ قوراق ،

چوراق اولکه لرده قوراق ، چوراق آغاچلرکې قورودک .

سویله ، سنک جان ویرن براق ایرماغک ، یشیل

یوردک زرده ؟ ،

• ای یکی توران ، سوکیلی اولکه ، سویله ، سکا

یول زرده ؟ ،

چوجوقلر چوقدن چکلمشیلردی . فقط بوتون ، بو ،

نفس بیله آلمدن ، عرق ویورد چاغریشنی روحلرینک بوتون

محیط وهواسنده دویان خلقله برابر بنده نردن کلدیکنی بیلمدیکم

برسسه ایچمدن هایقیریور کې ایدم :

«ای یکی توران، سو کیلی اولکه، سویله، سکا یول زرده ده؟»
 صوکره بردن بره ملتک تابندکندن قوپان بر آلقیشله
 اویاندم وسیلکندم . صولده کی لوجه لره بر چوق یکی توران
 قادینلری ، بر طاقمده چارشفلی قادینلر کیریورلردی . باشده کی
 بویوک لوجه یه یالکز بر قادینک کیردیکنی وبو قادینک کیریشی
 یکی توران کنجلرینه حرمتکار بروضعت ویردیکنی کوردم .
 نردن یانمه کلدیکنی فرق ایدمه مدیکم صییح :

— باق ، دیدی ، ایسته شو برنجی لوجه یه کلن قادین یکی
 توران قادینلرنده اخلاقی ، اجتماعی بر انقلاب یاپان ، قادینلری
 براوت ، برماکنه حالندن چیقاروب ارککلره تمیز ، چالیشقان
 بر آرقداش ، چوجوقلره وبوتون مملکته بر آنا ، برمری یایمق
 ایچین چالیشان قادیندر .

همان باشمی چویردم .

أوت شیمدی آرتق حواسمک بنی کوتوردیکنی کیریوه بی
 دویارکی دماغمک اَصوک قوتیله مقاومت، عصیان حاضر لانیوردم .
 یکی توران تورکیسنک عکسی نه قولاقلردن نه قلبلردن
 کیمه دن اوزون بویلی بر قادینک بولوجه یه کیردیکنی کوردم .
 ایلک حسم ، هیچ قادینه باقمادن ، بو پک شخصی یورویشک
 معناسنی کشف ایتمک ایچین درونی بر مجادله اولدی .
 بول ، اوزون جبهه سی آلتنده اوزون وجودینک تموجی عجا
 بر قادینک نازلی رفتاریمی یوقسه بوتون فیرطنه لره قوی وسو کولمز

بر سازك ، طبيعتك لسان و اوضاعينه مقاومت ايدن دالغه لایمی؟
 ديه دوشوندم . صوكره ، روحم او كادوغرو كيتدكجه ، ایچمده
 ضعیف بر اورپرمه حاصل اولدی . تاریخ اسلامده امثالی چوق،
 فقط تورك تاریخنده كورولمه مش برشی ، بر قادین نمونه سی
 قارشیسنده ایدم . قادین ایلرلر كن قیافتی او قدر اسلامك روایات
 و اعتقاداتیله مناسب كورونیوردی كه بومثل سر حادثه حضار
 آراسنده بلكه دیکم بر كوچوك عصیان یا خود حیرت حاصل ایتمه دی .
 آرقه سنده تا آياق لرینه قدر اینهن ، و ، بول ، اوزون قوللری
 اللری اورتن ، دیزلرینه دوشن یوموشاق ، قورشونی بر یوك
 جبه واردی . اطرافنده او یان دیرمجنی هر دورلو حسه قارشی
 قدرتی فقط ساده شخصیتی بی حس کبی ، قطعی آدیملره
 یوروركن اینجه ، اوزون آياق لرنده بعضی توران قادینلری کبی
 یوموشاق بر دریدن فقط تماماً تورك کویلو سی کبی یا پش بر
 چفت چاریق اولدیغنه قانع ایدم . قادینك بوتون اوضاعی کبی
 آياق لرنده ده تا طبیعتدن ، ایکی بیك سنه اولکی اصل توراندن
 کلن کورولتوسز ، طبیعی بر قدرت واردی . بوتون بوهیت
 عمومیه نك قدرت سادکیسنه اشتراك ایدن باشنده سرت فقط
 قصور سر بر خط و معنا کوزللیکی بولدم . دوشوك و قوتلی
 اوموزلری اوستنده اینجه و اوزون بوینك طاشیدینی باشك
 اسکلتنده خلقت اك اینجه قلملره اوینامشدی .
 بونك اورتولوشنده کی سادکی و قدرت ! آلنك صاچ خطك

آلتدن قولاقلريني وجکه سنک آلتی چويره رک يالکز براز
 يورلاجه يوزيني ميدانده براقان برياض بروسه بزی اوموزلرينه
 ادعاسز فقط کوزل قيورينتيلرله دوشیوردی . بر تل صاحنی
 بيله آچقده براقه دن يوزيني بوتون قابليت قدرتی ايله کوسـترن
 بوبياض اورتو اورته سنده بوتون نظرلر دیکلدی . تنی بياض ،
 رنگسز ؛ فقط کونشده هواده دولاشمقدن آلتونی برزنکینلک
 آلمش . قاشلری سیاه ، اینجه ، قلمله چکلמש ؛ صوکره آلتنده
 اوزون سیاه کیرپیکلر آراسنده بویوک ، بر آز دونوق فیروزه
 رنگنده ایکی مائی ، مصر و قدرتی نظر .. باقیشنده قطعاً
 قادین ، ارکک انسانه جنسیت خاطرلاتان برشی یوقدی . بو
 ایکی کوز ، قوتندن بی خبر اولدینی ایچون غیر قابل مقاومت
 ایکی اسمسز قوتدی ؛ حس ایتدم که یکی تورانک ، حتی بر آزده
 کندیمی قاتیشتردم ، بوتون یکی تورکیه نك بو قادینک ایکی مائی
 کوزنده تورکیه نك هنوز بیانمه یں روح و دماغ قابلیتلرندن بحث ایدن
 بو ایکی ضیا سندن قوتلی نه طوی نه ده توفکی وار! بو وقور و معظم آلتی
 و کوزلری آلتنده بر زمان صوکره کوزلر بر بورنی ، یمو شاق ، مشفق ،
 رنگسز قادین دوداقلری اولدیغنه دقت ایتدم . چکه نك اطرافدن
 چهره نك وقور اسکلتنی وجدیتنی سودیرن ، کولمکه ، آجیمغه ،
 بوتون انسانلره روحنی آچغه ، فدا ایتمکه او قدر حاضر ، کوزل
 یمو شاق چیز کیم واردی . بو قدرتک یکی توران ایچون نه
 اولاجغنی دوشونه مدن اونک بوتون حضاری ارایان ، دلن

نظر لریله قاریشدیغمی حس ایتدم وایچمدن بو نظر لری طانیق ایستین بر اذا دویدم.

فقط قادیله داها فضله مشغول اولمغه وقت قالمادن یکی توران فرقه سنک رئیس اوغوزک صحنه کلدیکی کوردیم . عمر مده ایلك دفعه اولارق عمجه مک هویتی قدر قوتلی بر هویتله قارشی قارشی یه کلدیکی وایلك دفعه اولارق یکی تورانک ، یکی عثمانلی فرقه سی رئیس حمدی پاشایه معادل بر رئیس بولدیغی حس ایتدم . بو ، اورته دن اوزونجه ، قوتلی اوموزلی فقط میکلی ، اوتوز بش ایله قرق اراسنده بر آدمی . قوتلی چیز کیلری ایله ، قوتلی اعضا لریله میکلی ، بویوک ، قیرصاچلی بر باشی واردی . اک چوق ، برازچیک ودرین یشیل کوزلرنده عناد ، یوموشاقلق و غزم انسانه چارپوردی .

آرقه سنده ، بوتون مودایه ویکیلکه میدان او قور کبی یاقه سز بر کوماک ، یوموشاق تورک قماشندن بولجه قورشونی ، ساده بر قوستوم واردی . قطعی آدیملرله اورته یه کلدی . الهی رحایه دایادی وبرزمان ، افکارینی اکمک ایستدیکی زمینی ، حضارک روحنی کوزلریله پاموق آتار کبی ، تارلا سورر کبی قاریشدی ردی . بونده ، بوساده و قوتلی آدمده آتیلارک ، جنکیزلرک ، تایلک تورکلرک اک ابتدائی ، سرت ، جدی طبیعت و هویتلرینک صوک درجه تکاملنی بولمش بر تمثالنی ، غایه سنه ایرمش ، شکل قطعیمنی آلمش بر تورک املنی کوریورم ظن

ایتمد وینه کوچوک بردقیقه ایچون ، یکی عثمانیلردن دکل بر
تورک ، تورانک الک صحیح بر چوجنی اولدیغمی دویدم . فقط
بویکی حس وهیجانک تأثیرینه قایلهرق اعتقاد آتی صارصامق
ایچون ایچمدهکی وحشی عصیان ومقاومه ینه صارلدم .
اوغوز ، چوق سورمه دن قطعی وقوتلی برسسله باشلادی :

قاردشلم ،

برقاچ آی صوکرآ سز وبوتون ملت تکرار اولکه مزی
اداره ایچون یکی آدملر سیچه جک وبویکی آدملر واسطه سیله
تورکیایه درت سنه ایچون خارجی وداخلی شکانی ویره جکسکز .
یالکیز درت سنه دیمکده بلکه دوغرو دکلدر . چونکه کرک
انسان کرک ملت درت سنه ظرفده متمادی آلدیغی استقامته پک
چوق آلیشیر ، ویریه جک شکله پک چوق یوموشار ، یاتیشیر .
بودرت سنه صوکرآ درت سنه دن بری آلدیغی شکله و بویوله
دوام اوکا قولای کلیر . باشقه یوله کیتمک لازم کلیرسه پک چوق
زورلق چکر . انسانلر کبی ملتدرده آلیشیمق دنیان شیئک
آز چوق اسیریدرلر . برملته اسکی اعتیادلری دکیشدیروب
یکی اعتیادلر ، یکی شکللر ویرمک لازم کلیرسه بونی یاپانلر
سنه لرجه ، یورولمه دن ، حتی ایسته دکلرینه بعضاً موفق اولمادن ،
فدا کار وصبور ، چالیشمالیدرلر .

شیمدی سزک اوککزده آچیق ایکی یول وار ، قاردشلم :
بری یکی تورانک کوستردیکی یول ، اوته کی یکی عثمانیلرک

کوستردىكى يول . بونلرک هانکيسنى سىچە جکسکىز؟ بونلرک ،
ايکيسى دە سىزە کىندى يوللرىنک دوغرو اولدىغى سويلە جکلر .
نتە کىم بوکون ، بن ، يکى تورانک چوجوغى سىزى يکى تورانک
يولنە چاغىرييورم . دوغرو يول بودر دىيورم . فقط سىزىکا
بويول نرەدە وناصل؟ دىيە جکسکىز . اوت « اى يکى توران ،
سوکىلى اولکە ، سويلە ، سکا يول نرەدە ؟ »

اوت ، بن مادامکە سىزى يکى تورانک يولنە دعوت ايدىيورم ،
عىنى زماندە بويولک دها صاغلام دها دوغرو وصوکى خىرە ،
سلامتە چىقار اولدىغى اثبات ايتلىيم . ظن ايتەيىکىزکە بن
بويولە يالکىز تورانک چوجوقلىرىنى ، تورک قارداشلىرىمى
چاغىرييورم . خاير ، هپسىنى ، تورکيانک بوتون چوجوقلىرىنى ،
بوطوپراقده ، اولکەدە ماضىسىنى ، حياتى ، اجدادىنى وتارىخىنى
صاقلایان بوتون تورکيا طوپراغىنک چوجوقلىرىنى ، کوردلرى ،
عربلرى ، ارمنىلرى ، روملرى ، هپسىنى چاغىرييورم وهپسى
ايچون بويولک بوکون سلامت يولى اولدىغى ادعا ايدىيورم .
يالکىز ، دىيورمکە تورانک اصل چوجوقلىرىنک ، تورکلرک ،
بويولده اوتەكى وطنداشلىر آراسىندە معناً ومادەً اونلر قدر
قوتلى ، اونلرى وبوتون مملکتى ، اىپلکلىرى قاقچش چوراب
اورکوسى کبى سوکولوب داغلمقدن منع ايدەبيلەجک قدر
بربرينه صيقىشمش ، متحد ومقتدر اولمالرى لازم کلەجکىنى

ادعا ايدييورم واکر بوتون بولا قرديلرمده دها زياده منسوب اولديغيم عرقه طرفدار کورونيورسهم بيلکيزکه [انسانلر ، صميمي اولسهار ، اعتراف ايده جکاري کبي] سوکيلي عرقی قورتارمق ، ياشاتمق آرزوسنه اوته کی عرقلرک منفعت و سلامتارینی مزج ايتمش اولمق اعتقادینده کوکلده ووجداننده طاشيورم . کندی اعتقاد و مقصديمی سويله دکن صوکره اصل سزدا ثبات ايتمک ايسته دیکم شيئه چيورم . بونی برجهله شکلنده برکره دها تکرار ايدهيم :

يکي تورانک يولي سلامت يوليدر : بونی اثبات ايچون اولاشيمدی يه قدر تورکيانک هانکي يوللردن کيتديکني ، بويوللرک هانکيسي يکي تورانک يولنه بکزه يوب بکزده دیکني و بکزده مەکن کوردیکمز ضررلری ياخود قائدهلری صايالم و صوکره کندی يولزی و چيقاراجنی ، سوق ايده جکي نتيجه يي تدقيق ايدهلم . بونی يایمق ايچون ، برآز عثمانلی تاريخنده بنمله برابر دولاشمه کزی رجا ايده جکم . کرچه بوراده کی يکي توران چو جوقلرينک علم و حاللردن صوکره اک مقدس بروظيفه ديه بلله دکاري شی عثمانلی تاريخی اولديغنه امينم . فقط بعضاً انسان بيلمه دیکي فقط بولمق ايسته دیکي يوله ، پک آشنا اولدينی اسکی يوللردن چيقار . بونی ياپه بيلمک ايچونده مطلق بواسکی يوللرده اوزون اوزون دولاشمغه مجبور اولور .

تامیلادک اون دردنجی عصرینه ، هجرتک سکنزنجی عصرینک
 صوکنه و دوقوزنجی عصرک ابتداسنه کیده لم . اولآ آسیای
 وسطی یه ، صوکرآ آوروپایه دوغرو یاییله رق اسکی سلچوق
 ویزانس حکومتلرینک خرابه لری اوزرینه یکی بر حکومت و یکی
 بر هویتله چیقان عثمانلی تورکلرینک ابتداسنه ، اجدادیمزه عودت
 ایده لم . یالکز سلچوقلر و مختلف کوچوک تورک عش-یرتلی
 اوزرینه حکومتلرینی بنا ایدرکن عثمانلی تورکلرینی سیر ایده لم .
 بن بوکابرنجی دور یا خود تمل آتمق دوری دییورم . بودورده کی
 سیاسیاتلرینی ، غایه خیالترینی ، عثمانلی تورکی حکومتک استقبالنه
 ویرمک ایسته دکاری اس-تقامتی ، سویه اجتماعیه لرینی ، خلاصه
 تکمیل اوکونکی چهره لرینی تدقیق ایده لم .

اجدادیمزک تمل آتمق دورنده کی سیای هویتلرینی هیچ
 بردورده بولامیه جغمز بر بویوکلک ، بر قابلیت واستقبال بنا
 ایدیجی بر سیاست وتمدنه دوغرو شتاب ایدن بر استعجال ایله
 دولو کورورز . درت یوز آتلی ایله کندیلرینه نسبتاً پک بویوک
 بر ساحیه حکم ایتمکه باشلایان اجدادیمز تورک عرقنک باشقه
 یرلرده کوستردیکی قابلیتدن [مجارلر و فینوالرله بر درجه یه قدر
 هندده کی تورک حکمدارلری مستثنا] دها یوکسک بر قابلیتله
 ایشه باشلایورلر . عادتاً عثمانلی تورکلرینی قدیم غول و آلمانایه ،
 بوتون آوروپایه داغیلوب ، - ایلك قیروب خراب ایتمه لرینه
 رغماً - تشکیلات و حکومت بنا ایتمک قابلیتینی الکچوق کوسته رن

شمال آدملىرىنىڭ درجە تەمىنىدە بولىدۇ . سىياسىي وقومى بىر
 مقصد بىلەن مەركەزىي سادەجە ، آياق باصدىغىنى بىرلەشتۈرۈپ بىر
 قەدەر خرابا ئىدۇب كېچىن ئايلىك اجدادىمىز آتايلاش ، جىنكىزىلەر
 ۋە ھەلا كۆلۈردىن پەك باشقە خەيىرە ۋە كۆمۈر بىر ئوچ تۈرك چىقىدۇ .
 بونلار آتايلاش ، ھەلا كۆ ۋە جىنكىزىلەر مەشركىي مەھاراب بىر مەشرب
 ۋە ئىتتىپاقى ، بىرلىشىش ۋە بىنا ئىتتىپاقى ئىچۈن قوللانغۇچىلار . ئۇداغىيان
 تۈرك ئىشلىرىنىڭ ۋە سەلچۇقنىڭ ئۆزىنى شەيئەن خەيىرە سۈرۈپ
 ئاساسلى بىر ھۆكۈمەت بىنا ئىدىيىلەر . قانۇنلار ياپىيۇرلار ، يوللار
 ياپىيۇرلار ، بىنلار ياپىيۇرلار ، مەكتەپلەر ، مەدرىسەلەر ياپىيۇرلار ، يەنى بىر
 ئادىيات ۋە ھۆبەت ھەيىرە ياپىيۇرلار . كەندىلەردە ئۇلمايان بوشىلار
 بويۇك بىر تەۋاسۇلە ھەيىرە ، مەجلىس ، سەلچۇقنىڭ ، ئىككى رومانىك
 بىلەن سەن ، خەلاصە ئۆزى بولىدۇر سە ئالىيۇرلار . بويلىك دىققەت
 تەشكىلات ياپىمىدە بىر قەدەر قەيىرە ۋە يۈكسەك بىر قابىلىت كۆرسەتەن
 تۈركلەر ئۇلارنىڭ رومانلار ۋە ھەلا باشقە قوملاردا ئۇلارنىڭ .
 بىر ئادەتتا يەنى ئامېرىكا ئىنسانىيەت كېچى بىر شىئە ! دىن ۋە مەزھەب ئىختىلاڧە
 باققىسىز ئۇلارنىڭ سەن كۆرۈنمەن بىر ئىتتىپاق ۋە مەساۋات ، دۇررىن
 بىر ئىتتىپاق ئىتتىپاقى تۈرك ھۆكۈمەتنى قۇرىيۇرلار . بىر ئادەتتا بىر ھۆكۈمەت
 قۇرۇمى مقصد ۋە ھەيىرە تەۋەبىيەت ۋە ھەيىرە بىر شىئە قارىيۇر .
 مەيىن بىر مقصدلىرى ۋە ، ئۇنى ياپىيۇرلار .

فقط دقت ئىدىيەلەر . بىر قەيىرە ، ئادىل ۋە ئىنسانىيەت مەغلۇم
 ھۆكۈمەتنىڭ ئىنسانىيەت ، ئىلى يەنە بىر تۈرك ئىنسانىيەت ، ئۇنى كەيىر .

اوعرق ، اوتمل اطرافه ، اوزرینه طوپلانیور . وبو تورک
 عرقی اوکون ایچون مادی ، معنوی بوتون فضیلتلرله جداجهزدر .
 صوکره ، یاواش یاواش بو حکومتک اطرافه قول صالوب
 بویودیکنی ، تورک اولمایان عنصر و مملکتلره حکم ایتدیکنی ،
 یکپاره تورک عرقی یاننده صربلر ، ماکه دونیالیلر ، آرنالودلر
 وسائر طوپلانیدیغنی وبو حکومتک آوروپایه ممکن اولدیغنی قدر
 ایلرلیوب یورودیکنی کوریورز . ایلک استیلا دورندهده بر
 مقصد سیاست وار . عناصری مختلف ، طوپراقلری وقابایتلری
 چوق اولکهلر اوزرنده ، خایر ، بو اولکهلری طوپلایه رق
 قوی برال ایله عثمانلی تورک حکومتنه قلب ایدرک بویومک
 سیاستی ! بو ایکنجی دوره بویومک واستیلا ایتمک دوری
 دیه جکم . بونی ، شهزاده سلیمان پاشانک روم ایلییه کچمه سندن
 سلطان فاتمک ارتحالنه قدر تمادی ایتدیره جکم . بورادهده
 دیدیکم کبی معین بر مقصد و غایه خیال وبوکا سوق ایده جک
 وسائطی تقدیر ایده رک استعمال ایدیش وار . اکر عثمانلی تورک
 حکومتی دائماً برنجی وایکنجی دوره سنک غایه املنده کی وضوح
 ووسائطنده کی بیلکی کی کوسترمش اولسهیدی بوکون اولکه مزنی
 بابل قله سنه بکزه دن ملت ، دیل وپولتیقه قوغاسنی کورمیه جکدک .
 اوکون حکومتک بوتون عناصری عینی سویهده بر قابلیت
 ایچنده ، عینی وسائطله اداره ایدیلورلر ، عینی یوله کیدیورلر .
 فقط ایلک دورلرنده کی قطعیت واستعجال صوکره آزالمش ،

بوتون بو عرقلری و حکومتی اداره ایدن قوت تنبلاشمش ،
 آغیرلاشمش ، مقصدینی غائب ایتمه باشلامشدر . بوندن
 صوکره سلطان سایمانده داخل اولدینی حالده عثمانلی تورک
 حکمدارلرینک و حکومتک سیاستی مقصدسز و مضر اولغنه
 باشلايور . بلکه اسکی دربدر قان ، بلکه بویزانس ، عجم ، روم
 ودیگر اسکی مدنیلرک آنجق ضرر ویرن جهتلرینه معروض
 قالمق عثمانلی تورکلرینک اسکی بنا ایدیجی ، ساده ، فقط عینی
 زمانده هر طرفدن مناظر صورتده تمدن ایتک هویتلرینی
 سیلیور . بو ، « مقصدسزلق و قوضا » دوری . آرتق تورکلری ،
 کافی درجهده بویومش ، تشکیلاتی ضعیفلامش اولکه لرینک
 تقویه سی و تأمین ترقیسی ایله مشغول کورمیورز . بلا مقصد ،
 بلالزوم ویانه قاپیلرینه قدر کیتک ، موسقوقله طوتوشمق ،
 بحارلرله طوتوشمق ، قوضا ، قوضا ، قان ! صوکره آلدینی یرلری
 پاموق ایپلکنه بیله باغلامدن عودت ، صوکره ینه بوتون
 مادی و معنوی قدرتی یهن جنک سلسله سینه ابتدار ! طبیعی
 بو بویوک ، لزومسز و فائدهسز قوغالره برنجی درجهده تورک
 عنصری ، ایکنجی درجهده مسلمان عنصری دوام ایدیور .
 آراده برفضله ظلم ، بعضاً فضله برامتیازله وارلغنی ، یقینلغنی
 اخطار ایتسه تورک ایمپراطورلغنک تماماً لاقیدقالدینی دنیه بیله جنک
 خرستیان عنصری [چونکه آرتق خرستیانلر اردویه کیرمه یور]
 یواش ، یواش فقط قطعی بر تکاملله مختلف ملتلر وجوده

كتيريور ، وياتىندە قوغدان دوشونمىكە ، بويومىكە ، تىمدنە وقتى ،
ولمايان تورك قومشوسىنى آرقەدە براقوب نىسلى چوغاليور ،
عقلى چوغاليور ، وايلريله يور . بر زمان كليوركە آسيا واوروپا
خريطەسنە تامما يىبانجى برشكىل وىرن برتحوللە تورك اولكەسى
اوزرنەدە حكومتلر قورولدىغى ، ملتىر يارادلىغى ، اولكە مزىدە
هيچ برحقلى اولمايان حكومتلر يىرايلاشقلىرىنى كورييورز .
آرتق انحطاط ! حالا ، عثمانلى توركى ، عىرقىدن هيچ بر وقت
سيلمىيەجك اولان شجاعى ايله صاغە صولەوورييور ، يوردىنى
مدافعه يە چالشيور . فقط فائىدەسىز . بر زمان ، ايلك تىمدنە
دوغرو بر آدىم آتان سىلطان محمود و سىلطان سىلىم لرك تجدد
فكرلىرى ، مجاهده لرى بر ظلمت ايچىندە بر نور كې پارلايور .
فقط بۇدە پك چابوق اجنبى احتراصلر ، منفعت پرست و مضر
تعصبلر ، تىبللكلر و اخلاقىسزلقلرلە سونيور ، آزاليور .
نهایت ، اك نهایت بۇندن يكرمى بوقدر سەنە اولكى انقلاب ،
حكومت و سياست اساسىندە بوتون مدنيتك و انسانيتك قبول
ايتدىكى حاكيت مليە اوزرىنە حكومتلىرىنى بنا ايچون عثمانلى
توركلىرىنك ايلك مىلى انقلابى ... طبعى برملتك ترقى و تىمدنى ،
بقاسى او ملتك كندى كندىنە بوتون مؤسسات اجتماعيە ،
مدنيە و سياسيه سىنى بنا ايتىمكەدەكى قابليت و موفىقتى ايله قابلدور .
دىمك عثمانلى توركلىرى ياشايە بىلىمك ، تىمدن ايتىمك قابليت و حقنى
اىستەيورلر . فقط ايتىدىكلرى حاكيت مليە اللرىنە كچرىكمىز

پک عجایب بر حاکمیت ملیه اولیور . حاکمیت ملیه او زمان ،
 اوت ، فرانسه ده ، انکلتزده آلمانیا ده وهریرده قابل ؛ فقط
 تورکیاده مشکل ، پک مشکل . حاکمیت ملیه عثمانلی ملتی
 خلیطه سی ایچنده غایت عجایب و دولاماجلی بر معنا آلیور ،
 بوندن روم ، بلغار ، تورک ، عرب ، آرناد ، هپسی باشقه
 باشقه معنا آکالیور ؛ حتی بو عینی عرقلر ایچنده کی مختلف
 صنفلر بیله باشقه معنا آکالیور : روملرک بر قسمی یونانستانه
 التحاق ، بلغارلر بلغارستانه التحاق ، آرنادلر بیلیمنه ، تورکلر
 کندی قدرت و عددلرینک و قابیلرینک اداره ایدمه جکی
 غیر واضح بر مرکزیت و سائره ! بردن بره عثمانلی ایمپراطورلغی
 پک کوشه مش وچورومکه یوزطوتمش اساسندن صارصیلیور .
 اطرافزده ذاتاً موجود اولمایان معین و متحد بر مقصد ، برامل
 بر یول اکسیکلکنی ؛ آیاغمزک آلتنده قایان اجداد یوردبنک
 خرابیسنی ، حرارتنه صوصامش اولدیغمز اوجاغمزک صوغوماسنی
 دوییسورز . ایلک زمانلرک ملیت قوغالری ، حاکمیت قوغالری
 آراسنده اساسندن زیاده ظاهرینه ، پولتیقه نه شکل ویرمک
 ایسته ین ایکی یول ، ایکی آوازوار . ایلک سنه لری ایکی طرفده ده
 غیر معین بر پروغرام ، اساساً ضعیف اولان و بو ضعیفی سببیه
 اوته کی عناصری ده بر برینه قاتان تورک عنصری آراسنده
 قوغالر تولید ایدی یور . بو قوغالر برچوق فلا کته ده سببیت
 ویری یور . فقط بو فلا کتلر و قوغالرکده آجی اولقله برابر
 بر درسی ، بر فائده سی اولدی .

بر آن ايجون ، تورکيا دوردي . اوننده آچيلان ايکي يولک
هانکيسندن سلامتہ چيقارم ، اونمده کي مالزمه دن هانکي
طرفک کوستردیکی طرزده تمل آتارسهم ياپه جغم استقبال
بناسي صاغلام اولور ؟ ديه دوشونيور . ايشته بورايه کلدکدن
صوکره بوايکي يولي کوسته دن چوجوقلري ده تورکيانک اوننه
کچيور : بنم يولم دن کليرسهک سلامتہ کيدرسک ؛ ديه هايقريريور .
بونلرک بري يکي عثمانيلير ، بري « يکي توران » .

بن بوراده يکي عثمانيليرک پروغرامندن ، کوستردکلري
يولدن بحث ايتيه جکم . بن ساده جه يکي تورانک يولندن
کيدیکز ديه جکم . يکي تورانک ناصل سلامتہ چيقاره جغندن
بحث ايده جکم . اونلرده طيبي کندی يوللريني ، مملکتک
تملني ناصل آتمق لازم کله جکني آکلاته جقلر ، اونلري ده
ديکليه جکسکز وبزي ده دیکله دکن صوکره ايکيسني مقايسه
ايده جکسکز .

يکي توران ، وطني قورتاره جغه ايمان ايتديکي بوکونکي
پروغرامني حاضر لاهه دن سنه لرجه تجربه دن تجربه يه کچدي .
سنه لرجه عثمانلي ملتک تاريخني ، تجاريني کوزدن کچيردي .
بوتارينخده ، سياسي بر پروغرام ياپمق ايجون ، تاريخک مختلف
سياسي مقصدلريني وبونلرک ملتک تکاملي اوزرينه تأثيريني
تدقيق ايتدي . بونده نه بولدي ؟ دمندن سزه قيصه بر خلاصه
ياپدم . شيمدي بونلري ينه بر قيصه جه کوزدن کچيروب

هانکیسی ان فائده لی اولدیغنه باقم. طبعی اورتهدده کی مقصد سز
استیلا وقوغا دوری واونی تعقیب ایدن انحطاط دورنده برشی
آرامیه جغز . ایشیمزه یارایه جق عثمانلی ملتنک حیاتنده اولا
برتمل یاپان دوریه ، صوکره شان وظفرله ترقی دورینه ، برده
انک صوک شو یکر می سنه ظرفنده حاکمیت ملیه اوزرینه دایامق
ایسته دیکمز دوره باقه جغز . بزم ایشیمزه طبعی برنجی دورله انک
صوک شو انک قاریشیق دور یارایه جق .

اولا هیمز اجدادیمز کی عثمانلی ایمپراطورلغنه صاغلام
ویکی تملر آتمق لازم کلدیکنه قانغزیا ؟ [اوت اوت صدالری]
بونده یکی عثمانلیلرله یکی توران و بوتون مملکت متفق دگلی ؟
[اوت ، اوت صدالری] پک اعلا ، شیمدی بو تملی فاصل
آتا جغز ؟ بر کره اجدادمزک بونی فاصل ونه شرائط
ایچنده یاپدیغنه باقم . اجدادمز قوتلی بر مرکزیت اوزرینه
بنا ایدلمش مطلق فقط عادل بر تورک حکومتی تملی آتیوردی ،
دگلی ؟ و بونده ده پک موفق اولیوردی .

فقط بز تورکک روحنه پک یاقین بو غایه نی بو کونکی
حاکمیت ملیه فکریله مزج ایدرسهک یاپاییلمیزی ؟ خایر .
چونکه اجدادیمز ، اساسلری متجانس ، قوی بر تورک عرقی
اوزرینه قوریور . فقط بو اوقدر قوی وعادل بر اساسکه
بونک اوزرینه یالکیز قوغا ایله ضبط ایدلمش خرسیانلر دکل
باشقه حکومت منسوب خرسیانلر ده کلوب حیاتلری قوریورلردی .

بونی بوکون یاپمايز . چونکه اولا تورکدن غیری عناصر
 تورکیانک بک مهم قسمنی تشکیل اییدیور . و بو عناصرک قسم
 مهمنده اون دو قوزنجی ویکرمنجی عصرک میدانه قویدینی
 «ملت» حسی صوک درجه قوتنده . اوقدر قوتلی که حتی عینی
 دینه منسوب اولانلر بيله عرق مسئله سنده بر بردن آریلیورلر .
 مثلا طرابلس غرب محاربه سنده تورک ایله عربی دین قوجاق
 قوجاغه برلشیدر دیکي حالدده عین تاریخده مسلمان آرنادولرک
 دنیاده یکانه مسلمان حکومتی اوله رق قالان وطنلرینی آوروپانک
 پایلاشه جنی ، یغما ایدم جکی بر اولکه حالنه قویه جقلرینی
 دوشنمیه رک ، بو تهلهکلی زمانده عصیان ایتدکلرینی کوریوروز .
 حالبوکه آرنادوده تورکده منسوب اولدقلری دینی محافظه ایچون
 نه لر فدا ایتزلر . دیمک که بوکون مملکت مزی بنا ایدرکن تورکی ،
 عربی ، ارمنی ، رومی و سائر دینی بر برینه باغلايه حق مشترک
 بر منفعت و محبت بولمالی .

بونی یاپه بیلمک ایچون بو طوپراغی هر عنصر کندی اداره
 ایتدیکي ، یاشایوب اولدیکي بر اولکه اولمق اوزره سوملی
 و هر دقیقه اوتیه کی عناصرک غرتلاغنه آتلاغه چالیشمالی . بونک
 ایچونده عنصر آراسنده ذهنی سویه آز چوق برلشملی .
 صوکره قوغالرینی فصل ایدن ، حدودلرینی بکله ین ، کندی
 مملکتدن باشقه کندی عرقدن باشقه هر عرق ایچون اولوب
 هیچده شو مملکتده بر نصیب آلمایان تورکدن نفرت ایتمه ملی ،

بو حدود بکله مکدن تارلاسنی سوره مین ، باشقه مملکتلرک یوللری و معارفی ایچون ویرکی و یروبده کندی یوردی ویران و قارا کلک قالان ، حتی مملکتنه چوجوق یتشدیرمکه بیله وقت بولامدیغدن اوتیه کی عرقلرک نسللری چوغالوب یرینه صیغماز کن اونک اوجاغی ، تارلالری و بوتون عمرانی ایله برابر عرقی آزانوب سونن ، اک مقتدر اولادلری کاه کردستان ، کاه عربستان ، کاه بیلیم زده برآوردو ، برقضا ، برولایت اداره ایتدیکی ایچون کندی عرقک تکامل ذهنی و مدنیسنه هیچ یاردیمی اولمایان تورکره حقسنز بررظالم دییه باقمالی .

بو ناصل قابل اولور ؟ بو ، آنجق تورک عرقک کندی تارلاسیله ، کندی پارهسیله ، کندی اولادلری و بوتون قابلیت حیاتیه سیله اوتیه کی عرقلردن او قدر کیده کی آدیملری دولدورماسیله . آرتق برامالی ، هرکس کندی ولایتک ، هرکس کندی عرقک ، تارلاسنک و شیخنک مدنیت و ترقیسندن مسئول اولسون ؛ و آرتق برامالی ، هرکس کندی آیری کوچوک مملکتی و عرقی بر مشترک وطن فکری اطرافده اداره آلیشسون . چونکه قارداشلرم ، بو مرکزیت سیاستی ایله یکرمی سنه صوکره مملکتده تورکلردن اثر قالمایه جق ، تورکلر اولما نجه ده طبیعی بو عثمانلی اولکه سی هر عرقک تمایلات و منفعتدن اوزاق بر تقسیم ایله داغیلوب کیده جک .

او حالده ؟ او حالده بویوک عربستان والنده قالان آطه لریله

آسىدا، تورك خليفەسى آلتىدە توپلانان مشروطىيە بر «فەدراسيون» ياپمىغە حاضىرلانمىلى ! و آنجىق بو فەدەراسيون بىزى آوروپانىك آچىق كوزلردىن قورتاراجىق ، بعضى قارداشلىرىمىزى آنا طورپراغىيە كوچوك بر اختلاف ، حكومتىنە قارشى كوچوك بر برعصيان نتيجه سىندە يابانچى حكومتلىك نېچەسىنە دوشمىكدىن قوروياجىق . بعضىرلر دون كوچوك بر ياردەملىك بولسۇن بوكون تا قىلمىز ، جانمىزە قدر چىقان بر قانغىرن اولمىغە باشلادى . يارىندە شېھىرىزىرر برر اوتە كىلر باشلايەجىق وبونلىرى طوتمىق ايچون ھەر طرفە داغىلان تورك ، قوتى تاماماً غائب ايدەجىك . نتيجهسى دىمىندە دىدىكىم كىي خرابى .

دىمىك كە يېڭى تورانىك پروگراممى واسىع بر عدم مىركىزىتە ، فقط فەدەراسيون باغلىرى آلتىدە بر قوتلى نىقەتە ، بر حىكمىدارە ، حكومتە باغلايەجىق مىشرك مىنفعەت ومىحبەت . يېڭى تورانىك پروگراممى يېڭى تورانىك اساسلىرىنى قىبولدىن باشقە بىزم ايچون بوكون بر نىجات يوقدر . يېڭى توران ، قومشولرىنە كىندى مىلى وزھنى قابىلىتلىرى ايله مىملىكت و طورپراقلىرىنىك انكىشافقە چالشمىغە مىساعىدە ايدىركىن كىندىدە بوتون قوتى يېڭى توران چوجوقلىرىنىك ھەردىلو ترقىسە ، انكىشافقە وبىومەلىرىنە مىصرف غىرىت ايدەجىكدىر . يېڭى توران ، چوجوقلىرىنىك ھىتى قادىن قىسمىدە داخلى اولدىغىيى ھالەدە ھەپسىنىك تىكامل وسىعادتى ايچون اوغراشەجىقدىر . يېڭى تورانىك بولدىن باشقەدە بر بويوك وظيفەسى وار . يېڭى توران ،

بوتون قومشولرينه مطلق برحريت مذهبيه ويرمكله كنديسي
 ايلك دفعه اولارق دنيايه اسلاميتك مانع مدنيت اولماديغي اثبات
 ايدجك . بوكون بزم يوزيمزه مدني آوروپانك فيرلاتدني الك
 بويوك ضربه مغويه نه در ؟ اسلاميت مدنيتله ائتلاف ايدمهز ،
 ادعاسي دكلى ؟ وبوني بزه برر برر منقرض اولوب كيدن ديكر
 مسلمان مملكتلريني وبزمده آوروپاده كي موفقيتسزلكمزي
 كوسته ردهك اثباته چاليشورلر ، ايشته مادي دليللر ديورلر
 دكلى ؟ بزه اوكا خاير ديه جكر . مدنيت ، عايله او جاعنك
 قدسيتني ، مئائتي ، قادينلرك جمعيتده كي موقع محترمني ، ومؤسسات
 مدنيه ي قبول ، دكلى ؟ پكي ! ايشته ياني باشمزه ده او جاعنك
 اصل بكجي لري ، آنلري ، بوتون حيات ومساعيمزك آرقداشلي ،
 قادينلريز ، ايشته ، مكتب وخسته خانه لريز ، ايشته يوللر
 وفابريقه لريز ؛ ايشته بوتون احتياجات مدنيه واجتماعيه وعلميه سني
 تأمين ايدن علما ، متفنن ، صنعتكار ، مهندس ، ماكينست ،
 تجار ، هرشي ، هرشيئمز . بونلري ياپمغه ، كوريورسكزيا ،
 اسلاميت هيچ مانع اولمادي . باقكرز يكي تورانك چوجوقلري
 مدنيتي ناصل تعصب وريامانعه لرينه غلبه چالارق فقط اسلاميتي
 محافظه ايددرك ياپدي . او حالده ؟ شرقدده يارين بو پك مدني ،
 قوي بر فدهد راسيون شككنده تجلي ايدن قوتلي وعادل عثمانلي
 ايمپراطورلغنه بر آرزو كره زواللي ايرانك وصره ايله سائر
 كوچوك دولتلرك التحاق ايتيه جكني كيم ادعا ايدمه بيلير ؟

ایشته یایمق ایسته دیکمز شیلری سزه برر برر سویله دم .
 ونهایتده تورک عرقی ، صو کرا مشترک وطنمزی قورتارمق
 آنجق یکی تورانک اساسلری بوتون شجاعت مدنیه ومادیه ایله
 قوه دن فعله کتیرمکدن باشقه چاره اولمادیغنه سزی اقناع ایتدم ،
 امید ایدیورم .

اوغوزك قوتلى كوكسندن چيقوب بوتون حضارك روحلرندە
عكس صدا ياپان معظم ومقع سسى بر آن ايچون دوردى .
صوكراسكى شدت وحياتندن اوزاق، نيازكار، شفيق وديندار
برخشوعله اللرىنى آجدى :

— يكي توران ايچون دعا ايدەنم، ديدى .

وهپ بردن حضار آياقده ، باشلىرى اوكلرنده ، اللرى
آچيق ، دعا ايدىيورلردى . حضار آردەسندەكى يكي عثمانلىلر ،
بودعايه اشتراك ايمەن يايانچيلر ، ھېمز غير اختيارى بر حرمتلە
آياغە قالمشديق . قادين ، ارکک ، بر تەك روحدن ، قابىدن
كليورمش كې بوتون مرمغا وشكلدەكى سسلر اتناد ايتش ؛
يوردك جاملى طـاوانلردن كوكە چيقمق ايچون يوكسەليور ،
كورلەيوردى . بودعالرىدە ، شرقيلىرى كې ، سوکېلى يكي توران
غايەسى اطرافندە ھېسنى يىكپارە بر قلب كتەسەنە بىگىزتمشدى .
[طيعى بىم روحم بو دعانك عكسنى ، يكي عثمانلى اساسلىرىنك
موفيتىنى اللھدن استرحام ايدىيوردى .] ھريكى توران چوجوغنك
ايلك لاقيردى يە باشلاكن اوكرەنوب سويلەدىكى ، انك اختيار
بر يكي توران چوجوغنك اولوركن روحندن صوك توپان بو
قيصە دعانك سادەلەكندە وصمىميتندە تا ايلك توركارك قدرت

وبويوکلککندن کلن برکوزللك اولديغني اعترافه مجبورم .
هرکسک يوزنده جدی وديندار برمغا، روحلرينه سوزولن
بويکي توران خطينک صميمي وبويوکل نطقى ايله براز ييهوش
داغليورلردی ؛ نه ياشاسون ياشاسون ؛ نه آلقيش ، نه پاپيردی .
بردن بره بو سيلوسك سلطان سليمان زماننده تورک اردوسنده کی
بايرامی آکلاديشنی خاطرلادم ، مسرت ، الم ، حدت ، هرشی
تورک روحنده تا عمقه چوکن بروقار وجدیتله کنديسني
کوستريوردی . کندي حسابمه قطعياً نه حس ايتديکمی تماميله
تحليل ايدهميوردم . بنده براز سرخوش کبی ايدم . قاپيدن
چيقارکن قولمه برال دوقوندى :

— موزيقلری، دعالری، بيلم نه لری ايله خلقی آلداتمی ابي
اوکره مشلر !

بردن بره دوندم وحيرتله :

— عمجه ، دیدم ، سز بوراده میسکز؟ نره دن چیتدیکنز ؟

عمجه مک چهره سی بولوتلی ایدی :

— انسان النده کی کاغدی اوینامه دن دشمنک کاغدی حقنده

بر فکر پیدا ایتمه لی ، دکلی ؟

— موقعی ناصل بولیورسکز ؟

— انتخاباده قازانمق احتماللری ظنمدن چوق فضله .

کورییورسک یا ، بوکا شووه دن نیله جک قدر ملیتپرور بریولدن
کیدیبورلر .

— بکا پک اویله کلدی، هر حالده تورکلره ایمپراطورلقده اوتله کیلردن فضله یر ویرمیورلر .

— پکی، ذاتا بوتون منطقسزلقلری اوراددیا! هم تورکلره فضله یر ویرمه مک، هم بوقدر تورک ملتپروری کورونمک، هم ده عینی زمانده بوچیلغین عدم مرکزیت ایله مملکتی داغیتمق .
— بکا کلیورکه عدم مرکزیت یاپسه قده یاپماسه قده ذاتا مملکتک اوتله کی عناصری داغیلیور . نه وطن، نه حاکمیت ملیه طوققالی اونلری طوتامیور .

— یا کیلیورسک . بوتون اوتله کی عناصر آراسنده، بو چیلغین عدم مرکزیت پولتیقه سنی کوتمه مکله برابر مرکزیت ایسته نلر یوقی ؟ بوکون مثلاً کردستانه مختاریت ویرمک ایسته سه ک بوکا قیلیجمله مقاومت ایدجک کوردیوقی ظن ایدرسک؟ عربستان، کذلک .

— پکی اما، ویرمدیکمز زمانده اللرنده قلیج ! صوکره، عمیجه، بزده پک منطقی کورونمه یورز . هایدی مرکزیت، پکی اما، بو مرکزیت بوقدر شدتله دوام ایتدجکه حکومتک چهره سی دائماً تورک قاله بیله جکمی؟

— حکومتک چهره سی دائماً عثمانلی قاله جق !

— اداره ایدنلر ؟

— ایستر تورک، ایستر ارمنی، ایستر عرب، ایستر روم،

ایستر کورد !

— حکومتک دینی ، او حالده ؟

— دین رسمیسی دائما مسلمان ، مایتی عثمانلی !

— یکی اما بویولدن کیدرسهک ایمپراطورلقده چوغالان
عنصرک چهره ملیت ومذهبنه کوره بر کون حکومتک دین
رسمیسی دیکشه جک کبی .

— سن دلیمسک عاصم ؟ غالباً مملکتده مسلمان عنصرینک
قاچ میلیون اولدیغنی بیلمه یورسک ؟

— بیلورم ، عمجه ؛ بیلورم . فقط هر کونکی عصیانلر
نتیجه سنده آرناودلغک ناصل کیتدیکنی دوشونیورم . صوکره ،
عربستانی نره لره قدر محافظه ایده جکیز ؟ دییه دوشونیورم .
هر حالده مشکل بر موقعده یز !

عمجه م شدتله قولمدن صارصدی :

— سن ده می اوغوزی دیکلر دیکله مز صارصلدک ؟ شیمدی
انتخاباتده نه قدر صاللان دیغمزی آ کلایورم . چونکه اونلرک
اولطه لرنده ایکی یملری وار: تورکلر ایچون یکی توران مسخره لنی
غیر تورکلر ایچون مستقبل فهده راسیون !

— یوق ، عمجه ، پواتیقه لری دکل اما مکتبلری وبوتون
حرکت فکریه واقصادیه لری جدا مفید ، دکلکی ؟

— پوف ! عجا بوکا بویکی توران اسمی ویریله سه خلق
بر شی یاپمایه جقمی ؟ عاصم ، سنی یوقسه سامیه نک کوزل کوزلریمی
طوتیور ؟

— ساميه ؟ بونزدن چيقدی ؟

— قيا !

بردن بره ، وورلش کي دوردم . قيانک چهره سنده
خاطر لاقم ايچون سيزلانديغم رابطه يي ياقه لادم .

— قيا ، ساميه ها ؟

— اوت . قيا يي بر دفعه سويلرکن ايشيته مدك . طبعي
بولتيقه دن زياده اجتماعيات وخير پرورلک . فقط بوده خلق
يکي تورانه تمايل ايتديرييور .

— بکا کليورکه « يکي توران » ک ايچمدن تقدير ايتديکم
بر جسارت مدنيه ايله قادينلريني اخلاقاً وموقعاً يوکسليمک
اونلري بوشايان حيرت وتحسين بر حاله صووق ايچون
کوستردکلري غيرت پک ده بر طاقم جاهل خلق ممنون ايددجک
شکلده دکل .

— فقط بوني پک باشقه وجداً اسلاميته هيچ دو قونمه دن
ياپيورلر ، هر حالده

ايکيمزده دوردق ، ايکيمزده سياسيات ايچون فرقه مزک
بو اجتماعي ترقى وتعاليدن فنا صورتده استفاده ايتمش اولديغني
دوشنيوردق .

بو نطقدن سوکرا ايکي هفته قدر کچدی ، عمجه مک دائماً
يکي توران اجتماع ونطقلرنده بولماسنه حيرت ايدیوردم .
اوغوز هر یرده ، سلطان احمد ، بايزيد و آياصوفيه کي بويوک

میدانلرده بو نطقنی بلکه دها عوامپرست صورتده برقاچ بیک کشی ایچنده کورله‌ین سسی و قدرت خطابتی ایله تکرار ایدیوردی .

یکی توران غزته‌لری هپ بر آغیزدن عینی صدایی مختلف نغمه‌لره ؛ یکی عثمانلی غزته‌لری اعتراضلر و شدتلره تکرار ایدیورلردی . هیچ بو قدر احتراصلی بر انتخابات اولماشدی . مملکتده برچوق فکر ، حرص و اساس ، یوزلرجه سنه‌نک روایات و عنعناتی ، هر شی بربریه چارپیشیوردی . یکی تورانه غیر تورک عناصر التحاق ایتدیکی کبی تورکلرک یویوجک بر قسمی ده التحاق ایتشدی . فقط التحاق ایتمه‌ین قسم همان بر اختلال یاپه‌جق قدر کورولتو ایدیوردی . اک چوق پاطیردی یاپان شی قادینلرک تحصیلی و فهده‌راسیون مسئله‌لری ایدی . بوکا اصلا موافقت ایتمک ایسته‌میورلردی . مملکتک هواسنده الکتریک چوغالدجه چوغالادی . پولتیقه‌دن آیرلمش اولان اردو پولتیقه‌یه قاریشه‌جق ، قاریشدی کبی ته‌لکه اشارت‌لری بلیرمکه باشلادی . بونک ، بو حوادثک یکی عثمانلیلر طراندن قصدا‌می اشاعه ایدلیدیکی ، یوقسه حقیقت یویله‌می اولدیغنی بیله‌میورم . بیلدیکم بر شی وارسه اوغوزک موعظه‌لرینه بیکلرجه خلق طوپلانیور و بو موعظه‌لره قارشی خلقک وضعیت ذهنیه‌سی بر ملتده اجتماعی و داخلی تجددات و انقلابات اولدیغنی زمانلرک شدت و مجادلاتنه بکزیوردی .

نهایت برکون داخله ناظری استعفا ایتدی . عمجه
داخله ناظری اولدی ، تقیدات زیاده لشدی . اوغوزی توقیف
ایتمک شایعه لری چیقدی . وهیج اونوته میه جغم بر کیجه وکلا
فوق العاده اجتماع ایتدی . ایرته سی کونی آسایشی اخلال
ایتدیکندن دولای اوغوزه عمومی یرلرده لاقیردی سوبله مه مسی
ایچین حکومت تبلیغاته بولوندی . بوتلیغاتی غیر قانونی بولان
اوغوز ایرته سی کونی بر معتاد سلطان احمد میداننده بر قاچ بیک
کشی یه موعظه سنی ویردی .

بونده بنده بولنشم . بویوک بر روز کار واردی . اوغوزک
بویوک ، بیاضلامش باشی آچیلمش ، صاچلری اوچیور ،
قوللر اوموزلرندن آریلاجق کبی بویوک وضعیتله اوچیور ،
سی روز کارله براز دها طنان ، فیرطنه لی بر قدرته اوچیور ؛
خلاصه ، اوغوزک بویوک وجودندن ، بویوک حسلرندن هرشی
بوروز کارله یالکز بودیکله یین خلقه دکل بوتون مملکتک اوچنی
بوجاغنی دولاشوب هر طرفه صاحبک ایمان واعتقادینی کوتوریور
کبی ایدی .

او آقشام ، اوغوزی حکومت توقیف ایتدی . ایرته سی
کونی غزته لرك پاطریدینی و بوتوقیف علیهنده کی معظم متینغری
صوصدیرمق ایچین حکومت بر هفته مدته اداره عرفیه اعلان
ایتدی . متینغره بر آرز سکونت کلدی . فقط اها لیده کی
قایناشمه دوام ایدیور ، بر قسم اوغوز حبسدن چیقمازسه

اختلال يابه جقلرتي سويله يور، بر قسم ، اوغوزك اعدامني طلب ايديوردی . حكومت طبيعي اوغوزك علمينده ایدی و هيچ شبهه يوق كه عمجه م مسكين بر غرضدن دكل ، خاير ، فقط كندی اعتقادنجه ملكتي اونك ويره چكي مضر شكل اداره دن قورتارمق اچين اعدامي طرفداري ایدی ، اكر بونی يابه بيله جك قدرتي كنديسنده بولا ایدی ! هر حالده ، هيئت وكلا نك صوك اجتماعلرنده بر قسم اوغوزي اورته دن قالديرمق ، بر قسم ده براءت ايتديرمك ايسته يوردی . عمجه مله حربيه ناظري شدتله اوغوزك محوي طرفه كيديورلردی . فقط اكثريت صاليورلسي فكرنده بولونيوردی . هر حالده عمجه مك شخصيتي و حربيه ناظرينك راي نك اهميتي مسئله يي ايرته سي صباحه بر اقدیردی .

عمجه مله بن و حربيه ناظري اوتوموبيله حربيه نظارتنه قدر كلدك . بو مسئله ده هم فكر اولان بو ايكي بويوك آدم كاغلر ك اوزرنده مناقشاته دالديلر ، اوتورديلر .

هر اون دقيقه ده بر خدمه آئنده قهوه تپسي سي ايله كادجكه صوصيورلر ، صوكره ينه آغيزلرندن صاورولان سيغاره دومانلريله باشلايورلردی . بو ايكي عسكر ناظر ايكي سي ده قيلنجلريني چيقارمشلر ، ستره لريني چوزمشلر ؛ بري قولتوقدن آياق لريني تاماصيه اوزاتمشلر ، اوتوكي قانا په ده ، هر آن آرتان برصميميت حرارتله مناقشه لري وطن پرور اولديني قدر دوست حسب حالته ده بكزيوردی . يالكيز عمجه م ايكيده برده « شو نقطه يي ضبط ايت ، عاصم » دييوردی .

حربیہ نظارتک الکتریقلری یاندقن ایجه سوکره ایدی که
خدمه قاپی بی آچدی :

— پاشا حضرتلری، سزی برقادین کورمک ایسته یور، دیدی.
ایکی ناظر بردن :

— بنی می ؟ دیه سور دیلر .

خدمه ، عمجه مه خطاباً :

— داخلیه ناظری پاشا حضرتلرینی .

ینکم اولدیکندن بری دنیاده قادینلرله علاقہ سی کیلیمش
کورونن عمجه م ، آجیق برصیقتی ایله :

— بر رجا اولاجق ، کتیریکز ، دیدی . فقط خدمه
چکیلیمه دی :

— مطلق پاشا حضرتلرینی یالکز کورمه م لازم کله جک
دیور ، دیدی .

شیمدی ایکی پاشاده متجسس ، آیاغه قالمشلردی .
حربیہ ناظری سوردی :

— ناصل قادین ؟

— بیلیم ، خوجه می نه در ؟ جبه لی قادینلردن .

حربیہ ناظری متبسم :

— پولتیقه ایشی ، بن ایجری یه کیدیورم ، بنی خدمه ایله
چاغریکز ، دیدی . چکلدی کیتدی .

عمجه مک چهره سی متانتی غائب ایتمکسزین صاراردیغنی

کوردم . حرمتکار بر عسکر طوریه هم ستره سنی ایلکیلیور
همده بردن بره رسمیه شن بر سسله :

— خانم افندی بی بورایه کتیریکز ، دیوردی .

— نیچون بو حرمت ؟ کیم کله جک بیلور میسکز ، عمجه ؟

— بیلورم ، قیا کلیور ، اوغوزک تخلیه سنی طلب ایده جک .

— رجا بلکه . . .

— خایر ، نم بیلدیکم قیا رجادن زیاده طلب ایده جکه بکزر .

سن شو پاراوانانک آرقه سنده بلکه ، سکا احتیاجم اولور .

بن جواب ویرمه که وقت قالمادن قای آچیلدی . خدمه نک

آرقه سندن فی الحقیقه قیا کیردی . الکتريک ضیاسندن می ،

یوقسه اوطه نک یورده نسه کوچوک اولماسندن می ، بیلیم

نهدن ، قیا بو آقشام داهایوکسک ، صولغون چهره سی جدیتک

وبویوکلکنک نوری ایله داهاباشقه یانیوردی . اینجه ویوموشاق

یرقاشدن بول جبه سی ضیانک انعکاسیه بلند وقدرتلی وجودی

اوستنده آریور ، داغیلوردی .

ایاقلرنده بیاض بموشاق پوده سوئدند چاریقلر ، باشنده براز

دها اوموزینه دوشن فقط عینی صورتله اورتولش بیاض

قرب دوشین برباش اورتوسی بوتون اثوابیه برابر دالغه لانیوردی .

بو ، قدرت و رفتاریله جداً معنیدار و تمیز بر نشیده بکزه ن

قادینک یکانه ثابت شیئی متین ، بیاض چهره سیله مادی ، معنوی

تره یه باصدیغنی پک ایی بیلن بیاض ایاقلری ایدی . اللری ،

جبه سنک اوزون قوللری ایچنده کورومیه یوردی .

عمجهم براز دكشديكنی فرق ايتديكم و دوست اولغه
چالیشان برسسله :

— سامیه خانم ، دییه باشلایه جقدی .

فقط قادینك چهره سی و سسی حقیقی بر قیا کبی دكشمه دی .
ونازك اولدینی قدر صوئوق برسسله تصحیح ایتدی :

— قیا ، ظن ایدرسم داخلیه ناظری پاشا حضرتلری ...

عمجهم براز داها صاراردی و چهره سی سرتلندی :

— اوت افندم ، بویوریکز .

— اوتورمایه جغم .

— اوتوریکز دیمك ایسته مدم ، دیکلیورم دیمك ایسته دم .

شیمدی ایکی قوتلی معارض روح ، قادین وارکك ، قارش
قارشیه ایکی طرفدنده ، مبالغه ایدیكکه چالیشیلان بر متانت
وسر تلکله ، آیاقدده ، بر برلینه باقیورلردی .

— حکومتك حقسز اولارق توقیف ایتدیکی اوغوز

بكك تخلیه سنی طلبه کلدیم .

— اوت افندم .

— کندیسنی حکومت . بوراده سسنده حدتاه می یوقسه

تأثیرله می آکلایامدیغم براهتزازله . مملکتده کی مستتا قدرت

وموقعندن قورقان حکومتك یکی عثمانلی عناصری اونی اعدام

ایتدیرمکه قدریبله یوریه جکلرمش . طبعی بو بویوك جنایتی

ایشلر لسه برکون قانونه چارپیلملری ایچون هرشی یاپیلا جغنی ده

بيلمه لری لازم کله جگنی اخطار ایتک و حکومتک اوغوز بک
حقنده فکرینی اوکرنمک ایسته یورم .

— بیتردیکنمی اقدام ؟

— اوت .

— اولا حکومتک ایلک وظیفه سی مملکتده آسایشی
اخلال ایدنلری اورتهدن قالدیرمق اولدیغندن یکی عثمانلی ،
اسکی عثمانلی ، حتی یکی توران نه اولورسه اولسون حکومت
بونو یاپه جقدر . وظیفه سنی یاپان برحکومتک سزک قانون اسميله
یاد ایتدیککز انتقامدن قورقمق خاطرینه بيله گلز . حکومتک
اوغوزبک حقنده کی فکرینه و قرارینه کلنجه بونی اوغوزبکک
نه سی صفتيله صورديگنزی بيلمک ایستهرم .

— تیزه زاده سی واستانبولده یکانه اقرباسی صفتيله .

— تشکر ایدهرم ، اوغوز بکک تیزه زاده کز اولدیغنی
بيلمه یوردم . هر حالده بوندن یکر می سنه اولی میدانده یرقدی .

— بونی نه فکرله سـویله دیکنزی بيلمه یورم ، حمدي
پاشا حضرتلری . فقط بونی حکومتک رسمی قیوداتيله تحقیق
قابل اوله جغندن فضله ایضاحاته لزوم کورمیورم .

— مادامکه اسممی خاطرلادیکنز ، تشکر ایدهرم . بنده
مساعده کنزله سامیه خانمک اوغوزبک یکر می سنه اول اقرباسی
ایسه نه یه میدانده یوقدی ؟ ديه صورایم .

— شخصی شیلره قارشى سزى پک مراقلى کوریورم .

— أوت ، سزه عائذ هر شيئك چو جو قوغلغكز دن برى
نجه براهيت مخصوصه سى واردر .

— بنمده تشكر ائمه لازم . كرچه سزى دائما ، مكتب ،
خسته خاه بوتون بولنديغم يرلرده خدمتم آراسنده كورييورم .

— أوت ، حياتكزى بويوك بردقت و مراقله تعقيب

ايدىيوردم . معارض بر طرفده اولماسى آجى اولمقله برابر

موفقيتلىرلكزله جدأ افتخار ايدىيورم . فقط بوتيزه زاده كز

اوغوز بك برتاتاركن ناصل سزك ...

— حمدى پاشا ، نه ديمك ايسته يورسكز ؟ اوغوز بكك

جنسنى ، يرينى ناصل تحقيق ايتديكزسه مرحوم آنه مكده

جنسنى و مملكتنى تحقيق ائمه كز لازم كليردى ...

— عفو ايديكز .

برزمان سكوت ؛ صوكره ينه قيا :

— اوغوز بك ايچون نه يامق ايسته يورسكز ؟

عمرجه مك سسى خارق العاده بر برودت و قرارله كلدى .

عادتاً بكا عائذ اولمديغى حالده بنى بيله تيتزهدى :

— بونى يارينكى غزته لرده كوره جكسكز .

— اقرباسى صفتيله شيمديدن آ كلايامازمى يم ؟

— خاير .

قيانك ، متانتنى غائب ائمه دن برأولو كى صاراران چهره سنى

چويرديكنى ، قاييه قدر يوروديكنى كوردم . قيا قايدن

چيغه جنى وقت دكيشمك صيراسى عمرجه مه كلشدى :

— کلیکز، قیخانم، اوغوزك حياتی صانون آلابیلیرسکز. قیا، یوزنده خارق العاده بر آتشله، دوندی. ماصهیه دایانمق ایستهین اوزون، بیاض پارمقلری تیتیره یوردی. عمجه م ساکت، فقط حرارتی آرانان بر انهمسا کله قیانك آلتنه برار اول حریبه ناظرینك اوتوردینی قولتوغی چکدی. — اوتوریکز، بازار لغمره باشلایه لم.

قیاکله دن اول حریبه ناظريله مناقشاتی آراسنده عمجه مك اوغوز بکی تخلیه یه اوته کی آرقداش لریله برابر یاقلاشمقده اولدیغنی بیلیوردم. فقط بونی بیلمهین و اوغوز بکك حیاتی هر بهایه صاتون المق ایستهین قیایه نه لر یاپدیر لمازدی! ایچمدن بو، بر مرد عسکره یاقیشیر می؟ دیه عصیان ایتك ایستهین ارککلکمه وطن پرورلکم غلبه چالدی. عمجه مك قیادن ایسته یه جکی شی یالکز فرقه ایچون دکل مطلق مملکت ایچون خیرلی بر حرکت اوله جقدی.

بوسفر عمجه م باشلادی :

— یکی تورانه بواتخا باتده قازان دیره جق اولان، امین اولکزرکه، بنم اعتقاد بجه، اوغوز پك دکل سزسکز، قیا. — او یله می ظن ایدیورسکز؟ او حالده نی حبس ایدیکز، اونی صالیوریکز.

— خایر، سزه اك اوافق بر ضرر فرقه كزك اك بویوك بر موفقیتی اولور و بن بونی حتی وطن ایچون بیله یایه مام.

قیانك چهره سینه ایجه بافق ایچون عادتاً پاراواندن باشمی
 چیقاردم . اوزون سیاه کیرپکاری ، جنسنی تعیین ایدم مدیکم
 بر خلجانك تأثیرله قیزاران یاناقلری اوزرنده تیره یوردی .
 عمجهم بنم وارلغمی تماماً اونوتمش کبی ایدی . قیانك جوابی
 براز بکله دکن صوکره دوام ایتدی :

— فقط بنم ایچون ، بوتون مملکت ایچون اوغوز بك
 هر نقطه نظرده آسایشه ، سکونته مضر بر آنا رشیست در .
 — ایدم ئالیست دیمك ایسته یورسکز .

— خایر ، آنا رشیست دیمك ایسته یورم . فقط بونك بوقدر
 مؤثر اولماسی ده صرف آرقه سنده سزك ، اوت ، قیا ، سزك
 داخل اولدیغکز یکی توران قدرتی اولماسنده در . سزی اویکی
 توراندن مثلاً چكماك قابل اولمه قیاسز بر یکی توران رئیسی
 اوغوز هیچ ده اورته دن قالدیرمق ایچون اعمال فکر ایتمه دکر
 بر شخص عد ایدیله مز .

— بن مثلاً اولسه م ...

— هیچ فائده سی اولماز . اولسه کز بلکه اولکنندن
 زیاده یاشار ، آچدیغکز مضر ، فقط بویوك یولده موفق
 اولورسکز .

— او حالده نه ایسته یورسکز حمدی پاشا ؟ بوتون حیاتمك
 سبب و مقصدی اولان بویکی تورانی رسماً انکارمی ایدم
 دیورسکز ؟ دنیاده بر تك اقربام اوغوز بکدن بیله چوق

سودیکم بومقصیدی ، بواساستی اثواب دیکشدیررکی
دیکشدیرهیم می ایسته یورسکز ؟

— خایر ، برشی سویله میکز ، برشی یاپمایکز . ساده جه ،
یکی تورانه منسوب اولمایان ، یکی عثمانلیغی تمثیل ایدن بریسیله
أوله نیکز .

— یعنی سزکله ؟

— اوت .

بودفعه قیا بر حمله ده قاپی به قدر کتدی . عمجه م آرقه سندن ،
عمرحتسز ومتین :

— اویله ایسه عمجه زاده کزی اعدامدن قورتارمق غیر
قابل اولاجق ! دیوردی .

قیاسنی و بوتون وجودینی صارصان بر حدت و عصیانله :
— نه مسکین بر بازارلغه کیریشدیککزک وبرکون بابام
قدر سومش اولدیغم ، بوکون حالا حرمت ایتدیکم بردشمنی نه
سفیل بر درکبه ایندیردیککزک فرقنده میسکز ؟ دیبه عادت
هایقردی .

عمجه م بوتون صمیمیت و سادگیسیله ، حیرت ایتدیکم بر
هیجانله دوام ایدیوردی :

— یا کلیورسکز ، قیا . اولا ، سویله دکلریمک صحتنه
اینانیکز . صوکره سزی ایسته مک نه دن سفیل اولسون ؟
تا کو چو کلک کزدن بری دماغمک یکانه بویوک بولدیغی بوشخصیتکزک

قادیلغکزک نفرت ایتدیکم بر مقصد ایچون بوتون بویوکلکنی
ابدال ایتدیکی زمانلره قدر سز بنم ایچون مملکتدن سوکره
هر شیئی دویره جکم برامل تشکیل ایدیوردیکز . سزک یانکزده
اولوق . سزک صاحبکز اولوق ، بونی ایسته مک وبونک ایچون
هر فدا کارلنی یایمق نجه کوکلره چیمق آرزوسی قدر یوکسکدر .
بونی ایسته دیکم ، بونی ایسته یه بیلدیکم ایچون روحک غروری
هیچ بر وقت بوقدر بویوک اولماشدر .

— رجا ایدرم ، بر کره بولا قیردی بی کیسکز . بوغدار ،
بوایشیدلمه مش شیئه برده حس معذرتی ، عشق معذرتی
قاریشدر ماییکز .

— ایچون ، قیا ؟ سزی سوهیلن یالکز اوغوز بکمی
قلسین ؟

— اوغوزبک ، اوغوز بکدن بحث ایتیکز . اوغوزبکه
مربوطیتک درجه سنی کشف ایدر ایتز بوندن استفاده
قالقشدیکز .. اوت ، چوجقلغمدن بری بر تک غایه خیالم
اولدی . اوده شکل ویرمک ایچون سنه لرجه چالشدیغم وبوکونکی
شکلنی ویره بیلدیکم کبی توران . اوزون ، مشقتی ، یالکز حیاتمک
بر تک عشق اولدی . اوده یکی توران رؤیاسنی بنمله برابر
کوروب بنمله برابر حیاتده بر آشنی یایمق ایچون چالیشان اوغوز!
فقط اوغوز و بن رؤیامزی ومقصد مزی سومکله ، رؤیامز
ومقصد مز ایچون یاشامقله بر بریمزی کافی سویورز عد ایتدک ،

بوتون شخصی سعادتى اوندە بولدى . ا کر سزك دیدیککز
کبی ایناسهم که بن یکی توران ایچین اوغوزدن چوق لازم .
جامی یرندن قوبارمق دیمک اولاجق اولان اونک اولومنه راضی
اولوردم . چونکه ، چونکه او کندیسک حیاتى قورتارمق
ایچین یکی تورانه ضرر ویررسهم بنی هیچ عفو ایتمز . فقط
اینانیورم که ، ایمان ایدیورم که اوغوزک حیاتى یکی توران
ایچین هر شیدن زیاده لازمدر . ایشه بو ، بو ، بکا هر شیئى
یادیره بیلیر .

اوطیه کیردیکم وقت بکا سامیه دیدیکز . سزه سرت
داوراندم ، عفو ایدیکز . بکه سزده ، حقیقت ، صمیمی بر
مقصد ایچون چالیشیورسکز . بر انسان قلبی یاشامق ایچون
هرهانکی بر انساندن لازم کلیرسه یاردیم ایسته یه بیلیر ، بنده
سزدن . وقتیه بنی پک تمیز بر صمیمیتله سوردیکز . اوغوزى
قورتارمق مطلق بومدهش بهایه می اوله جق ؟
شیمدی قیانک سسی ، ویوزى کوزل یناقلرینک وچکه سنک
وعد ایتدیکی رقیق ویموشاق قادینک هویتى ایله تیتیهوردی .
عمجه مک چهره سنده بویوک بر فیرطنه واردی . بوغوق
بر سسله :

— بو ملکتدن چیقوب کیتمکی وهیچ کله می وعد
ایدرسه کز اوغوز یکی صالیویره بیلیرم . ونهایت مقصد ،

اساس ووطن بلکه بر بریکزه قارشی اولان عشقکز بونلردن
بویوکدر !

— خایر ، خایر ، بوکا اوغوز هیچ بروقت راضی اولمایه جق ،
بنده ! ذاتاً بو طوپراق ، واوستنده یاراتمق ایسته دیکمز یکی
توراندن باشقه عشقمز وارمی بزم ؟ عشقمزک بوتون اوضاعی
یکی تورانه خدمت ایتمک ، یکی توران ایچون یاشامقدن عبارتدی .
ذاتاً باشقه عشقمز هیچ اولمادی که ! بونی براقوب کیتمک ،
خایر ، قابل دکل !

— او حالده بریکزدن بریکز بو یکی توراندن چکلمک
لازم کلیور .

— اوغوز چکلمه سون ، اوغوز اولمه سون !

-- اوله ایسه ایلک تکلیفم !

شیمدی قادین آیاقدده ، حقیقی برقلب قیاسی وقاریله یناقلرندن
یوارلانان سسبز یاشلرله ، شیمدی ، درین بر صیزلاییشله ،
تقدیر ایتدیکم صمانی برفدا کارلقاه :

— پکی ، هایدی اوغوزک تخلیه سنی یازیکز ، دیدی .

برقاچ دقیقه او طهده عجه م بر ییلدیرم سرعتیله دولاشدی
وفیرلادی . صوکره او طهده کیتدی . قیانک یوره کنده کی
سفالتک ، بوتون سیمانی اویان المنک ، اشکنجه سنک قارشیننده
بنده دورامه دن قپالی کوزلرندن ، پک اوزاقلرده دولاشان
روحندن استفاده ایدرک اودادن فیرلادم .

حربیه نظارتنده بردن بره یکی بر حیات او یانمشدی . یاریم
ساعت سورمه دن حربیه ناظر یله عمجه مک هیجانله قونوشد قلمری
سالونه بنی چاغیر دیلر . عمجه م کاه تلفونه کاه حربیه ناظر یله
یریش اون دقیقه مناقشه دن صوکره بکا بر کاغد اوزاتدی :

— بر اوتوموبیل آتلا ، توقیفخانه عمومی یه کیت ، اوغوز
بک تخلیه ایدلسون . صوکره بزم غزته لره اوغرا ، خصوصیه
« یکی عثمانلی » یه . بوراده چو جوقلغ کدن بری کوستر دیکک
ادبیات محبت واستعدادینی کوستر . غزته لر من یارین باشند باشه
قیایله ازدواجزدن ، قیایه بر قادی نک بزم طرفه کچمه سنده کی
مظفریتدن ، یکی توران ایچون بونک تشکیل ایده جکی ضربه دن
اولانجه شعر وقدرت لریله ستونلر دولدر دقدن صوکره کویا
هیچ اهمیتی یوقمش کی ایکی سطرله اوغوز بکک تخلیه
ایدل دیکنی یازسونلر !

اوتوموبیل اوچار کی بایزید میداننک ضیالری آراسندن
کیدرکن هپ ذهنمده بر سوال واردی : عمجه مک قیایه
سویلد کیری عجبا هپ پولتیقه می ؟ ...

ایک کنجی قسم

حربہ نظر تہندہ قیانک عمجہ ملہ اولنہ سی واوغوز بکک
 تخلیہ سی قرار لاشدینی خارق العادہ اقشامدن سو کرہ ایک کی شی
 روحی بوتون قابلیت مراقی ایلہ اشغال ایدیوردی : قیانک
 اولندکدن سو کرہ آلاجنی طور ایلہ یکی تورانک خصوصیلہ
 اوغوز بکک قیانک بواز دواجہ قارشی آلہ جنی طور . بونلرک
 ایچندہ اعتراف ایدہ رم کہ اک چوق تجسمی اوایاندران اوغوز بکک
 حالت روحیہ سی ایدی . عجبا قیا ایلہ آرالرنده کی رابطہ ناصل
 بر رابطہ ایدی ؟ قردہ شلکدن بر آاز فضلہ ، خیالی بر ہم
 مسلک اولمق محبتی می یوقسہ تماماً بر عشقمی ؟ بونلرک ہرہانکیسی
 حتی اک بسیطی بیلہ اوغوز بکک قیانک ازدواجہ قارشی الیم
 برسیزی حس ایتدیرہ جکنہ امیندم . حتی قیا علی العادہ بر تیزہ
 زادہ اولسہ بیلہ معارضی حمدی پاشا ایلہ اولنہ سی بویوک بر
 اوزونتو اولاجقدی . حالو کہ قیا یکی تورانک چہرہ ہویینی
 ویرن فوق العادہ شخصیتلردن بریدی . بو شخصیتہ آاز
 چوق یقین اولمق ، درجہ سنہ کورہ ، اضطرابک شکلنی وشدتی
 تعیین ایدہ بیلیردی .

قیانک آلاجنی طور ووضعتی کورمک وتدقیق ایتک بچہ

قولاییدی . طیبی قیا شهزاده باشند قوناقدہ اوتوراجقدی .
 ذاتاً بنده او اوده یاشایوردم . عمجه مک بویوک قیزی صبیحه
 قوجه سیله شامده ، یالکز کوچوکی ودیعه استانبولده ایدی .
 اوده آری اوتوریوردی . شیمدی قیا عمجه مله بنم ، ایکی
 بکارک اوتوردیغمز اوده یاشایه جقدی .

اوغوزبک حقنده کی تجسم او قدر قولای قابل ازاله دکلدی .
 بوفوق العاده کیجه یی ، توقیفخانه یه تخلیه امرینی براققدن
 صوکره همان همان غزته اداره لرنده کچیردم . نهایت صباح اولدی .
 بنده « یکی عثمانلی » اداره خانه سنده محرر او طه سنده قاناپه اوزرینه
 اوزاندم . پک چوق سورمه دن غزته موزعلرینک باب عالی نی
 چینلاتان سسلریله اویاندم . یکی عثمانلینک باش مقاله سنی بن
 یازمشدم . برکنج محررک کندی امضاسنی و یازیسنی باصلمش
 کورمک ذوقی هنوز غائب ایتدیکی بریاشده اولدیغمدن ممنونیتله
 برکوز کزدیردم . صوکره همان یکی تورانی ایستهدم . یکی
 عثمانلی ایله عینی موضوع اوزرنده کوستردکاری اهمیتک تضادی
 تبسمی جلب ایده جک درجه ده ایدی . بز، یکی تورانک هنوز
 بیلمه دیکی قیانک اولنمه سی فلاکتی پارلاق سرلوحه لر ، آتشین
 ستونلرله دولدیرمش ، اوغوزک تخلیه سنه ایکی کوچو سطر
 تخصیص ایتشدک . حالبوکه « یکی توران » ستونلرینی باشند
 باشه اوغوزک تخلیه سنه حصر ایتشدی .

« تخلیه امرینی آلیرکن » ، « حبسخانه دن صوکره » ،

« فاتح یوردنده » دیه بویوک سرلوحه لرله اوغوز بکک مختلف زمانلرده کی قیافت ، وضعیت و سوزلرینی ضبط ایدیورلردی . اوغوزک حالت روحیه سنه اک چوق فاتح یوردنده کی نطق ایله یول بولنه بیلدوردی . غزته نک مختلف پارچه لری دفتر خاطر آتمده شویله قالمش :

« بازار ایرتسی آقشاملری اوغوز بکک فاتح یوردنده موعظه لر واردی . بونی ایکی بازار ایرتسی در فاتح یوردی اعضا لریدن ارطغرل بک و یریوردی . دون آقشام ینه ارطغرل بک کرسی به گلش ، موعظه سنه باشلامق اوزره ایدی که اوغوز بک ، سویملی بویوک باشنک حبسخانه ده آلدینی قاریشیق لغنی ، اثوابلرینک پریشانلغنی و توزینی کیدر مه دن هیچ آرامزدن آیرلماش کبی عینی قاردش تبسمی ایله صحنه به کلدی . حضارده کی حیرت و سونج تعریفک خارجنده بر شدت ، بر جوشقونلق کوستریوردی . اوزون قوللرینی بوتون حضاری قوجاقلار کبی آچدی ، اوزاتدی و هیچ کیمسه نک مقاومت ایدمه جه کبی شفیق نظرلر و تبسملرله حبسخانه دن چیقار چیقماز حتی آنه سنه کیمه دن بورایه کلدیکنی سویله دی . اوغوز بکک بو کیجه کی نطق خصم لرینه و حکومت هر زمان کوستردیکی دورین سیاسی تنقیدلردن ، فرقه مزک پولتیقه سنی ایضاح و ترویج ایدن مقنع سوزلردن زیاده یکی تورانک تجدد و انقلاب اجتماعیسنک اک رقیق بر نقطه سنده توقف ایتدی . نطقه اکر بر اسم ویرمک

لازم کلسه « يکي تورانک قيزلري » دينه بيلير . »

صوکره بونطقى غزتهلر باشدن باشه ضبط ايدييورلردى .
 اوغوز تام حبسدن چيقدينى برکون نه دن بو قدر رقت و حرارتله
 تورانک قيزلرندن بحث ايدييوردى؟ يکي تورانک، عائله اساساتى،
 قدسييتى وضع ايتمک ايچون ياپه جنى اجتماعى قانونلرک لزومى
 اوزرنده توقف ايدييور، اولامسلمان ملتلرندن هپسنگ بوکون
 غرب مدنيتى آلاماش اولماسنگ اسبابنى تحرى ايدرکن هپ
 بونلرک اجتماعى بر حياتلرى و موجوديتلرى اولاماسندن ايلرى
 کلديکنى سويليور و هر درلو تکاملات مدنيه نك احتياجات اجتماعيه
 ايله ناصل قابل اولاجغنه دائر اوزون اوزادى يه ايضاحات
 ويرييوردى . دييوردى که :

« باشقه تورك عرقه منسوب محار، فينوا كې ملتلك واصل
 اولدېنى درجه تكامله بايكنز. بونى صرف اقليمه مخصوص بر
 تاثيره عطف ايتك دوغرو دكل ! فينوالر ايچون برشى ديهه مز-
 سه مده مجارستانله آره مزده كى اقليم فرقى پك او درجه آچيق
 دكلدر. آرا مزده كى يكانه فرق، اجتماعى فرقدر، قادينلره
 قارشى نقطه نظر مز فرقدر. فقط اوجاغمزي ايصيداجق حرارتك
 منبى، يوردىمزي يشيله ده جك عمرانك واسطه سى هپسى بو
 قادين مسئله سندن عبارتدر. بونى دائما دوشونوردم، فقط بو
 سفر درت ديوار آراسنده آنه مك سوكيلى يوزندن اوزاق
 اولونجه دها چوق دوشوندم وحس ايتدم. بوتون حيات
 مساعيمده آنه مك متواضع، كيزلى فقط بو مساعينك تملنى
 تشكيل ايدن تاثيرىنى حس ايتدم. اوزمان چاليشمه مك، هپمرك
 چاليشمه مك معناسى اولانجه قدرتيه حس ايتدم. هپمز
 اوجاغمز ايچون چاليشيورز، دكلى؟ هپمز اولا كوكلرك،
 وجوديتمرك احتياجاتنى تطين ايله جك، دائما بوتون يورغونلق
 كدر والميرىمزي ديكلنديره جك خلاصه باشمزي ايلك و صوك
 قويدىمزي ياصدقن صوك وداعى كوزلريله، قليله ويره جك
 بر اشى احتوا ايدى جك بر يووا ايچون چاليشيرز، دكلى؟

انسانلری ایلك چالیشدیران ناصل خصوصی بریورد حی
ایسه دهها متکامل بر صورتده چالیشدیران ده کندی یوردینک ده
داخل اولدیغی اوتنه کی یوردلرک منفعتلرینک برلشدیکی برغایه در.
بویورد حی نه قدر بر ملتده قوی ایسه او قدر حقیقی و بویوک
معناسیله وطنپرور ، ملیتپرور اولور . دقت ایدیکز ، تورکلرک
مادی و معنوی دوشدکلری زمان یورد کله سنک تورک لهجه سندن
چیقدیغی زمانلردر . انسان عمومی بریورد او غورنده چالیشمق ایچون
مطلق کندی یوردینک معناسی ، موقعی جانک ایچنده اولمق لازمدر .
دوشونیکز که یورد کله سی یوردک افاده ایتدیکی یالکز برانکلیزجه
« حوم » ایاه تقابل ایده بیلور . بو یورد حسنک اک متکامل
بر شکلی ده شمال قوملرنده ، خصوصیه آنغلو ساقسونلرده
بولنیور . بو کونده مدینتک اک جانه یقین ، اک انسانی شکلنی
اونلرده کورمیورمی یز ؟ فقط بویورد صمیمی بریورد اولمق
ایچون اونی قوران ایکی چفت ال ، ارکک وقادین الی ، بربری
ایچنه متقابل بر امنیت و محبتله کله بیلملیدر . کچیجی احتراصلرینه ،
حیاتک دیدنملرینه وزهرلرینه غلبه چالاجق بر ذهن و قلب
سویه سی ، آرقداشلنی موجود اولمالیدر . بونک برنجیسی یعنی
یورد سکاننده متقابل امنیت و محبت بزده قابل دکل . چونکه
قوانین اجتماعیه بوتون قدرت و قوتی ، قادینک استقبالی و حیاتی
اوزرنده کی هر حق بر طرفه ، ارککه ویریور . مساوی بر ذهن
و قلب سویه سی ، آرقداشلنی ، بوده قابل دکل . چونکه اول

برارک آرقداشی اکثریا کنديسی سچه ميور . ثانياً سچه
 بيله دواملى بر يووا يانغى هر وقت دوشونمکه ذهنك ارثى
 تمايلاتى مساعد دكل . دائماً يكي و صرف مادی احتراصلر و ذوقلر
 كينجه يه قدر بر يورد قوروب صوكره اونى ييقمق حقنى
 عصرلردن برى ارکك عنصرى قوللانه قوللانه بو تمايلات
 آرتق ارثى بر حاله كچمشد . صوكره هيچ بر وقت تربيه لريمز
 بر ارکكى بر عائله رئيسى ، بر قادينك آرقداشى ، بر قادينده
 مسئول و مطلق بر عائله رئيسه سى ، بر ارکك آرقداشى ديه
 حاضر لاما مشدر . اونك اچون يازيق كه بوكون تورك قردش لريمز
 اكتر يتك يوردى يورددن زياده ايكي جنس انسانك بر زمان
 اچون اوتوردقلى بر اودن عبارتدر . بوكون مملكتده عيني
 سيئه نك نتيجه سيله بر چوق بدبخت قادين اولديغى كى بر چوقده
 بدبخت ارکك وار . »

اوغوز هې بو مسئله اوزرنده دولاشيور ، بر ارککله
 برقادينک ، بوتون بر مملکت ارککي ايله بر مملکت قادينلرينک
 متحد چالیشه جقلری سوکيلي بر مقصد اولورسه قادينلری بونک
 ايچون حاضر لامق لازم کله چکنه کچيور . صوکرا آل آله عيني
 مقصد ايچون چالیشانلرک قوراجقلری يو واده کی سعادت وامینتی
 تصوير ايديوردی . هله بو مسئله اوزرنده توقفی بکا حبسده
 بلکه قيا حقنده بوتون بوتون باشقه دوشونمش اولاجغنی فرض
 ايتديريوردی . فقط ايرته سی کونی ناصل بر خط حرکت
 اتحاد ایدم جکدی ؟

تیزه سی وتیزه زاده سی اوغوزله یاشایان قیا ، نکاحی حربیه
 نظارتنده همان قیلدقدن صوکره اوینه عودت ایتمه مش ، دوغرو
 شهزاده باشنه حمدی پاشانک قوناغنه کچمشدی . بزم اوده او هفته
 اويله بر حاضر لائق حماسی کچيوردی که عمجه م دوشه مه جیلر
 وترزیلرله یاشایور کبی ایدی . قیا ، او ایلک هفته هیچ میدانه
 چیقما دی . ودیعه همان قوناغنه کلدی . قیانک هر حالده بوتون
 بو حاضر لقمه هیچ رأی و آرزو سی یوقدی . عمجه مک حاضر لادیغی
 دائره بی کزدکن و عمجه مه بونک کوزل و صوک موده اولدیغی
 سویله دکن صوکره بو هیچ برسیماسی اولمادن صوک موده ايله

توصيف ايديلان يپ يکي ، ماضيئمز ، هويتئمز اشيار ايچنده
قياي اسکي وانتيقه برموزه چهره سي کي بوراده يبانجي بولدم.
اونك ، محيطنه کندی اجدادينك چهره سي ويرمك ايسته ديکي
جانلي وهويتلي اشيا سندن صوکره بوقانابه لر ، پرده لر ، آينه لر
اوکا نه سويله يه جکدي ؟ بو ماروکن جيفاره سالونندن آقازو
وايک نازک اوتورمه اوطه سنه قدره پئسي نه قدر يادير غايه جقدي ؟
روحنده کي عرق ويورد چاغريشي بو يابانجي ، اوزاق محيط
ايچنده صوصوب قيصلمايه جقميدي ؟

بزبونکله مشغولکن بر طرف دن ده قيانک ازدواجنک يکي
توران اوزرينه تاثيريني تدقيق ايدييوردم . شهبه سز بو ، اونلر
ايچون بويوک برفلاکت ، بويوک بر ضربه ايدي . قياسني غائب
ايدن يکي تورانک چهره سنده ابدی برا کيسکلکي اولاجقدي .
فقط اعتراف ايدرم که بوفلاکته بويوک بروقار ومردلکله مقابله
ايتديلر . غزته لري بو حوادثي تکرار بيله ايمه دي . بومسئله يه
وبوتون قيايه هيچ بروقت موجود دکئش کي ، ساکت ولاقيد
کورونمکه چالئشيورلردي . يالکنز بر هفته قدر اوغوز
اورته دن غائب اولدي . خسته دييورلردي . مختلف يوردلرده کي
نطقلريني کلوب ويره مدي . يکي توران ، اوغوزه بويوک بر
فلاکت وضياعه اوغرامش بر بويوک آدمه محبت وحرمتک
ناصل آرته بيله جکني کوستردی . اوغوزه قارشي کوسته ريلن
پرستش وتعبدک شيمدي شخصي ، رقيق ونوازشکار بر چهره سي

واردی . اوغوز سوکیلی بر رئیس کن شیمدی کندیلری کبی
 بویوک انسانی فلاکتله اوغرار بر انسان اولمشدی . قیانک
 ازدواجنک یکی تورانده آچدیغی اویوغی اوغوزه قارشی کوسته ریلن
 بویکی حس دولدورمغه چالیشیوردی . اوزون مدت یکی
 توران کنجلرینک اوغوزی کوزلرنده حرمتکار نملرله بر تعقیب
 ایتهلری ، او آرالرنده یورورکن عادتاً اوکا سورونمک ایچون ،
 اوکا دو قونمق ایچون بر یاقلاشمالری واردی که پک انسانی
 و کوزل ایدی .

عمجهم آرتق بر زمان ایچون پولتیقه یه عائد خصوصاته
 قارشی فعالیتنی آزالتمش کبی ایدی . انتخاب اولانجه شدتیه
 داوم ایدیوردی . بر هفته سوکره اوغوز نطقلرینه ، آچیق
 موعظه لرینه اسکیدن دهآز حساسیتله فقط دهآق طعی ومدهش
 بر عزمله باشلامشدی . اسکی هیچ اولچوسنی غائب ایتمین
 لسانندن شیمدی یکی عثمانلیرله قیلایجلر ، کرزلر ، اوقلرله
 هجوم ایدیوردی . یالکیز مجادلتنک حبسه کیرمه دن و چیقدیغی
 کیجه کوستردیکی حسی واجتماعی عناصری ، سیاسی وفکری قسمی
 یاننده شیمدی اسکی قوتنی محافظه ایده میوردی . بوازدواجدن سوکره
 اونک ویردیکی نطقلرک هپسنه تا انتخاباتک سوکنه قدر استانبولده
 دوام ایتدم ، تدقیق ایتدم . بو آدمک روحنی آراشدیرمق
 نجه عادتاً مرضی بر تجسس حالنی آلمشدی . اوغوزک پک
 دقت ایدلمزسه دیدیکم نقطه لردن باشقه حالنده پک چوق فرق

ایتمش برنی برشی یوقدی . شایان دقت باشی یالکز دها
کسکینلشمش ، صاچلری حیرت ایدیهلک قدر آققرینی
آرتیرمش ویشیل نظرلرینکاسکی آراده کی یوموشاقلنی آزیجق
غائب اولمشدی . بوکا مقابل اک بویوک شیلره مرد وساکت
بر نظر وکوکسله قارشى چیقان دها قوتلی بر ارکک حسی
ویریوردی . برده یکی تورانک قادینلریله دولو اولان افکار
ومقاصد اجتماعیه ومدنیهسندن شمدی بحث ایدرکن اسکیدن
اونک ایچون سوکیلی بر موضوع اولان بو نقطهده آتجق
کندیسنی زورلایهرق توقف ایده بیلور ظن ایدیوردم .

حربیه نظارتنده کی نکاحک اون بشنجی کونی عمجهمله
قیا مشترک حیاتلرینه باشلادیلر . بو ، ساکت وادعاسز برعائله
طوپلانیشى اولدی . بو طوپلانیشرده ودیعه ایله قوجهسنگ او
آقشام بزمله یمکده بولماسندن عبارتدی .

بر بازار ایرتسی آقشامی ایدی . عمجهم هر وقت اعتیادی
اولان شیق ودرست عسکر قیافتنده بردن بره کنجلهشن بر
حیاتله کینممشدی . بنی قیانک سالوننه کوتوردی . قیا ، ودیعه
وقوجهسی - بر کنج یوزباشی - ایله اوتوریوردی . سالونک
الکتریکلری بردوناما پارلاقلی ایله ایشیققرینی یکی دوشهملهله ،
آچیق قورشونی جدی ، ساده اثوابیله قولتوقده سسسز
وکیسهسز طوریه اوتوران کلینه دوکیورلردی . ودیعه ،
بیاض پوللو آچیق اثوابی ، قرمزى یناقلی کنج باشی ، صوکره

يآننده کی شيق يوز باشی ايله صولغون قيا واختيار عمجه مدن
زياده کلين وکوره يه بکزه يورلردی .

قيا، قورشونی ، يوموشاق ، اوزون ايک دالغەلری
اوزرندن اوموزلرينه سیاہ قيصہ بوقلەلری دوشن اينجه باشی
بز کيرنجہ قالديردی . عمجه م خارق العادہ مونس ومجلوب بر
تبسمله بنی ياننه کوتوروب تقديم ايتدی :

— عاصمی خاطر لايورميسک ؟ ديه صوردی . قيا بوتون
بوتبسم وشعشەلری کورميورمش کبی متکبر وساده بر خايرله
اکتفا ايتدی . ايلک خاطریمه کلن شی باشنده وکوکسندە
عمجه مک او قدر زماندر استانبولک اک اي قویو مجيلرينه ياپديرديغی
الماسلرک نچين بولمادیغنی دوشونمک اولدی . فقط اوکامقابل
اياقلرنده ظریف ، سادە انقارپینلر واردی . بلکه حمدي
پاشايه بو قدر لطفی کافی کوردرک الماسلرینی طاقمامشدی . بو
ايلک آقشام غایت راحتسز وعجيب کچدی . هرکس قيايه
خوش کورونمک ايسته يور ، کيمسه بونک ناصل ياپيله جغنی
بيله ميوردی . مکالمه يي باشلی باشنه عمجه م اداره ايدييور ، بويواک
بر مهارتله سياسياتی لاقردی يه قاريشدير ميوردی . بونی بزم
محيطده ياپه بيلامک پک مشکلدی . هر نه حالسه ، دامادی صبری
بکله اردوده يکی تطبيق ايديلن بالونلر حقنده مکالمه دالدي .
بکا کچن سنه تعطيلمده فرانسه ده کی سياحتم اناسنده کی تحسسامی
سويلتدی ؛ وديعه يه مودادن بحث ايتديردی ؛ هپمزی آز

چوق سويلتمكه موفق اولدى. فقط قيا مظلم و تهلكلى بر ساحه
 كې كندينه كيمسە يى ياقلاشدير ميوردى. بوتون لاقرديسى قيصه
 اوت و خاير لرله تمام اوليوردى. اعتراف ايدرم كه بوكا و بوسكونته
 هيچده اولديغى محيطدن يوكسك كورونمك . هيسنه تپەدن
 باقق كې بر شكل و يرميوردى . اولاً بزم حياتمزه قاريشماسنه
 بر آرزقزيوردى سەم دەه صوكره بونك اوكا پك يابانجى اوله جغنى
 تقدیر ايدىيوردم . طبعی، نه وديعه نك موداسى نه ده بيم فرانسز
 تياترولرم اونك مراقى جلب ايدمك ماهيته موضوعلر
 دكلديلر . اك چوق اردويه عائد تفصيلاته اهميت ويرديكنه
 دقت ايتدم . بو ، كنج صبرى بكك آزيحق غرورينى او قشادى .
 ظن ايدرم كه همان سسى و اوضاعى دكشدى . عمجه مك عثمانلى
 اردوسى ديه دائماً توصيف ايتديكى اردومزى ، آراهه اونوتوب
 « تورك عسكرى » تورك اردوسى شويله بويله قيا خانم افدى »
 ديه خطاب ايدىيوردى . بونك عمجه مده مسامحه كار بر تبسمدن
 باشقه برشى ياپنامسنة آزيحق حيرت ايتهم لازم كيرسه ده
 عمجه مك اولنديكى كوندن برى ، كنديسنده اولدن هيچ
 كورمديكم بر مسامحه پيدا اوليوردى .

حتى بن انتخاباتده يكي تورانك بويله خارق العاده صورتده
 قازانماسنى آزيحق ده اونك مسامحه واهمانه عطف ايدىيوردم .
 سالونده سيفارلر وقهوه لردن صوكره وديعه قوجه سيلاه
 وداع ايدوب اوينه كيتدى . وديعه آرتق قايى كويا يكي اوينه

آليشدير مق وظيفه سنى ايفايتمىدى . فقط كونلر كچدكجه
 قيآنك بويكي اوينى پكده بنمسه مكه نيتى يوق اولديغىك فرقه
 وارييوردم . يمكه اينيور ، چيقيور ، كينيور ، اوقيور ، ديكيش
 ديكيور ، قوجه سنه قارشى ساكت ونازك معامله ايدنيور؛ فقط
 بوأوى بنمسه مك ، اداره ايتمك بوكا هيچده ياقلاشمايوردى .
 بوعلله ده عادتاً اوى اداره وارقداشنك بوتون مادي راحتى
 تامين وظيفه سى عمجه مه قالمىدى؛ بو وظيفه سنه انتخاباتده قازانمق
 قدر اهميت ويرييوردى . قيآنك اوتوردىنى اودانك توزندن
 كيديكى چماشيرك اوتوسنه قدر هرشى عمجه مك آمر كوزلرندن
 كچيوردى . ايكي خريستيان اورته خدمتچى ايله برده سفره جى ،
 برفرنك اوينك انتظامى ، سكونتنى بوأوه ويرييورلر سه شهه سز
 بو ، هپ عمجه مك دقت واداره سندندي . صوكرا قيآنك
 كيدكلرى ده شيمدى تماماً عمجه مك آلندن كچيوردى . قيا
 ناصل آرقه سنده جبه ايله حربه يه كمشه اويلاهه عمجه مك
 اوينه ده كمشدى . عمجه مك شيمدى داخله نظارتنده كي
 ماصه سى اوزرنده دائماً برقچ مودل كورييوردم . بردفعه تبسمله
 باقديغمه دقت ايتدى ، باشنى صاللادى :

— نه ياپارسك ، ديدى ، قيايى كيديرمك لازم . بو قدر
 غيرتمه مقابل آنجق تننه ، الماس ورنك اولماق شرطيله بودوز
 قورشونى ياخود سياه ايكليلرك يكي بچملىنه تحمله آليشدى .

هله چار قيرلرني چي قارمقده بلغارستانه صوك تجارت و حدود
معاهده مزك نتيجه نمنسي قدر جداً صيقتي چكدم .

هر حالده ياواش ياواش هر فدا كارلغه دكه جك قدر دكرلي
برقادين اولديغنه بنده قانع اولمغه باشلامشدم . بكاك بويوك
كلن شيئي، صرف او قدر اليم و معظم بر فدا كارلق ديه ياپديني
بو ازدواجده فدا كارلق ماسكه سنك ياشلي نظرلري ، كينلي ،
صومورتمش سيماسيله كز مه مسي ايدى . هر حالده روخندن نه لر
چيورسه بوقادين عز مكار و ساده طبيعتك بتون وقار و اراداتي
ايله اونلري اورتيوردي . فدا كارلق ديهه كيرديكي بو يولده
آدم عقللي آديملرله يورييوردي . شهبه سز عجمه مي سوميوردي
وسوه مزدى . فقط خصومتده كوستر ميوردي . ايكي كيشي
قارشى قارشى قيانك اعتقادنجه اوغوزك حياتي اوزرينه بر
پازارلق ياپمشلر ، اون قيانك تعين ايتديكي دكل فقط حمدي
باشانك تعين ايتديكي بر بها ايله صاتون آلمشاردي . بوني فضله
بهالي بولديغني آكلاته جق هيچ بروضعيتي ده كورونمه يوردي .
كنديسني جانلي و بويوك دنيا سندن ابدى اورتن بو
حبست نانه سنده تئبل ، فائده سز بر حياتده چير ميوردي . دائماً
آلنده بر كتاب يا خود بر ديكيش واردى . اولئد كدن بر آي
چكمه دن شهزاده باشنده محله مزك فقراسني آيري آيري اوكرتمش
هانكي اوده فقير كلينلك بر قيز وار ، هانكي اوده غدا سني
ويرده مي جكلري ، كيديرده مي جكلري قدر چوق چوجوق وار ،

هانکي اوده خسته وار وبو فقرالرك هانكيسنك اك چوق
نهله احتياجي وار ، بيلوردى .

بر آقشام ائنده كوچوك قولسز پاموقليز ديكوردى .
عجمه سوردى :

— بونلر ندر ؟

— چاشيرجي عايشه قادينك تورونلرينه اچلك .

— جانم بونكله اوغراشه جغكزه چارشيدن ايكي فانيه
آليويرسه كز ...

قيا عجمه مه پك چوق شى بيلان فقط بيلديكنى قارشيسنده كنه
آكلاته مايه جغه امين بر عالمك سكوتى ايله باقدى . صوكرا
پاموقلى آمريقان بزي آراسنده اينجه پارمقلى ايله دوزلته رك
ديكيشنه دوام ايدر كن ساده جه :

— دائما بويلاه كيملكه آليشمشلا ، ديدى .

ايرته سى كوني عايشه قادينك كنديسنة پارمق ديكيشلى
برخرقه ديكر كن عجمه اعتراض ايتمه دى . چوق چكمه دن
آشجي باشنك كوينده چوجوغنه قونداق حاضر لامقله مشغولدى .
بونلرى زره دن اوكره نوب بيلمه سى شايان حيرتدى .
چونكه همان كيملكه ايله قونوشمازدى . شيمدى ياواش ياواش
قابالى حياتنه ساده جه انسانيتكار وخير پرور بر قادين مقصدى
ويريوردى . اسكيدن افق افعالى نهايتسز واقدر روحنه ياقين
مقصدلرله دولو اولان بوقادينك بويكى آجى وقورو حياتنده

حالا يا شاهه جق برشي بولماسي جدا تصورمك فوقنده برجسارتدي .
اوده انتخابات كورولتولريني ظن ايدرسه م پك مراقله تعقيب
ايديوردي . چونكه ماصه سي اوزرنده ، ايش سېتي ياننده
هركون ييغينه غزته بولنوردی . فقط بوكا رغماً حالا بزاونك
حضورنده سياسيات قونوشمقدن تماماً اجتناب ايديورددق .

باشقه برمشغله وا كلنجه اولسون ديه عمجه م اونی موسيقي
ايله اوغراشمغه تشويق ايديوردي . سالونده كي بيانونك قاياغني
هان عيني موفقيتسزلكله هر آقشام آچار ، قاپار ، استرحامكار
كوزلرله براز چالما سني رجا ايدر ، فقط هر آقشام عيني جواب
ردی آليردي . بركون بردن بره :

— اسكيدن كوچوك ايكن سن بويله ياپمازدك ، ساميه ؟
ديدی . اووقت قيا ، بازارلغنه صادق قالميان بر آدمه وظيفه سني
اخطار ايدن بر وضعيته :

— قيا ! ديدی وصو كرا : بن يکي توران شريقلري ،
پارچه لري وموسيقي سي ايله خصوصيله طشره مكْتبلر مزده درس
اوقوتديغ زمان اوقدر مشغول اولدم كه قلاسيق موسيقي يي پك
چالاميورم ، ديه كويا براز سرت اولان ايلك اخطاريغي تخفيف
ايتدی . وبو ، ايلك دفعه يکي تورانده برموقعي وحياتي اولديغني
ذکر ايديشي اولدی .

برده بو حياتي همزده بردن خاطراتان وقعهلردن اك
الهي اولندكدن اون اون بش كون صوكره اولمشدي . بر آقشام

یمكن صوكره سالونده اوتوریوردق . عمجهمله بنم حیاتی
 اك چوق اشغال ایدن سیاسیاتك قیایاننده ممنوع و موضوع
 اولمسی بزه لاقیردی بولدیرمق ایچون صیقتی چکیدریوردی .
 قیاباشی اوننده ، ساكت ، دیکیشنی دیکرکن بز ماصهك
 ایکی طرفده بربریمزه باقیوردق . عمجهم آراده ماصه اوزرنده کی
 غزته لك اعلانلرینی اوقیوردی . فقط بو صیقتیلی ، قورو
 آقشاملرك عمجهمی صیقمادیغنه تماماً امینم . چونکه قیانك
 حضورنده اولق ، قیانك اکیلمش سیاه بوقله لی باشنه باقق
 و آراده تصادفاً باشنی قالدیررسه قیانك درین مائی نظرلرینه
 بر آن ایچون دالمق بونلر اوقدر بویوك بر حظ ایدی که ! ظن
 ایدیورم که قیانك خصومت وخیرچینلق کوسترمه دن ، آچلماز
 بر سر اورتوسنه صاریلهرق بویله معتدل ولاقید داورانماسی
 عمجهمی هرکون آرتان وبویوین بر انهماك وتحسرله ییوردی .
 اوده کندی طرفندن شیمدیلک قیای فضلہ صیقه حق صورتده
 بو حسلرینی کوسترمیور ، ادعاسز وقطعی بر اداره مدیری ،
 مشفق بر آنا کی قیانك حیات مادیه سنك انتظامنه باققله اکتفا
 ایدیوردی . بن بونلری دوشونورکن او اقشام قیا ، هر حالده
 تصدی دکل ، باشنی قالدیرمش اوزونجه برمدت مائی کوزلری
 عمجهمه باققشدی . احتمال عمجهمی کورمیوردی . هر حالده
 صولفون یوزنده سیاه کیرپیکلری آراسنده کی بو ایکی بویوك
 فیروزه نظرلرده بویوك بر المه قارشى صوغویوب سرتلشمک

ایسته‌ین بر مجادله واردی . عمجه‌م بو نظرلرک معناسی و قدرتی
ایله بردن‌بره برکنج آدم کبی شاشیرمش ، کوزلرینی اوننده‌کی
یکی تورانک بر اعلاننه ایندیره‌رک او قودینگک فرقه وارمه‌دن
اوقومغه باشلامشدی :

«ارن کویی یوردینده جمعه مکتبی خوجه‌لنی آچیق قالمشدر.
ارن کویی یوردی فدا کار قیزلرندن برینی بو انسانی و دینی
وظیفه دعوت ایدیور .»

قیا اونوتدینی سوکیلی و آمر برسسک چاغیردینگی ایشیدیر
کبی دیکیشی آئنده ، آياغه قالدی . کوزلری یانیور ، یاناقلری
یانیور ، بوتون اوزون وجودنده برشی یاپه‌جق ، برشی سویله‌یه‌جک
کبی بر وضعیت واردی . فقط کوزلری حمدی پاشانک بیاض
و قدرتی باشنه دوشونجه یاواش یاواش یوزنده‌کی آتش کچدی ،
اسکی سکوتی یرینه کلدی . بونک شیمدی فرقه وارن
وقیانک بو حالنی کورن حمدی پاشالنی قیایه اوزاتدی . کوزلرنده
تقدیر و پرستشله :

— سن طانیدینگ تورکلرک اک جسورسک ، قیا ، الکی
ویرمز میسک ؟

عمجه‌مک آلی هواده قالدی . قیا دیکیشلرینی طوبلایوردی .
— بو اقشام ایرکن یاته‌جقم . اد راحتلق ویرسون ،
دیدي . لاقید و ساکت یورویشیله چیقدی کتدی .

هرکون یکی تورانک قازانان برنامزدی اعلان ایدیلیور .

هر کون یکی توران بویویور ، اوغوز مشهور بر آدمدن پک معزز و سوکیلی بر آدم اولیوردی . آرتق انتخاباتک صوکنه کلیوردق . عمجهم استانبوله بر معتاد نامزدلکنی قویدی ، اوغوزده عینی یره قویمشدی . کچن انتخاباده بروسه یه نامزدلکنی قویوبده قازانه میان اوغوز شیمدی استانبوله قطعی برا کثرت قازانمقله قالمایور ، تورک عنصرینک اکثریتده اولدینی قونیه ، قسطنمونی کبی یرلردن نامزدلکنی قویماسی ایچوندده شدید رجالر آلیوردی . بوتورک ملتیرورلکی سینیرلرینه دو قمنقله برابر عدم مرکزیت فکرینی پک خوش بولان غیر مسلم و غیر تورکلرده یکی توران طرفه کچورلردی . انتخاباتک صوکنه دوغرو ایکی فرقه آراسنده کی مجادلات صوک درجه شدتی بولمشدی . نهایت یکی توران درتده اوچ نسبتنده برا اکثریتله انتخاباده قازاندی . بزم طرفدن آنجق اک طائمش سیالرها زیاده کندی شخصیتلری سایه سنده مبعوث اولابیللمشاردی .

استانبول نامزدلردن عمجهم و اوغوز ایکسی ده استانبول مبعوثی اولمشاردی . ظن ایدر سهم قیانک بر درجه یه قدر کندیسنه . غیر قابل تحمل اولماسی لازم کلن بو حیاته کی متاتی فدا کارلغنک یالکز اوغوز ایچین دکل یکی توران ایچین ده بو قدر مشمر اولماسندندی . بن یکی تورانک بو موفقیتی قیانک فدا کارلغندن اولده اولدجه تخمین ایتمش اولمقله برابر ینه قیایه ایچه برکین . حس ایدیوردم . یکی تورانک نامزدلری برر برر قازاندقلری .

اعلان ايدلديکي کونلر هپ قيانک کوزلرني آرايوردم . بو کونلرده ياناقلرنده حماسي برر قيرمز يلق ، کوزلرنده غريب بر بارلاق واردي . فقط تفاخره بکزر برشي نه قدر چاليشدمسه کوردمدم . عمجه مده اتخاباتده قازاندقن صوکر ، صوکه کونلرده پولتيقه ده آزيحق آزماش اولان فعاليتي تکرار آتمشدي .

بر آقشام ينه سفرده عمجه م قيانن نزاكتله مساعدده آله رق صوکه کونلرده ياواش ياواش باشلا ديميز سيايات حقنده بکا بعض شيلر سويله يوردي . آزيحق کندني اونوتدي ظن ايدرم ، بو کونلرده کي معتادي خارجنده يکي تورانه اسکيدن ياريني کي سوکه جک قدر ايلري کيتدي . صوکره بردن بره پک ظاهري بر تلاشله ايکيمزده قيايه باقدق . بو کونلرده حرارتلي کورونن چهره سي ده ها زياده يانوردی . کوزلرنده نهايتسز بر حدتله فقط عدم تنزلي کوسستير بر سکونتله بزه باقوردي . عمجه م شاشيردي :

— خسته ميسک قيا ؟ ديدی .

— خاير .

آياغه قالقدی ، قيانک آلريني آلدی .

— يانيورسک ، ياوروم ؟

— برقچ کوندر براز باشم آغيريور ، اهميتسز .

— ناصل اهميتسز ؟ خبرو يرمک لازم کليردي ، رجا ايدرم ،

عاصم ، دو قتوره تلفون ايت .

— نافله ، دوفتورلق ایش یوق ، ایرکن یاته جغم .

— هر آقشام ایرکن یاتیورسک .

قیا ساکت وصیقتیلی :

— اوتوریکز ، پاشا . اُلنی ، قومپوستوی کتیر ، یمکدن

صوکره قرار ویریرز .

پک بللی برصیقتنی ایله قومپوستوی ییدک . قیانک ، حقیقت

چهره سنده قوتلی برحما علامتی واردی . یمکدن صوکره قهوی

ایچر ایچمز آیاغه قالقدی . عمجه م :

— هیچ اولمازسه ، صوفی او طه کده یاتسون ، قیا ؟ دیدی .

قیا یانان کوزلری عادتاً دولو ، یاناقلری آله ولر ایچنده ،

دوندی :

— صوفی فلان ایسته م ، پاشا . فقط اگر خسته اولاجقسه م ،

رجا ایدرم ، باش اوجه برتورک خدمتیجی کتیریکز .

— باق ، قیا ، یکی توران ناصل عقللی بر قادینده بیله

انسان حسلرندن زیاده ملت حسلری یاپیور ! جانم ، برخسته یه

بر صوفی نیچون بر عایشه قدر باقاماسین ؟

قیا ، برکردها ، عایشه قادینک طوروننه ایچلک دیکرکن

حمدی پاشانک اعتراضه ناصل باقدیسه او یله باقدی . صوکره

براز خیرچین :

— رجا ایدرم ، او یله بنی صیقما ییکز . کیمسه بی ایسته میورم .

شیمدی عمجه م کندییسی سیغاره سنی یاریم بر اقدی ، قیانک

آرقه‌سندن کیتدی . ایرته‌سی کونی قیا قهوه آلتی‌یه
 اینه‌مدی . بویوک برحرارتی واردی . فقط بر باش آغریسندن
 باشقه بر علامت اولدیغندن دوقتور خسته‌لنی آکلایه‌مدی .
 خفیف بر صغوق آلفینلی اولابیلیر ؛ اولمایه بیلیر ، بر آاز
 تحت مشاهده بولندیرهلم ، دییوردی .

قیا او طه‌سنده تحت مشاهده اولدینی کونلرده مجلس
 مبعوثان کشاد ایدلدی . هرکسک کوزی الک زیاده یالکسز ایکی
 طرفک بویوک و مشهور برر سیاسی دکل عینی زمانده حیاتلرنده
 شخصی بر فاجعه کچن ایکی کیشیده ، عمجه‌مله اوغوز بکده‌ایدی .
 بردن بره خلقک تبعدرجه‌سنده یو کسلتدکلری اوغوزکنج
 چهره‌سنگ چوق یاشامش ، چوق حس ایتش چیزکیلری ،
 بیاض باشی ، پریشان قیافتی ایله نه‌قدر آلتیش او یاندری یورسه
 سیویل قیافتی ایچنده بیله‌عسکری بر شیق و تندرستک کوسته‌رن
 عمجه‌م بیاض بیقلری ، دیم دیک قامتی ، اختیارلغنده فعال و پر
 حیات برکنجک یاشادان باشی ایله او قدر نظر دقتی جلب
 ایدیوردی .

— باقسه‌کا ، ناصل شیق ناصلده تام بر ارکک
 حالی وار . بلکه‌ده قیاوونی سومشدر . دیه فیصلداشیورلردی .
 ایشته بو ، قیانک ازدواجک اوچنجی آینده اولمشدی .

مجلس مبعوثان آچیلدقدن سوکرا ایلك هفته‌لری ایجه
 بحرانی زمانلر کچیریوردق . شیمدی او قدر معظم بر اکثریتی

و حکومتی غائب ایتدکن صوکره هیچ اولمازسه اولانجه شدت
وقابلیتی ایله مخالفت یاپماسی لازم کلن عمجهم عینی زمانده قیانک
خسته لنی اندیشه سی و تداویمی ایله فعالیتک برقسمنی غائب
ایدیوردی. دو قتور بو کونلرده خسته لنی قطعاً تشخیص ایده میوردی.
بر هفته قدر بر چوق قونسولتاسیونلر ، انتظار لرله کچدی .
عمجهم مجلسدن کلنجه اوستنی دیکشدریور. بکا ایرتسی کونی
یکی عثمانیده یازیله حق شیر واسه معلومات ویریور ، بر ایکی
لقمه مک ییور ، بعضاً قهوه سنی بیتیریور ، بعضاً بیتیرمه دن قیانک
یانه کیدیوردی. هراقشامکی سواللریمه عینی جواب :

— حرارت دوام ایدیور. دو قتور بر آ زاستراحت ده ، دیور.
نهایت بر کون ینه یمکدن صوکره نوتلرینی ویرمک ایچون
معتاددن فضله سالونده قالمشدی که دو قتور کلدی . عمجهم پک
مهم بر مسئله اوزرینه مناقشه ایتدیکندن ومباحثه لرینک دلائلی
قید ایتدیردیکندن کندیسی یوقاری حیقامادی . فقط دو قتور
یاریم ساعت صوکره قاپی خفیجه اورارق یا نمزه کلدی .
عمجهم دو قتوری کورور کورمز جمله سنک اورته یرنده دوردی.
قاج کوندر متمادی یورغونلق ، اندیشه وایقوسنزلقله بوزولان
یوزینی دو قتوره مراق واضطرابه قالدیردی .

— بو آقشام ناصل بولدیکز ؟

— شیمدیلک بر فرق یوق . فقط یاواش یاواش خسته لنی
کشف ایدیورز کبی .

— جکر لرنده می ؟

— اوفق براوکسوروك وار . فقط بوحرارتی شیمدیلک
کوکس یادیغنی ادعا ایدم . بودها عمومی ، مبهم فقط اوکی
آلمازسه هرشی اولاییله جک برراحتسزلق !
— خلاصه ایدیکنز .

— عفو ایدرسکنز ، پاشام . بو اولیله عسکری برقطعیته
تشخیص ایدیلیر برشی دکل . بردفعه جمله عصیه تماماً مختل .
کندیسیله اوزون قونوشوب تدقیقه چالیشدم . اولاً ، اوزون
مدتدر کیجه لری اویومیورمش .
عمجهم باشنی صالادی .

— بوبلکه برایکی آی دوام ایدن اویقوسزلق جمله عصیه سنی
بوزدیغنی قدر بنیه سنده عمومی بر ضعف ویرمش . بوتون
وظائف حیاتی سنه ، جمله عصیه سنه ، قلبه ، جکرینه ، باغر صاقلرینه ،
معدنه هپ بردن براختلال ، بربطائت یامش . خلاصه ، شیمدی
براسمله توصیف ایدیته یین بوخسته لق اوکی آلمازسه پک وخیم
اولاییلیر .

— پک اعلا ، اولیله ایسه اوکی ناصل آلیر ؟ سویله ، دوقتور .
— اولاً ، بوخسته لغک اسبابنی آراملی . خانم افندی مادی ،
معنوی بر فعالیتیه ، آچیق صحرا حیاته آلشقدیلر ، دکل ؟
— اوت .

— شیمدی ناصل یاشایورلر ؟ یعنی ذهنلری وجودلری

کافي درجه ده چالشيورمی ؟

— اولی برقادین ناصل اسکیسی کبی چالیشیر ؟

— سوقاغه چیقیورلرمی ؟

— اولا برایکی آی محله ده فقرالری دولاشمق ایچون

چیقیوردی . فقط هیچ کز مکه کیتمز . بونک ایچون چوق چالیشدم ، موفق اولامدم . شیمدی صوکه زمانلرده محله ده بیله چوق دولاشدینی یوقدی . دائما دیکیش دیکر ، اوقور ، ایشته اوقدر .

— کوردیکز می ، بو فنا . شیمدی اقدام ، کندیسنه ،

هان اویوده بیلک ، نه اولورسه اولسون اویوده بیلک ایچون ایلک تدبیرم قوتلیجه برنار قوتیق ویرمک . بونی شیمدی سز ویرملیسکز ، پاشا . صوکره قطعاً یالکیز براقلمغه کیز . دیدم یا ، قوتلی ومتین ، بللی ایتمه یور . فقط پک فنا برنوراسته نی کچیریور . صوکره ایلیق صو بانولری ، فریقسیونلر ، بول و ساده غذا ، حرارتی دوشردوشمز کزدیرمک ، ممکن اولدینی قدرا کلندیرمک ، مثلاً آقشاملری بریکز اونلش اوطه سنده اونکله مشغول اولمالی . واک نهایت ...

دوققور بنم یوزیمه باقدی . عمجه هم : — عاصمک یاننده

سویلیکیز ، دیدی .

— اوطه کزی موقت برزمان ایچون آیرمالیسکز ، پاشا

حضرتلری .

عجمه دوقتورک روحنی ده لر کی سوزدی . عجبا بو ، قیادن
کلن بر تاثیرله می ؟

— بوکا حاجت یوق . عزیزم دوقتور . علاجلرینی بن
یا به جغم ، کیجه لری بن بکله یه جگم . اویومغه کلنجه ، قیایی
اویوتدقن صوکرا بنم اوراده کی بر یا ناقده یا خود بشقه بر
اوطه ده اویومش اولمه مده نه محذور اولایلیر ؟
دوقتور اوموزلرینی قالدیردی .

— سزیلیر سکز افندم . برده ممکن اولدینی قدر چو قجه
آیران ایچیره بیلیر میسکز ؟ ایشته رچته لر ، لطفاً بونلره بو کیجه
باشلا یسکز . بو هفته چیقماندن مطلق خسته اویومالی . صباحیلین
اوغرارم . بون نوی ، افندم .

عجمه آیاغه قالدی . دوقتوری قاپی یه قدر تشییع
ایتدکدن صوکره سسندده هیچ طانیادیغم بردوشکونلک ایله :
— علاجلر یایلنجه بکا یوقاری کوندر ، عاصم ، دیدی .
برده ، اونی اشغال ایدمک هضمی قولای ، ذهنی اکلندیریمی
بررومان بولاماز میسک ؟

— ینکمی اشغال ایدمک رومان ؟ بو ، اولسه اولسه
آلپ تکین بکک صوک رومانی اولایلیر ؟
— اسمی ؟

— یکی تورانک قیزی .

— ها ، نام مستعارله اوغوز بک یازیورمش .

— بلکه .

— کچه .

— تورك عسكرلى ديه يکي بر رومان دها وار . فقط

هپ يکي توران قوللقسىوني .

— اولسون . موضوع ؟

طرابلس محاربه سى ائناسنده انور بکک بنگازى مجاهدين

اردوسنده تشکيل ايتديکي حيات اجتماعيه . بو، جداً مراق آور

وکوزل ! بو قوللقسىونده « يمنده تورك عسكرى » ده وار .

— پک اعلا، بونلر سنده وارسه وير .

براز صوکرا، عجمه مک آلنده درين چيز کيلر ، آلنده بو

يکي توران قوللقسىوننک صوک ايکي نومروسي، چيقدی کيتدی .

بنده اجزاخانه ده علاجلى ياديرمق ويوغورت بولديرمق

ايچون امرويرمه کيتم .

علاجلى کوندردکن بر ايکي ساعت صوکرا بن حالا

کاغلر اره سنده چاليشيرکن عجمه اوطه مه کلدى . يوزى

قىرمزى وئارشيدى .

— قيا قوميص ايسته يور . نرده بولايلىز ؟

— ايران ايچمه يورمى ؟

— خاير . ايسته يکي توران چيلغلنى افراطى ! آيراني ده

فرنکستاندن کتيرمه دک يا ! فقط قابل دکل ، مطلق بو مرتجع

جريفلرک مليتپور مودالرى چيلغلنى ؛ نه ايسه ، بولمالى .

نرده بولنور ؟

— ظن ايدرسهم توران لوقطه لرنده. بن شيمدی چيقاره
کونده ريرم. ناصل، اويويه بيله جکمی ؟

— علاجی ويردم، آزيحق صبه جق کبی ایدی. فقط
آيران ايجيرمک ايجون اصرارمه ينه تيتزلندی. رجا
ايدرم، قوميصی چابق کتير. بلکه ايجنجه اويور. بن اوکا
«تورك عسکرلری» نی باشلادم خوشلانيور، کبی.

او آقش-امدن صوکره مجلسدن کليرکن عمجه مک الله
ايکی شیشه قوميص بولنيوردي. حتی بونی یکی توران غزته لری
بيله یکی عثمانلی فرقه سی رئيسی حمدي پاشا حضرتلرينک نهایت
تورك اولديغنی خاطر لایه رق اجدادينک ايجکيسنی باخا صه توران
لوقطه لرندن اليله آلدیغنی يازييورلردی.

بوکا مقابل غزته لرك برنده ده: «حمدي پاشا حضرتلرينک
حرم عاليلری خانم اقدینک فعالیتی» سرلوحه سیله بر مقاله
چيقدی. بو، قيانک فقرا آره سنده کی صرف انسانيت پرور
حرکاتی، عثمانلی فرقه سی قادينلرينک ده نهایت فقرا تشکيلاتی
ايلاه اوغراشدقلری شکلنده کوسترييور، مبالغه ايدييور، بوکاسیاسی
بررنک ويرييور، عاداتا قیانی یکی عثمانلی فرقه سنک برعاملی کبی
کوسترمک ايسته يوردي. بوبزم پولتيقه من ايجون ای اولسه بيله
حد ذاتنده فنا ایدی. ذاتاً کافی درجه ده اضطراب چکن قیا
عجبا بونی ناصل تلقی ایده جکدی ؟

بومقاله نك چيقدیغنی آقشامدی. عمجه م بر معتاد کچ

ویورغون کلمشدی . مجلس مبعوثانده عربده لی بر مناقشه کچمش ، قابینه دوشمشدی . اصل یکی توران عناصرینک اڭ قوتلی عامللارندن مرکب بر قابینه تشکیلندن بحث ایدیلوردی .

یورغون ، دوشکون ، یمکده عادتا اویوردی . شیمدی هر شیده اوغوز ایله آرتق قارشى قارشى یه ، آل آله بر مجادله کچیریورلردی . مجلس مبعوثان کرسی سنده اوغوز ، مدهش وبی رحم ، کویا مملکتده کی مرکزیت پولیتیکه سنی ابدیاً اولدیرمک ایچون هجوملرینی عمجه مک شیخصنه توجیه ایدیوردی . عمجه مده هر وقتکی قدر وقور و قطعی فقط قیانک خسته لغندن ، باش اوچنده کچن اویقوسز کیجه لردن ، بلکه ده قیانک تأثیرندن اسکی بارد ، متحکم منطقنک هیچ مرحمت ایتمز وضوح و قدرتیله . کنجلیکی ایله هجوم ایتمه یوردی ؛ حالبوکه اوغوز عمجه مک قارشیدسنده عمجه مله مناقشه ایدرکن نهایتسز ، منبئی توکنمز بر کنجلیک غلیان و آتشی ایله بوتون اعتراضاتی قاووروب کچیوردی . عمجه م یمکدن صوکره بردن بره اون سینه اختیارلامش ، دها دوغروسی ایلیک دفعه اوله رق حقیقی یاشنی دویمش کی اکیله رک کیتدی . ایچمده ده برشی چوکیور ، ییقیلیوردی . عمجه م ضعیفلر سه بزم فرقه نک قوتنه ، حیاته نه اولاجقدی ؟ بلکه قیانک اییشمه سی اوکا اسکی کنجلیکنی اعاده ایدردی . فقط بوقوتلی ، بوقادر مطلق قیا ، ناصل .

عمجه مك اك درين قابليت و قدرتي ييور ، مص ايدييوردي !
اوغوز ايچون ياپديني ، داهار دوغروسى ياپديريلان فدا كارلنك
انتقامنى ناصل بيلمه يهرك آليوردي .

عجبا قيا بوراده يكي توران دن اوزاق ، دائمي بر اشكنجه
ايچنده ياشاركن يكي تورانك اك بويوك خصنك بوتون
فعاليتنى ، قابليتني پيهرك يكي تورانه ناصل خدمت ايتديكني
بيليورمي ؟

كيجه ياريسي او طهم وورلدي . قالدقم ، آچدم . عمجهم ،
چهره سي بوزوق و متاثر كردي .

— عاصم ، ديدى ، بزم غزته لرده آرتق نه ياپدقلىرى
بيلمه يورلر . قيا حقنده كي اومقاله يي عدم مركزيت غزته سي
نهديه يازدى ؟

— نه بيله يم عمجهم ، اونلرك غزته سنده سزك ايچون قوميص
مسئله سي نهديه يازلدى ؟

— يوقسه بوني سنى ويردك ؟

— خاير ، فقط بونك نه ضررى وار ؟

— نه ضرر يمي وار ؟ فقط قيا يي اولديريورز . بوكيجه
قطعيأ اويوميور . علاجنك مقداريني ايكي درجه آتيردم ،
ينه اويوميور . عصبي بر حماء هزيان ايچنده . بوني مطلق
تكذيب ايتلي .

— ناصل اولور ، عمجه ؟ حمدي پاشانك بويله بر حوادثي

تکذیب ایتدیرمه سی فرقه سی آراسنده ناصل بر تأثیر یاپار ؟
 ذاتاً اولندیککز دن بری تورانجی اولغه باشلا دیغکز یاواش
 یاواش سویله نیور بیله !

عمجهم ایکلر کبی برشیلر میرلاندی . و بیاض باشی آلرنده ،
 برزمان ایکی طرفه ساللاندی . بویک مهم و آجی بر موقعدی .
 نه یاپه جقدی ؟ قلبی ایله اعتقاداتی و بوتون حیاتنک اساساتی شیمدی
 قارشی قارشی یه چکیشیوردی .

— اداره خانه یه کیت ، صاحب امتیازه قیانک خسته لغنی ،
 هر شیئی آ کلات . بو حرکتک صرف انسانی برشی اولدیغنی سویله .
 بکا شخصی بر خدمت دیه بوایشی یاپسون .

دوشوندم ، دیمک عمجهم بیله برکون سودیکی بر قادینک
 صحتی ایچون اساساتی ضعیفلاتیوردی . بر تجربه اولقی اوزره :
 — یا یازما زلرسه ؟ دیدم .

— او حالده قیا بوأودن چیقوب کیده جک . معاهد مزه
 بوداخل دکلدی دیور و امین اول که کندی طرفندن سوزینه
 او قدر حرمت ایدن بو قادین بز سوزیمزی طوتماز سه ق مطلق چیقار
 کیدر . بونی منع ایدمیز .

— کیدرسه نه اولور ؟ سزده اسکی حیاتکزه و موفقیتکزه
 عودت ایدرسکز ، عمجه !

— چوجوق ! بونک فرقه مزه آچه جنی اسقاندال ، یا !

— صرف بونک ایچونمی ؟

— صوص ، عاصم ، خسته ويورغونم . کچيرديکم بخرانلره
برباشقەسى مطلق چيلديردي . بن کيدييورم . آياق سسلريني
ايشتمە يورميسک ؟ سن ده غزته اداره خانه سنه !

— شيمدي ؟ بووقت ؟

— سن کيتمزسه ک بن کيده جکم .

— پکي ، قالکيز عمجه ، کيدييورم !

عدم مرکزيتە بوتکذي ممکن اولديني قدر ماهرانه
يازدبرمقله برابر ، اعتراف ايدرم که هم يکي تورانليره هم ده
بزم فرقه ده کيله پک باقه ميوردم ، هپ بزمه استهزا ايدييورلر
کي کليوردی .

بونک چيقماسی بيله قيانک سينيرلرنده بومقاله نك ايلک
تأثيريني ازاله ايتمه دی . بر هفته کچمه دن دو قتورلر قيانک سياحته
چيقارلمه سنده مطلق اولارق اصرار ايدييورلر ، عکسی تقدیرده
مسئوليت قبول ايتمه يورلردی .

قابينه تشکيلي اول اوغوزه تکليف ايدلدي . او ، رياست
قبول ايتمه جکني فقط بريکي توران قابينه سنه ممنونيتله کيره جکني
سويله دی . قابينه تشکيلنه نهايت اسکی يمن قهرمانلرندن احمد
فؤاد پاشا مأمور اولدی . اوغوز کندی آرزوسنه بناء قابينه ده
هم معارف هم ده داخله ناظري اولمشدی . قابينه مجلس
مبعوثانه کله دن عمجه م مجلسدن اذن ايسته دی . کندی فرقه سی
قابينه اعتماد رأيي ايسته يه جکي کونه قدر قالماسني ، مطلق اوکون

هيچ اولمازسه اعتماداي ویردیرمه ي منع ایدمه زسه بيله افکار
 عمومیه ده یکی قابینه نك یروغرامنك مضراتنی حس ایتدیره جك
 صورتده بویوك بر نطق ایراد ایتسنی ایسته یورلردی. عمجه مك
 کوزنده یاشلرله دوقتورك راپورینی آرقداشلرینه کوستردیکنی
 کورنلر اولدیغنی ادعا ایدیورلردی. حمدي پاشایه اذن ویرلمه سنی
 کویا اوغوز بك ترویج ایتش ایمش کبی روایتلر چیقدی .
 عمجه م قیا ایله مملکتدن حرکت ایتدیکی کون غزته لر قیانك
 خسته لغندن ، قیا کبی بروجودك ضیاعنك معناسندن فلان بر
 چوق بحث ایتدیله . ینه یکی توران غزته لری بو موضوعه
 قارشى ساکت وغنود برلا قیدی کوستردیلر .

۱۵ کانون اول ۱۳۴۷ ، شهزاده باشی

عمیحه ،

قاینه جمعه ایرته سی کونی مجلسه کلدی ، بیاننامه سنی او قودی .
بونی غزته لرده کورییوردم . سغرد مبعوثی خورشید سالم بك
جداً بلیغ و شدید بر نطق ایله مملکتی فلاکته کوتورن بوپولتیقه
صاحبی قاینه یه اعتماد ایدلمه سنی سویلدی . بوكا ، قارشى طرفدن
سكود مبعوثی ارطغرل بك جواب ویردی . ارطغرل اوغوزك
نسخه ثانیه سی . فقط زرده اوغوز ! اوغوز حكومت موقعنده
اسکیسی کبی سویله یه مه مكدن عادتاً قودورییوردی . بر چوق
پاطریدین صوكره طبیعی اولارق بویوك برا کثرتله اعتمادزائی
آلدیلر . بز سرك اولمادیغكزی بللی ایتمه مك ایچون بك چوق
چالیشیورز . بن همان هر کون یکی عثمانلی یه یازیورم . ينكهم
سزكله برابر بنمده بر آز یکی عثمانلیق قائمی او یوشدیرمشدی .
شمدی اولانجه قوتمزله چالیشیورز . بوراده بعض عجیب شیلر
اولیور . پادشاه وكلا ایله بعض مبعوثانه بر ضیافت ویردی .
ضیافتده بك طبیعی اولارق اوغوز بكه آریجه التفات ایتش ،
زرده بویودیکنی ، ناصل تحصیل آلدیغنی صورمش . بروسه ده
تاتار محله سنده دوغدم ، تحصیلمی ، داها دوغروسى تربیه

سياسيه مى بروسه نك بويوك جامعلرنده واسكى پادشاهلرك اسكى بويوك تربهلرنده ، سوکيلي خاقانمز ، ديمش !

بروسه ده تاتار محله سنده ! آرتق آكلارسكزيا ، نه قدر اصيل بر آدم اولاييله جكنى ! ناظر اولدق دن صوكره نه قياقتى دكيشديردى ، نه اوضاعى . ضيافته استامبولينك آلتنده يموشاق بر منتانله كيتمش . بوراده اجنبى غزتهلرندن برينك محررى بر آنترويوويامش ، قياقتى دكيشديرمه سى موضوع بحث اولمش . —
عمرمده ياقه لق طاقدام وبوندن صوكره ده طاقغه نيتم يوق ، ديمش . پك قبا فرانسزجه سويله يورمش ، ممكن اولديغى قدر بك اوغلى حيات اجتماعيه سندن قاجيورمش ؛ حتى برقادين دشمنى دنيله جك قدر قادينلردن اجتناب ايتديكى ايچون يكي توران پولتيقه سنده قادينلرك سويه سنى يوكسلىتمك ، حيات اجتماعيه ده اونلره برر انسان موقى ويرمك ايچون چاليشماسنه اخلاقيه ضد بر قاعده ديه باقيورلر . بونلر يكي عثمانلى مزاح غزتهلرى ايچون بويوك سرمايه تشكىل ايدييور . كچن كون خنده ده بر قاريقاتورى واردى . آياقلرنده چاريق ، آرقه سنده استامبولين ، مينتانك ياقه سى چاريق ، آرقه سنده او ابدى قورشونى قوستومى . لاقيردى سويلر كن آلرinx پانتالوننك بلنه صووق ايچون يلكنى كوملكنك اوسته ده ويرمش ، قارشيسنده ظريف ، كوزل چارشافلى برقادين :

— قادينلر نامنه تشكره كلدم ، بويوك ناظر ، نهايت سز بزه

قادين اولايغىمىزى حس ايتدیره جىسکىسکىز ، دىيور .

ناظرک کوزلى دوش :

— قادينى ؟ تکریم اسیرکسون ، صرف سىزى قادينلق
 قيايتندن چىقارمىق ايچون يکى بر پولتيقه ايجاد ايتدم ، دىيور .
 فقط بجه اوغوزک بو حاللريله آلاى ايتمک اونک عليهنه
 دکل لهنه چىقييور ، بو ضعفلر مفرط مليتپرورلرک تقليده قدر
 قالقيشه جقلىرى برر فضيلت اوليور .

داخليه نظارتنه کلهلى برهفته اولمادن مجلسده براسيتيضاحده
 مهم بر نطق وىردى . بوکا هجوم ايتمک ايسته يورز . فقط پک
 ضعيف نقطه سنى بولاميورز . صورت قطعيه ده عدم مرکزيت
 دوغرو کيده جک اما بونى يکى عثمانلى اداره سندن دها شديد
 بر اداره وقوتله ياپه جغىسندن آرتق دوانى تقسيم ايدم جىکلر ،
 اوته کيلر باشقه يرلره التحاق ايدم جک فريادى قوتى غائب
 ايدىيور . اونی طييعى فرنک غزته لرى تلغرافله ويريرلر . بن
 دها واضح اولسون ديه بعض پارچه لرينى آليورم . همان
 يازوب بو آقشام پوسته يه ويره جکم :

بونجه سندهر يكي تورانك حاضر لادينى (۱) تورك ملتى
يوكسلىتمك ؛ (۲) تورك ايمپراطورلىنى عناصر مختلفه سنى عدم
مرکزيت ايله اداره ايتمك پولىتيقه سنى يكي توران بوكوندن اعتباراً
موقع تطبيقه قوييمغه باشلايور. تکرينك اذنيه بونى تطبيق ايدى جکدر.
فقط بوقدر ضد ومتنوع امللر بىله ين مختلف قوملر آراسنده
بونك ايلك تطبيق ايدلدىكى سنلر حتى بلکه ربع عصر بويوك
تهلىکه ومشکلات کوره جکنى يکى توران تماماً تقدیر ایدیور.
يکى توران بوعدم مرکزيتک برداغلمه شکلنه منقلب اولمامسنى بوتون
وارلىنى ايله قرار ويرمشدر . مختلف عناصرى مختاريتيه دوغرو
کوتورن بويوك امتياز لر ويريليرکن تورک کويلوسنى ، اوتىكى
عناصر آراسنده الكچوق کريده اولان تورک معارفه ، آناطولينک
عمومى عمراننى برنجى درجه ده قوتى وقابليتىنى صرف ايدى جکدر.
کوچوک تورک اراضى صاحبلىرىدن عسکر آلاماق ، تورک
کويلرىنده خوجهلق ايدى جک اعدادى طلبه سنى [هر نه جنسندن
اولورسه اولسون] عسکر دن معاف طومتق ، اسکيدن روم
ايلى يه صرف ايتدىكى فضله يول وشمندوفر ومکتب تخصیصاتى
يکرمى سنه مدته آناطولى يه صرف ايتمک ايچون قانون لايحه لرى
حاضر لايور . بونى تورک ، غير تورک يکى توران فرقه سى

مبعوثلرينك قبول ايتملري تحت قراره آلمشدر . بو نقطه لرده
حتي مخالف تورك مبعوثلرينك ده بزه ظهير اولاجغندن امينز .
بوتوزكلره خصوصي امتياز قانونك يالكز يكرمي سنه مدته
مرعي اولماسني حكومت مجلسدن ايستيه جكدرد . اوندن صوكره
حكومت بوتون عناصرك بولنديني اولكه لرك و تورك ايمپراطورلني
اقوامنك هر صورته اداره و ترقيسني كندى قابليته ، ثروت
طبيعيه سنه و چاليشقانلغنه ترك ايدده جكدرد . يالكز عناصر
آراسنده كي موازنه يي محافظه ايچون حكومت بو ايلك يكرمي
سنه صوكره اك كريده قالانلره واك ضعيف اولانلره اولاه
يارديم ايمه سي ايچون ، ولزومنده تطبيق ايدملك اوزره ، ديكر
برقانون داها حاضر لامقده در .

عدم مركزيتي تماميله تطبيق ايدده بيلمك يكرمي سنه لك بر
سكونته و تورك عنصرينك غائب ايتديكي موازنه يي بولمسه
وابسته اولديغندن حكومت بو آرائق صالح و آسايشي و سكونت
مملكتي اخلال ايدده جك هر درلو حر كته مستثنا بر شدته مقابله
ايدده جكدرد .

حكومت عيني زمانده مختلف يرلرده كي مختلف قوتلره
كنديلرندن مأمورلر ، والير ، وميليس تشكيلاتني همان يابه جقدرد .
فقط بو ايلك يكرمي سنه ظرفده عدم مركزيت ايله اداره
ايديله جك غير تورك عناصرى عادل ، فقط صيقي بر تفتيش

آلتنده بولندیره جقدر . کندی ریاستم تحتندہ تشکیل ایدہ جکم
 بی طرف و عادل بر هیئت تفتیشیه روم ایلی ، کردستان ، عربستان
 وروملرله مسکون آطه لرك مکتبلرینی ، طرزادارہ سنی حکومتک
 تفتیشنه آچیق بر اقلمه یی تأمین ایدہ جکدر . غیر تورک مسلمان
 قرده شلریمزدن تورک ایمپراطورلغندن آیری بر اداره تشکیلی
 ایچون چالیشانلری یاخود او فکری تلقین ایدنلری ، غیر تورک
 و غیر مسلم قرده شلریمزدن دیگر بالقان و یاخود اجنبی حکومتلرندن
 برینه التحاق فکرنی تدریسات ایله یاخود باشقه بر واسطه
 ایله ویرمکه چالیشانلری حکومت شدتله تأدیب ایله جکدر .

بن پولتیقه ده ، خصوصیه داخلی پولتیقه ده حکومتلرک
 مطلق بر امل و مقصدی اولماسی ناصل لازمه او امل
 و مقصدلرینی ملته واضح بر صورتده تبلیغ و ملتک یاردیمنی ،
 اشتراکنی تأمین ایچین عینی آچیق و صمیمی بر خط حرکت
 اتخاذا اتمه لری لزومنه ایمان ایدرم . بو ایمانه توفیقاً حرکت
 ایدہ جکم . بکا یاردیم ایدن هر قوم ، هر قرداش و وطنداش
 بوکون برداخلیه ناظرینک نفوذ و قدرتی ، مشکل فقط شرفلی
 وظیفه سنی یاپیور دیمکدر . بونلرله ال اله چالیشه جغز . فقط
 تورک ایمپراطورلغنک صوک چاره و تدبیر نجاتی اولان بو آچیق
 پولتیقه یه خیانت ایدنلره هیچ امان ویرمیه جکز . تورک
 قرده شلریمک مبارزه حیات و استقلالده صوک چاره لری ، غیر

شیمدی بونطقك يكي عثمانلر اوزرينه تأثیرندن قورقورم.
نه دیرسکز؟

امید ایدرم که سیاحت ینکه مک اعصابنه بکله دیکمز سکون
وعافیتی ویردی . سزکده سعادتنکزه تمنی کارم ، محترم عمجه م.
بنی یکرمی بش سنه در تربیه ایتدیککز یوله بوکون هر وقتدن
زیاده ثابت وعزم پرورم. عمریکزده آرتق هیچ برشی یاپماسه کزده
سزک مملکتده یاپدیغکز پولتیقه یی بن سزک اسکی قابلیتکزله
دکلسه بیله اسکی شدت و فعالیتکزله تعقیب ایده جکم . اللر کزدن
اوپر ، ینکه مک صحت خبرینی و امرلر کزی بکله رم .

یکنکز

عاصم

براین، ۱۸ کانون اول

عزیزم عاصم،

شیمدی پوسته‌خانه‌ده سنک مکتوبکی غزته‌لرله برابر آلام،
اوقودم. ینه بوراجقده جواب ویریورم. اولا سیاسی قسمنه
کله‌لم: اوغوزک نطق قدرتلی فقط قدرتلی وصیمی اولدیغی قدر
ضعیف نقطه‌لری ده وار. اولا تورکلره وعدايتدیکی امتیازات.
بونی غیر تورکلر ناصل تلقی ایده‌جک؟ عربده‌نک بویوکی
بورادن چیقاجق. بو نقطه‌ده یکی عثمانلی تورک مبعوثلرینک
بعضیلرینی جلب ایتمکه، ترده دوشورمکه موفق اولایلیر.
فقط آناطولینک بویوک بر قسم وارداتی آلان روم ایلی بوندن
محروم اولونجه نه یاه‌جق؟ بوامتیازات آیاق اوستنده دورمیور،
هله صمیمیت و آچیق پولیتقه! بویله بر پولیتقه داخلی، خارجی نرده
کورولمش؟ بوکایتین ایلککی بو قدر معترض قازانمادن یاه‌مازمیدی؟
بو نقطه‌یه سز قطعاً اعتراض ایتیه‌یگز، مملکتده مدھش بر
آقینتی کبی آقان، آرتان ملیتپرور جریان بزم فرقه‌ده بر درجه‌یه
قدر موجود؛ بونی کوچن‌دیره‌بیلیرسکیز. سز عدم مرکزیت
قلاسیق هجومی یاییکیز. ذاتاً بو عدم مرکزیت، نائل اولانلرک
بیله اعتراضی جلب ایده‌جک بر ماهیتده. بنجه عدم مرکزیت

ایسته‌ین عناصر عثمانلی دولتندن آیرلق ایسته‌ینلردر . بونلر ایسه بو تفتیشی قطعاً قبول ایتیه جکلردر . دیگر قسم غیر تورکلرده ذاتاً مرکزیتی ایستلر . اوغوزک عدم مرکزیتده کی میللیس عسکرلری تشکیلاتنک هان اجرایی بکا اک تهلکه‌لی قسمی کلپور ؛ بونک اوزرنده فرقه نامنه دکل وطن نامنه چوق توقف ایدیکز . بو بروسه تاتار محله‌سی محصولی چاپقین شیمدیلک بر میللیس عسکری مسئله‌سی چیقارمايه ایدی حالی بو قدر وخیم کورمیه جکدم . بو ، راحتی قاجیردی . شدت پولتیقه‌سنه کلنجه بوده اتحاد و ترقینک ایلک مرکزیتله برابر تطبیق ایتک ایسته‌دیکي پولتیقه . بوکا مرکزیتله موفق اولامادی ، عدم مرکزیتله عجبا داها چاقمی موفق اولاجق ؟ هر حالده شو دیدکری اوزرنده اوغوز بیلدیکي کبی اویناماسون دیه ممکن اولدینی قدر سیاحتی تقصیر ایده جکم .

فقط اوغوزله بو دفعه جداً بوغاز بوغازه کله جکم . بو مبارزه‌نک بیلیم قیا اوزرنده نه تأثیری اوله جقدر ؟ فقط بونی یامغه مجبورم .

شیمدیلک بر آی ایچین آلتش بش سنه‌ک حیاتمک ایلک تعطیلنی یاپیورم . قیانک اوبقوسی ، اکر بنی آلداتما یورسه ، ده ایهجه . اسکیدن داها ضعیف ، فقط بکا بر آزدها جانلی کلپور . یکي توران مسخره‌لنی سیئه‌سنه بنده اوغرام . قیایی سوقاقده آروپا قیافته حوقامادم . چانطه‌سندن سیاه ایپک

جبه سیله بیاض قرب دوشین اورتو چیقدی . سویله دم ،
سویله دم ؛ نه شدت نهده استرحام کار ایتدی . ساده جه :

— بئم قیافتمدن اوتانیورسه کز استانبوله دونه رم، دیدی .
هیچ اولمازسه چاریق کیمه دیکنه متشکر اولدم . ترندن
اوجان جبه سی، بیاض اورتو سیله چیقدی . نه ایسه اونی برنوع
راهبه فلان ظن ایدیورر ، غالبا . فقط کوزلکی نظر دقتی
جلب ایدیور . شیمدی ایچمدن عقلنه چاریق کیمک کیدی دیه
شکر ایدیورم . سوقاقلری وبوتون مؤسسائی بویوک بر دقت
ومراقله تمقیب ایدیور . فرانسزجه سنی هیچ اونوتمه مش .
اون بش یاشنده ناصل قونوشورسه اولیه قونوشور . اوتلده
غارسونلر اوزرینه بویوک بر تأثیری وار . یمکی اوطه مزده
ییورز . کیجه تان هاوزره کوتوردم . بر آاز آلمانجه ده بیلدیکنی
ایلک دفعه آکلادم . کندی کندینه اوکرشم اولدیفنی ،
اوقودیفنی فقط قونوشمادیغنی سویله دی .

« سلام سکا ای کوزل کوک ! سلام سکا وطنک یشیل
تارالاری ! » پارچه سنده باشنی لوجه یه دایادی ، یاناقلرندن یاشلر
آقغه بانلادی .

غزته آرایور ؛ فرانسزجه غزته لری بولدیرتیور . بویوک
بر صبر سزلق وصیقتی کوسته ریور . شیمدی مطرد بر هوا ،
روز کارسز وقورو بریر بولق ایچون تیروله ، اینسبروغه کیده جکز .
فقط قورقیورم عاصم ، قورقیورم بوراسی ده اوکا شفاویرمه یه جک .
بکا ترنده دون بردن بره دیدی که :

— مطلق بکا ساحت لازمسه آناطولی ده بریره کوتورملی
ایدیکیز . صانکه یشیلک ، اورمان و صوبزم یوردیمزده یوقی ؟
— فقط یوللر هر وقت منتظم دکل و شمندوفر یوق .
هله اوتل !

— شمندوفری اولمیان یرده آته بینرک ، یکي تورانک
هیچ تصور ایتدیکیز یرلرده یوردلری وار .
— بو قدر راحتمی ؟

جواب ویرمدی . یکي توران قوللقسیوننده تورک عسکری
کبی باشقه کتابلر وارسه کوندر . ایچمده بوچوجوغه نهایتسز
بر آجیمقله ، حدتله برابر برده حرمت و تقدیر وار . آدم عقللی
بریره صرف ایدلسه نه قابلیت ؛ آزیجق دها آز شوون و آاز
مفرط اولسه نه ذکی وایی برقادین . . فقط هپ بونلره رغماً
بنی بوقادین مطلق براقه جق . اکر کنیدیسی کیتمزسه اولوم
آلوب کوتوره جک . او قدرکه یوزی ، کوزلری بودنیادن باشقه
بر کوزلک آلدی ! دون حیوانات باغچه سنی کزدک . قفسلرده
یشیل و حر اورمانلرینک حسرتیله بویونلری بوکولمش ، کوزلری
سونمش کوزل و حر قوشلر ، محزون کوزلریله یوردلریخی دوشون
محزون غزاللره قیانک آراسنده بر مناسبت بولدم . بن اختیار
عسکر نیچین بو کوزل اسیری بویله طوتدیغمی دوشوندم . فقط
دوشوندم . فقط ناصل ونه دیه صالیویره بیلیرم ؟ بیلیم حاصم

سز و مسلکم بکا کندی فلاکت و حیاتی یا شامق ایچون هیچ
حق و یرمیه جکیمسکز ؟ چوق شکرکه وجدانم بکا مملکتک
سلامتی ایچین بوزواللی قیای اوغوزدن و یکی توراندن اوزاق
طوتمق لازم کله جکنی سویله یور . یوقسه اونی یانمده بویله
حبس ایتکدن براذا دویه جقدم . کورو یورسک ، آرتق تماماً
اختیارلادم ، عاصم .

شیمدی قیانک صوک یابدینی شی نه در بیایر میسک ؟ بنده
عثمانلیغه بدل تورکک حس او یاندر مق . بو اوکا لاقیردی
سویله مک و سیله اولدینی ایچین سکونتله دیکله یورم . فقط زواللی
چوجوق ، ناصل تجربه سز ! شیمدی سیاه صاحبزینک آغیر ماسنه
رغمأ اوقدر چوجوق و صافدل که ! بوتون حیاتی و موفقیتی
مطلق بر صمیمیت و دوغریلق اوزرینه مؤسس . اوغوزک
دوغریلق پویتیقه سی قدر بر صاف چوجوق او یونجانی . فقط
موفقده اولدقاری زمانلر وار . هر حالده بوصافیت پویتیقهده
نه قدر ضرر سه تورک ملتک حیات باطنیسنده اخلاقی بر تجدد
و تحول ایچون اوقدر مفید . یالکیز ؛ کندیلرندن پک باشقه ،
اساسی قورنازلق اولان قواعد اخلاقیه ایله مقید دیکر عناصرله
مبارزه حیاتده آلدانمایه جقلمی ؟ باق سکا پویتیقه یرینه نه
اوزاق شیلردن بحث ایدیورم .

کوزلر کدن اوپورم . چالیشمه که نمون اولدم . انشاء الله

عمجهک

موفق اولورسک !

حمدي

عمجه مك بومكتوبنى المده بويوك بر حدتله صيقدم. آرتق
 قوتلى دماغى ، هر شئي قيا قارشيسنده جيلق اولمشدى. اوقطعى ،
 واضح ، سياسياتك اك اينجه نقطه لرني هيچ برشيدن چكنمز بر
 اينجه لك ايله تطبيق ايدر كن اخلاقى ، حسى هيچ بر ملاحظه يي
 ذهنته اوغرا تميان حمدي پاشا شيمدى نرده ؛ ديمك كه قيايى
 فدا كارلغه اغفال ايديشى سياسى بر موفقيت مقصديله دكلدى .
 فقط او دقيقه بيله غزته لر ايچين تعليمات ويرير كن ذهنتده
 سياسياتك اك بويوك موقع طوتدينى حسنى ناصل تلقين
 ايدىوردى . قلمده قيايه قارشى بومكتوبدن صوكراسونمز
 بر كين قاباردى .

بو آراق اوغوز بوتون فعاليت و قدرتي ايله معارف و داخليله
 چاليشيوردى . بوسنه حتى بودجه دن اول عدم مركزيت اصول
 اداره سى و تورك-بوكا طيبي ارمنى و كر دلر كده داخل اولدينى-
 ولايتلرينك خصوصى امتيازلى ايچين قانون لايحه لرني يكي
 تورانك قزاندينى بويوك موفقيت حراتى صوغومه دن مجلسه
 وىردى . بونلر انجمنلرده مذاكره ايدىليوردى . بر بازار ايرته سى
 كوني ايچون هيئت عموميه نك روزنامه سنه چكمشدى .

بونى تلغرافله عمجه مه خبر وىردم . اون ايكي ساعت

صوگرا مستعجل بر تلغراف آلام : « جمعه ایرتهسی اقشامی
استانبولدهیم . » بوکا پک زیاده سوزیندم . نهایت عمجهم
قیانک نفوذینه رغماً اسکی حیاته و مملکت ایچین اساسلرینی
مدافعهیه کایوردی .

جمعه ایرتهسی آقشامی یدی قولدهده بویوک غارده ساعت
یدیده کلن اکسپرسدن عمجهم وجههسی وباش اورتوسی ایله
قیا ، چیمدیبلر . قیانک رنگی صولغون ، فقط کیتدیکندن
بک چوئی جانلی ایدی . او اقشام عمجهم یمکدن صوگرا قیانک
حضورینک یموشادیجی تأثیرندن قورقار کبی :

— هادی ، عاصم سنک او طه که چالیشمغه . قیا ، سن اذن
ویررسک ، دگلی؟ دیدی .

قیا ، ماصه نك اوزرنده بولدیغی غزته لره دالمشدی .
یوزنده اوزون بر حسرتدن صوکره سوکیلی بر شیئه
قووشمقدن متولد بر حفظ ویردهجکی پنبه و کوزل بر سکون
و سکونیه برابر اوزاق ، خولیلی بر تبسم واردی . اودقیقه
احتمال اوغوزک آتشین نطقلرندن برینی اوقیوردی . عمجهم مک
خطابنک نه معناسنی نهده کیمدن کلدیکنی آکلامیه جق قدر
دالمش اولدیغنه امینم . فقط ، بلکه غیر اختیاری ، باشنی قالدیردی .
چهره سنده او آیلردن بری کورمه دیکمز ایلك سکون وسعادت
رؤیاسیه تبسمی صولمادن باقدی . او وقت عمجهم مک بوتون
وارانی ایله ، آیرلق ایسته دیکی نفوذه نه قدر مجلوب اولدیغنی

قلم آتەرق آکلادم . بر آن قدر، اولدینی یرده آیاقلری کری
 کیتی . صوکره چابوق بر کندیسنی طوپالایشله اوطةدن
 چیقدی . وبنمله آشاغیده جداً چالیشدی . اوغوزك مختلف
 زمانلرده، کی نطقلرینك مهم نقطه لرینی ضبط ایدیور ، تا اسکیدن
 بیلدیکم بر فعالیتله دولاشیور، کوزلری ثابت و فعال، دوشونیوردی .
 پوپك شایان ممنونیت بر علامتدی .

نهایت مشهور بازار ایرتسی کلدی . مجلس مبعوثان مثلی
 کورولمه مش بر ازدحامله دولمشدی . قاینهك اوکونکی
 چهره سی پك مغنیدار و تورکدی . یمن قهرمانی احمد فؤاد
 پاشا اونیفورمه سیله، خارجیه ناظری آلپ تکین بك یووارلاق
 تورك چهره سنك آناتولی سکوتی آلتنده کی احتیاط و اعتدالی
 ایله کورونیورلردی . نافع ناظری پانچه مقتدر، ذکی و عزیمکار
 بر سلاو چهره سی ؛ زراعت ناظری وارتکس افندی آناتولینك
 باشقه چهره ده ناموسلی ، فداکار و جسور چوچنی ؛ پوسته
 ناظری برکنج روم ، اوقاف ناظری کوزل نجیب چهره سیله
 چولك عرب مدنیتی هضم ایتش برکنج عرب ! شیخ الاسلام
 دیگر اختیار اسکی بر عرب ، نهایت حربیه ناظری ده مائی
 وبارد متحکم کوزلری، متین فقاسیله طرابلس محاربه سنده
 چولده یکی بر حیات وبلده عمران یارادان وطنك سوکیلی بر
 چوچوغی ایدی . اك شایان دقت نقطه قاینهك غیر تورك
 اعضالری اسکیدن بری تورك ایمپراطورلغنه صادق قالمش

عزمکار ، فقط عدم مرکزیت ایچین اتحاد و ترقی ایله ایلک
 سنه لری چارپشمش نهایت عین فکر واساسله طوبلانمش معروف
 وبویوک سیالردی . نهایت داخلیه نظارتک یکی قانون لایحه سنی
 مذاکره قویدیلر ، ایشته بوکون عمجه مک بوتون حیات مسلیکنی
 تنویج ایدن اک بویوک کونی ، بلکه ده صوک بویوک کونی اولدی .
 هر ماده موقع مذاکره قونلدینی زمان اوزون و آتشین
 برنطقله اوغوز طرفداراتی عادتاً صارصه جق بر قدرت وضوح
 ومنطقله سویله دی ونهایت خاتمه اوله رق :

— یا کلاش یاپیورسکنز وطنداشلرم ، دییه هایقیردی .
 مملکتک اختیار و تجربه کار بر عسکروسیاسیسی صفیه سویلیورم که
 بوتورک ملیتپرور ، روم ملیتپرور داها بیلیم نه ملیتپرور ، جریانیله
 عدم مرکزیت بر فلاکتدر ، بر مقاسمه وانخطاطدر . ذاتاً
 ملیتپرورلک جریانی وعدم مرکزیت جریانی بو ایشدن بر برینی
 دوغوران ایکی مصیبت ! ظن ایدرمیسکنز که باشقه لسان ، باشقه
 ماضی ، باشقه امللرله بر حکومتی یدی سکنز عرق تشکیلات
 سیاسیله لری ده آیری اولدینی حالد صادق قالون ؟ خایر ! .
 داغیلورز . اینانکنز ، تورکار سز که بوملیتپرورلک تورکلک
 دیه عثمانلیقدن رجعت ایدیورسکنز ، اوته کی وطنداشلیریکزله

آرا کزده کی منفرد باغی چوزیورسکیز ؛ غیر تورک عثمانیلر
 سز که برر برر کندی خصوصی قانونلر، خصوصی املاک ،
 لسانلرله و اداره لرله ملتیرورلک جریانیکزک طبعی بر نتیجه سی
 اولارق آیری آیری آریلیورسکیز، سزکده عثمانلیق رابطله کز
 چوزیلیور وطن اتمه ییکز که بونکله کندی باشکزه کندیگزه
 مخصوص بر حکومت یابه ییله سکیز ! بوده خایر. بو عرقی و ملی
 تمایلاتکزه مغایر حکومتلرک برر لقمه سی اولورسکیز. ارمنیلر
 روسیه، عربلر انکلتزه و آطه لر بحرسفیده حاکم بحری مملکتلر،
 و ملتلرک اراسنده شخصیتکزی، ملتیکزی نامکزی، هر
 شیئکزی تورک ایمپراطورلنی خولیاسی ایله داغیدیورسکیز .
 وسز تورکلر، سزلر بو حالکزه، بو وطندن کندی الکزه
 بویوک پارچه لر قویاردقن صوکر عجا آناتولیده کوچوک بر
 عشیرت حالته عودت ایتدیگکی بلیکه آلتکزه یالکز
 آتلیکزه آسیای وسطایه یوزیکزی چویردیگکی آکلایه-
 مایورمیسکیز؟ صوگ سوزی سویله مه دن دوریکز و برآن
 دوشونکیز ! اکر مرکزیتدن داخلیه ناظری بک افدینک
 اولدن بری یکی توران پولتیقه سنک یکانه سلاحی و قوتی اولارق
 تورک عنصری متضرر اولور، تورک عنصری بیتور فریادی
 دوغری ایسه عدم مرکزیتدن ده بوتون بر عثمانلی ایمپراطورلنی
 داغیلیور. هم نیچون تورک عنصری، تورک عنصری دییه
 هایقیریورسکیز؟ تورک عنصری ایسترسه داغلسون، ایسترسه

مضمحل اولسون ، تورك عنصری عثمانی ملتندہ یا شایه جق
تورکک و هویت بر اقامشد . آمریقاده هانکی انکلز آمریقایی
تشکیل ایدن ایتالیان ، اسپانیول و سائر قوملره قارشی انکلز ،
انکلز عنصری دییه بر دعواده بولنمشدر؟ بو کون نه آنغولساقسون ،
نه لاتین اولمایان بر آمریقا حکومتی و آمریقا ملتی خصوصی
ملیتلرک محویه عمومی بر ملیت آلتندہ بر آمریقا ملتی پامش دکلدر؟

عجبه بونی سویلرکن او قدر متأثر و صمیمی ایدیکه بوتون
مجلس بر آن ایچون صمیمی و تهلکلی بر سکوتله صوصدی .
صوکره هر کسک غیر اختیاری کوزی اوغوز بکه دوندی .
اوغوز ، عمجه مک بوتون مقصد و املک قلبک آتشی
کورون تهیجنه قارشی هر شیئی قاورایان بر اعتدال و سکونت
آلتندہ حس ایدیلن مطلق و یکی بر کنجک حیاتیه کرسییه
کیتدی . قابینه اعضالریک منتظم سیاه ردنغوتلرینه بدل اوبول ،
ابدی قورشونی قوستومیه ابدی و قورشونی ایک کوملکنک
قدرتلی و عضله لی بوینی آجان یاقه سنده قیرمزی بویوک بر
بویون باغی کوریلوردی . قیر و اوزونجه صاحتری آلتندہ
هپ خط و قوتلی اعضای و جهیه سیله صوک کونلرده صوک
درجه قابلیت ایلہ حیات طاشان باشیله خلقه بر آاز باقدی . بو

اؤنك لاقيردى سويله مدن دائى عادتى ايدى. قولنى قوستومنك بول قولى آلتنده بوتون قدرتلى عضلاتى وبو مختلف عرقلرى ملتيرينه بربرينه رنماً باغلايه جق دو كومي ياپمغه قدرتى اولديغى كوسته رير كي قالديرديغى زمان اسمر و ناصرلى بويوك النك خفيفجه تيره ديكي محسوس اوليوردى . بو دفعه كي توقنى هر زماندن فضيله اولدى . صوكرا مثل سز سسنگ بوتون آمرىت واقعا ايديجى آهنگ وعظمتى ايله عادتاً جمله سى جمله سىنه مقابله ايتدى :

يا كليورز وطنداشلم، ديه كورله دى . مملكتك حياتنك تامنا بغه چيقمش ، تورك كويارنى تدقيق ايتمش و مملكتنك صوك سلامتى ايچين اولمكه حاضر لاشمش عاجز بر تورك اوغلى صفتيله سويلهرم: عدم مركزيت نه فلاكت ، نه مقاسمه، نه ده انحطاطدر . نه عدم مركزيت ملتپرورلكى ؛ نه ده ملتپرورلك عدم مركزيتى دوغور مشدر ، ملتپرورلك اون طقوزنجى عصر دن برى هر ملتك كچيرديكى خيرلى خيرسز ، هر نه ايسه غير قابل اجتناب بر انقلابدر ، حتى بوكونكى «أندويدوا ليزم» تكامل شخصينك ناصل اوكنه كچلمز سه بويوك مريبارك ، حكيملرك بر خيال ديه باشلايوب ده بوكون كوك صالوب هر شخصى - اولابن حياتمه ، تكاملمه ، هر شيئمه صاحب ، هر شيئمدن

مسئول بر شخصم - دیه سور و کله یوب کو تور ییورسه ملیتپرورلک جریانی ده ینسه فردده دوغان شیئک جمعیت حائده اجتنابی غیر قابل بر حرکتی اولمشدر . فقط ناصل « آندیویدو آلیست » بر تربیه بر مملکتک انضباط و اداره سنده آنارشی یا پامایورسه ملیتپرور برقچ ملته برلکده حصوله کتیر دکتری اداره ده مطلقا داغلمایی انتاج ایتمز . هله بونلری مشترک سیاسی بر منفعت ، بوتون موجودیتلرینک ادامه سی ایچون الزم اولدیغنه قانع اولدقاری بر باغ باغلارسه یابه جقلری مشترک اداره هیچ بروقت داغلماز . مملکتده یدی سکز عرقک یدی سکز لسانی اولمای نه عدم مرکزیت حسلرینک نه ده بوکونکی ملیتپرورلک حسلرینک محصولیدر . بو اسکی عثمانیلرک و قوفسزلق و لاقیدلکلرینک میدانه حیقه اردیغی برشیدر . وقت وزمانیه تورک مکتبلری آچلمش ، تورکجه تحصیلی ویرلمش اوله ایدی بر آنلر اولد ملیتپرور جریانی قارشیسنده بولنمازدق . کذلک ، غیر مسلم قردشلریمز ایچونده برقچ عصر اولی تورکجه تحصیلی مجبوری اولاییدی ، برقچ عصر اولی ، مرکزیت دنیلن پولتیقه وایده آلی تعقیب ایدن بر حکومت و مملکت یا پاجنی هرشیئی یامش اولماضر لازم ایدی . فقط اجدادیمز یقین وقته قدر ایده آلمز ، عاطل ، باطل ، هرشیئی براقیدیلر . صوکره بوتون بوتدیرلر یا پیلان مملکتلرده بیله اویانان ملیتپرور جریانک بزه گمه سندن بزی ناصل مسئول طوتارسکز ؟ بزیکی توران تورکلری و یکی توران پولتیقه سنی

تروپچ ايدن غير تورک ، مسلم وغير مسلم بوتون يکي ملتير بو اسکی ويکی اسبابک توليد ايتديکی بروقه قارشيسنده بوليورز. آرتق مليتپرور جريانلريله اسکی عثمانليق باغئک بربرينه باغلايه. ميه جنی بر طاقم ملتري بربرينک بوغازينه آتئش بر حالده بوليورز. بوعمومی بوغازلاشمه آراسنده ده برشی غائب اوليور، برشی مثلی کورلمه مش صورتده مظلوم ومغدور اوليور : تورکلر. بر تورک صفتيله هايقييريرم که : وارسون تورک عنصری متضرر اولسون، وارسون تورک عنصری بيتسون ديهن هر شخسه، قوته وحرکته قارشی تورکلر آرتق بويون اکیه جکدر . ناصل هر عنصره، هرملته ، ياشامق ، تمدن ايتمک ، بويومک حق ویرلدي ايسه بونی تورکلرده آلاچقار ، تورکلرده ياشايه جقلردر. اونک ايچون بومليتپرور تورک فرقه سی سياسی نقطه نظر دن اوته کی عناصره - آرتق اوکنه کچه ميه جکنی قانلی تجربه لرله آکلادقدن صوکره - ویرديکی عرقی تمايلات وقابليتلرينه کوره ترقی واداريي کنديسنی داغلمقدن ويتمکدن قورتلق ايچون ويريور . اوت هرملتک ياشامق حققی ، چوغالمق حققی تورکلرده ايسته يور . بونی هر هانکی بهايه اولورسه اولسون ساتون آلاچقلردر . بو پارلنتو، مشترک بر منفعتله باغلاندقدن صوکره داغلمق ايچون چاليشانلری ، داغيلمق ، انحطاطه دوشمه مک ايسته ينلرله برلشهرک ازه جکدر . بونی يایمق ايچون کافی عنصر ، کافی قدرت هنوز تورک ايمپراطورلغنده موجوددر . وديديکم کبی ، عدم

مرکزیتله اداره ایدلمه نك ايلك شرطی بو حکومتده موازنه نی
محافظه ایچون تورك غنصرینی ايلك یکر می سنه طرفنده اوته کیلره
یتیشدیره جاك قوانینك قبول و تطبیق در. بو کون سزدن ، هپکزدن
بونى ایسته یورم . صوکره عدم مرکزیتك ايلك آدیملرینی ،
والیلره توسیع مأذونیت ، محلی مأمورلر تعینی و میللیس تشکیلینی
ایسته یورم .

بوراده خورشید سالم بك :

— باغلری چوزمك ایچون ايلك آدی می ! دییه هایقیردی .

— خایر ، یکی ودواملی باغلر یایمق ایچون ایسته یورم .

بونى ویره جکمیسکز ؟

صولدن سسلر :

— عشرت اولمق ایسته مورز !

رئیس چینگراغی چالدى .

.. اوت ، عشرت دكل ، دنیادن نامی قالقمش ماصال

انسانلری اولماق ایچون بونى ایسته یورم . نه دن قورقورسکز ؟

فرض ایدیکز که عدم مرکزیت بر درجه یه قدر داغیتسون ،

بونى تورك قانك ، فعالیتك ، حیاتك بویوك بر قسمی ذاتاً

ویره رك داغتمقدن ایی دگلی ؟ بو اولیه جغه امین اولیکز ،

کندی پارلمنتوسی ، مملکتی و حکومتی فنا بیله اولسه کندی

کندی اداره ایتدی عرب ، کورد ارمنی و سائر البت باشقه

اسملر و ملتلك بر لقمه سی ، ایکنجی درجه ده تبعه سی اولغه ترجیح ایده جکدر .

ارطغرل ایکی دقیقه ایچون سوز ایسته دی :

— فرض ایدیکنز که هپی داغلسون ده یالکنز کندی تمدن ، ترقی و چوغالماسی ایچون چالیشان ، بویون عثمانلی ایمپراطور- لغدن ساده عثمانلی تورکی قالسون . نهایتمن زماندن بری تاریخده تورک تورکستانده اولمازسه عربستانده ، اوراده اولمازسه یزانسده ، اوراده اولمازسه آوروپاده خلاصه دائماً استقلالنی محافظه ایدن ، حکم ایدن بر قدرت دیه قالمشمیدر ؟ بوکون بر تورک صفیه باغیرییورم . قومشولریمه کندیله مساوی بر قدرت ویررکن بنده یاشامق حقمی آلیووم . وطن ایتیه یکنز که بوقومشولریمز کیتسه ده تورکلك محواولوب کیده جکدر . بوکون دنیا ده سکسانه یوز میلیون آراسنده تورک وار . دائماً آرتان ، قابلیت حیاتی برشی قیره میان معظم بر تورک کتله سی ، بوهر وقت یاشایه جق وبویویه جکدر . فقط آرتق غایه خیالیسی بآنجی اولکه لر و ملتلری قلیجله ضبط ایدوب ، اوزرنده تنبل و عاقل بر تحت قورروب اوتورمق دکل ، ناملتندن ، منبع حیاتندن کلن بر قابلیت ، بر فعالیت ، بر سعی ایله ، مدنیت ایله ابدی بر ملت اساسلری و تملاری قورمق اولمالیدر .

بونك اوزرينه مختلف خطيلر سوز سويلديلر، هايقيريلر.
ايش يومروق يومروغه كله جك درجه ي بولدى . نهايت
كافي ! كافي ديه هايقيريلر . بزيكى عثمانيلر بر آووچدق .
فقط صوك قابليتيزى ، شدميزى صرف ايتدك . نتيجه ،
بوملعون كونده داخله نظارتك يكي قانون لايحه سى مدهش
برا كيرتله مجلسده قبول ايدلدى ، چكى . مجلس مبعوثاندى
چيقاركن عجمه تماماً اكيلمش ، ازلمش بيتمشدى . اوتوموبيله
خورشيد سالميله برابر ايكيمز كندى كدرميزى اونك اضطرابى
قارشيسنده اونوتمشدق .

عجمه مك قرق اللى سنه لك مساعيسى كومولمشدى .
بردن بره اختيار باشى اللرنده عسكر كوكنى صارسان
هنچ قرقلره بوروشوق ياناقلردن ياشلر يوارلانديغنى كوردك .
خورشيد سالم عجمه مك اللى طوتدى :

— هرشى غائب اولمش دكلدر ، حمدى پاشا ، ديدى .
اوغوز بوكونك جزاسنى چكه چكنه ناموسم اوزرينه يمين ايدرم .
برآز باطلاق كوزلرى قرمىزى ، اللرى ترمه يوردى .
اوتوموبيل الكتريق ضيالرى آراسندن قايب اوچاركن بو
حيات بناسى باشنه چوكش اختيارله انتقام يمين ايدن كنج

آراسنده استقبال قانلي بر صفحه سنی کوریورم ظن ایتدم .
 بو مغلوبیت بر قاج کون ایچین عمجه مده قیایه قارشی
 تهلهکی ضعفی اولدیردی . اوندن صوکره بر تبدل اولدی .
 مخالفتک وسائلی نه قدر شدتلندی ایسه او قدرده کوچولدی .
 بونی طبعی وطنی قورتارمق ایچون یکانه چاره دیه یاپیوردق .
 شیمدی صوک چاره یی ، بر تورک و غیر تورک عدم مرکزیتی
 قیرمق ایچون اتحاد اسلام پولتیقه سنه دوندک . بو تورک
 ملیتپورلکی قارشیسنده مسلمانلر داغیلیور دیه تهلهکه بایراغی
 قالدیردق . یکی عثمانلی فرقه سنک کزیده اعضاسی قلعلری ایله ،
 عربستانه و کردستانه داغیلان کورد ، عرب واعظلری
 پروپاغاندا لری ایله بوفکری یایمغه باشلادی . عادتاً بو جریان
 بر آزده تورک علیهنده اولیوردی . تورکلری بت پرستلکه
 وتورکلک جریاننه قایلهرق مجارتورکلر ، فینوالرکی خرستیانلغه
 متمایل اولمقغه بیله اتهام اییدیوردق . ودکل کورد ، عرب حتی
 تورکلر بیله بو جداً مخیل تهلهکی دوغرو عد ایده جک قدر
 هنوز خافل ایدیلر . ایشته بونک ایچین بو دفعه بر کره ده
 اسلامیتی آلت ایدینه رک تعصب سلا حیه ، اسلامیتی حتی مدنیته
 برسد کورستمکدن بیله چکینمه دن پروپاغاندا یه باشلادق .

بو پارلمنتو مجادله سندن صوکره بر سنه ، ایکی سنه کلدی
 کچدی . تورکلر ایچون مستنا امتیازلر وعدم مرکزیتک ایلک
 تمللرینی قازانان اوغوز تورک ولایتلرنده حتی کوردستانک

وعربستانك بر قسمند هر دورلو تجدد اجتماعي ومدني ايجين ياپديني قانونلري ديشيله، طير ناغيه اوغراشديني حالده بعضاً مجلسدن قوپا. بيور، بعضاً قوپاراميوردی. مثلاً قادينلرك تحصيلي ايجين ياپديني قانون لايحهلري يكي تورانك حتي كندی مسلمان اعضالرينك بر قسمك اعتراضيله يونتولش و كوچولش چيقدی. يكي تورانك قيزلري اوچ سنه اولكندن زياده حكومت كنديلرنده اولماسنه رغماً چاليشمهلرنده دوچار اعتراض اوليورلردی. مملكتده افترا، اسناد، حرص هر شي قاريشمشدی. بر زمان صوكره عدم مركزيتدن اوغوزك مقصدي جداً داغتمق اولماديغني آكلایان وشدتي كورن عناصر ايجنده آيرلق فكرنده اولانلر غير ممنونلر طرفه چكشلردی. غير مسلم وغير تورك طرفداريمز اسكيه نسبتله آرتيوردی. هر حالده اوغوز تورك عنصرينه ايستهديكي قدر حضور ويره ميوردی. برده هر بويوك فقط آشاغیدن يوكلشمش بويوك آدملرك قورتيله مديني حسد وانكسار خيال اونك شخصنده اوليوردي. وكندنجه بو قدر صميميت وقدرتله اورتیه آتديني تجدد پوليقيه نى آياقده دورديره بيلمك ايجين اوغوز دائمي ونهايتسز مشكلات قارشيسنده قاليوردی. بو مشكلات ويورغونلق اونك عناد واصراريني آرتيرمقله برابر ايلك آچيق، صاف ونيكبين جاذبه سي يرينه اونده شيمدی سرت، صورتسز، واولدججه انسانلره اينانماسي آزالمش

بدبين بر آدمك صوغوقلغنى حاصل ايتمشدى. اوغوز اطرافنده كى مختلف احتراضلردن واسلاميته ياپديرديغمز رولدن اونى قودورتان حدت وعصيانله وقتيله سه ويلن پك سه ويلن بر آدمدن شيمدى چكىنيلن بر رئيس اوليوردى .

نهايت ، ۱۳۵۰ سنه سى كلدى . بوتون بو سنه لرده قيانك عمجه مله حياتى ده عجب بردوره يه كيردى . عمجه مك پوليته سنك وفرقه سنك هزيمتدن صوكره قيايه قارشى وضعت ومحبته بر اطرادسزلق حاصل اولدى . بعضاً بر ايكي كون ايچين دالغين وبارد ، صوكره كيندار ومتجاوز ، بعضاً ده عادتاً مسكين دنيله جك بر مجلوبيته ، بر زبونلغه دوشيوردى .

قيا عمجه مك هزيمتك ايلك زمانلرنده غايت ابي داوراندى . كندى متأثر اولماقله برابر غايه خيالىسى ، حياتى كوچمش بر آدمه قارشى قادينلغنه نازك بر رقت ومرحمت اويانديغنى ظن ايديورم .

ابي خاطرلارم ، پارلمتوده اوغوزك ايلك قانون لايحه لرى كچديكى تاريخى كونك اقشامى عمجه مله خورشيد سالم آريجه يمك يمش ، بر ايكي ساعت اوطور مشدق . خورشيد سالم كيتد كدن صوكره . قيانك اوطه سنه چيقدق ؛ قيا ، باشى اقشام عزته سنك مجلسده كى مجادلاتى اوزرينه كيلمش بزم كيرديكمزى كورمدى . عمجه مده ايلك دفعه اوله رق قيانك النى اوپمكى بلكه بالالزام اونوتمش كى

کيتدی بر قوتوغه او طور دی . قيا باشی قلديروب عمجه می
قولتوقده بی آياقده کورنجه ايلک دفعه اوله رق عمجه مه شفقه
بکزر برشيله ايلرله دی :

— راحتسز ميسکز، پاشا؟

عمجه مه ده بوشفقه، بو آجیمغه قارشى سعادت يرينه بر عصيان
ايله مقابله ايتدی. کوندوز آغلامش ، بلی بوکمش اختيار شيمدی
استرزا ايله، آجياقله دوغرولدی. ايشيتمه مش کبی :

— فرقه کزک موفقيتی تبریک ایده جکم ، بوکون ناصل

راحتسز اولورم ؟

قيا براز حيرتکار، کوستردیکی ایلکه نادم کبی مغبر برسسه :

— تور کلرک موفقيتی ديمک اولان بوکونده سزی ده تبریک

ایتمک لازم کلیر .

— غالبلر اکنه بیلیرلر !

— سز غالب موقضه بزدن اوزون قلمش اولدیغکزدن

البت آله حق حس و وضعیت حقنده دهامفصل معلوماتکز

اولمالی.

شیمدی عمجه مه ايله قيا قارشى قارشى به عمجه مکده ايلک

دفعه اشتراک ايتدیکی بر خصوصتله باقیشدیلر . صوکر ا قياتکرار

اوتوردی ، سکونتله غزته سنه باشلادی . بن قابر موقعه ایدم .

چونکه عمجه مه شیمدی بر آن ایچون دوشن اعصابنک بوتون قابلیت

تحکمی ايله بن کویا اوغوز و پاخود یکی تورانمشم کبی بکا باغیر ییور،

کندی غائب ایدیوردی. قیلاون دقیقه قدر صبرایتدی. صوکره،
 یاناکلری قیرمزی، قالدی :

— عاصم بك ، توركلرك تحقير ايديليشنه ناصل تحمل
 ایدیورسکیز ؟
 دیه پکادوندی .

— اوغوز پولتیکه سی ، توركلك مسـخـره لغی آلتده
 کنجلی کورکورینه اضمحلاله سوروکلهمک قومدیاسی !
 — سزك هانکی ملتن اولدیغیزی سویلمیسکیز ؟
 — عثمانلی !

— بن تورکم حمدی پاشا، وبر توركلك باشقه ملتی تحقیر تربیه سی
 داخلنده اولادیغی ایچون صوصـیـورم . فقط ملتكم تحقیر
 ایدلمه سنه تحمل ایدمه جگمی لطفاً اونوتیمکیز .
 — ملتکیز، ملتکیز هاهاها! اوغوزك مظفر اولدیغی برکونده
 بکافا طوتمق، بونه قدر تورکجه برشی ! اوغوزك بواز دواجمزی
 بیله قوقلا مجلسنه فسخایتدیره جك قدر قدر تلی اولدیغی برکونده،
 طبعی طبعی !!!

بونك كوچوك و حقسز اولدیغی بنده قیاقدر حس ایدیوردم.
 حتی عمجه مک یکی عثمانلیغك اك مهم عناصری تورك اولدیغی
 اونوتماسنده دامارلرمدکی عرق قانی عصیان ایدیوردی .
 فقط بوکون اونی معذور کورمکه ، اونك بودوشوک ساعتده
 هر شیئه تحمل ایتکه مجبوردم . قیاهیچ اونوته میه جنم بر عظمتله

دیکیشنی طوبیلا دی. حتی بکاسلام ویرمکی بیله اونو تمانن چیقدی
 کیتدی. عجمه مک عصیتی پک چوق سورمه دی. یوزی قرمزی،
 یورغون، دوشوکدی. یالکز برزمان ظن ایدر سه م قیانک او طه سه
 کیتنک جسارتی طوبیلامغه چالیشدی. صوکره یواش یواش
 کیتدی.

بویالک قوغالری اوزرنده قیا اوزون مدت کیننی، حدتی
 محافظه ایتدی. خدمتچی یاننده عجمه له قونوشیور، برشی بللی
 ایتمه یور. فقط یالکز قالنجه حقیقی بر قیا اولیوردی. عجمه مک
 ایلک بویوک تأثری کچنجه قیایی کندی صبر سزلنی ایله صوقدینی
 بو حاله قارشی متانتی محافظه ایدمه دی. شیمدی کیجه لری و صبا حلری
 اوندن برنظر، برکمه آلا بیلیمک ایچون تصور ایدیه میه جک قدر
 کوچولویوردی. فقط قیایی دیکشدرمک ظن ایتدیکی قدر قولای
 اولامیوردی. برکت ویرسون بوتأثر وندامتی خورشید سالم،
 فتح درسهاملرندن محمد فوزی افندی و بخله اقسام طوبیلامه لرینک
 آتشین و حرصلی مذاکره لری براز تعدیل ایدی یوردی. قیایله ارتق
 یمکدن صوکره سالونده پک چوق اوتوره میوردق. فقط بوتون
 بونلره رغماً قیایی تماماً کندی حائنه برانه میوردی. مذاکره نک
 الک حرارتی نقطه سنده بعضاً دالار، صوکره براز اورتدن غائب
 اولوردی. ای بیلوردم که اورتدن غائب اولوشی قیانک سالوننه
 قدر حقیقمق و قیایه برایکی لاقیردی سویله مکه وسیله بولمق ایچون
 ایدی. قیادن مایوس کلیر سه مخالفتمزه شدید، عادتاً وحشی برچهره

ویرردی. اگر قیالقردی سویله مشسه مطلق آزیحق یموشار ،
 طبعی بر مخالفته دوکولوردی. آرتق عمجه مله یکی عثمانلی فرقه سنک
 مخالفتنده کی درجه حرارتی و غلیانی قیانک عمجه مه قارشی نظر لری
 و حسلری اداره ایتدیکنی او کر نمشدم. فقط بو کامقابل ده کونلر
 و آیلر کچدکجه مخالفت مزك آلدیغی محترص ، متعصب و قیمت اخلاقیه سی
 ظاهر آ بویوک اولمایان سیاسی ده قیانک بزه قارشی آلدیغی وضعیتی
 اداره ایدیوردی. هر کون براز ده اعمجه مه قارشی صوغویور ،
 هر کون برازدها ایچنده مخالفت مزه قارشی دویدیغی استخفافی ،
 استحقاری لاقید بربرودت آلتنده صاقلامغه چالیشیوردی .
 فقط بو مخالفتک ، بو استحقاف ایتدیکی مخالفتک برایکی سنه صوکره
 کیتدکجه عظیم اولمغه باشلایه رق یکی تورانه برمانعه شکنی آلدیغی
 کوردکجه اونده ده بو استخفاف ، غیظ و حدته ، کینه دوندیکنی
 کوریوردم . عمجه مده کی حسلر دیدیکم کی مختلف و متنوع دی .
 مخالفتک و فرقه سنک موفقیت و یا عجز بنه کوره قیایه قارشی حدید ،
 حتی ظلمکار بعضاً ده بوتون پولتیقه خارجنده کندی قلبنک درین
 عشقنه طوتولارق عاجز ، زبون و نیازکار براختیار اولویوردی .
 مجلسده او غوزک لایحه لرینی ، تکلیف لرینی سقط لاندیره بیله جک
 قدرته کلدکن صوکره بو بویله نیم موفقیت کونلرنده اوه
 دوزکن عمجه مک شیمدی تماماً اختیار لایان یوزنده تردد ،
 قورقو و اذا کوریردم . قیادن بر نظر ، بر کله ایچون بوتون بر
 اقشام آیلرجه ، سنه لرجه بیک مشقت ، بیک تنزل ، بیک

اشکنجه دن صوکره الده ايتديکي بوکوچوک موفقیتی اونوتمش
کوروردوم. فقط بوقدر عاجز و بشری بر ضعفه رغماً مملکتی
ایچون مقصدینه موفق اولمق وظیفه سی بوقدر مشکلات قارشینده
یاماسنه پک متدار اولیوردوم .

قادینلرک تحصیل مسئله سی و بعض اجتماعی قانونلر نهایت
کلدی چاندی . بو ، یکی توران حکومتک ایکنچی سنه سنده ایدی .
بز یاواش یاواش بوکا افکار عمومی بی تحمل ایدمه جهک حاله
کتیریوردق . اوسنه مجلس لایحه لری تأخیر اتمکی مناسب
کورددی . اوچنچی سنه قانون لایحه لری بر دها مجلسه کلدی ،
بودفعه مخالفت مطبوعاتک شدتلی فریادی مبعونلره بونی آچقدن
آچغهره ایتدیردی . بونک رد ایدلمه سی ایچون بن خیلی مقاله لر
یازدم ، عمجه م خیلی نطق سویله دی . نهایت بوصوک سنه نک
شدت و احتراصنه قادینلره ارککلرک مساوی تحصیل بر کره
دها فدا ایدلدی .

واو آقشام زواللی عمجه م بوموقتینی فنا بر آجی ایله
اوده دی . ایشک دوغروسی بن بیله بوقدر سنه صوکره -
آرتق اوسنه لرک احتراصندن اوزاق ، - پک فنا یاپدیغمیزی تقدیر
ایدیورم . بوقادینلرک تحصیلک ارککلرله مساواتی قبول اون ،
اون بش سنه صوکره مملکتی فینلانديايه بکزه ده جکنی دوشونمه مک
جنایتی یاپدیغمزه نادیم .

آقشام کلدیکمز وقت قیا الی اوپمک ایسته یں عمجه مه الی

آرقه سنده ، صغوق بر سلام ویردی .

یمكن صو كرا چهره سنده كى قارا كلق بولوتدن عمجه ملاقردى .
 سويله مكه جسارت ایده مدی . ساعت اونده یاتمغه كیتدی .
 عمجه م اونى تعقیب ایتدی . فقط بر ساعت صو كرا دوشوك
 و مغلوب بر چهره ايله اوطه مه ایندی . بو ، آجیقلی
 اولدیغی قدر كولنج بر وضعیتدی . چونكه ساعتار كچور ، بن
 اسنه یوردم . عمجه مك سويله یه جك سوزی اولمادیغی پك آجیق
 كورونیوردی ، فقط اوطه مدن كیتمه یوردی . نهایت
 اولدجه صیقینتیلی و آجی بر تبسمله یوزی كریله رك ، كوزلری ،
 ایلک دفعه ، یوزیمه باقمقندن اوطانیر كی :

— عاصم ، اوغلم . بواقشام سنك اوطه كده یاتمغه مجبورم .
 بن شو شزلونع اوزرینه اوزانیرم ؛ خدمتجیلرك برشی آكلادیغی
 ایسته میورم . قیانك بوكیجه تاتار داماری طوتدی . قادین
 تحصیلنده كى محالفتك انتقامی چیقاریور .

بونى سويلر كن آزیحق كوزلری دولیوردی . بن كورمه منزلكه
 كدم . یاتاق اوطه مك قاپیسنی آچدم :

— سز بوراده یاتیکز ، عمجه ، بن چالیشه جغم .
 عمجه م یالكز قالمقندن متشكر ، باشی اوننده كیتدی . فقط
 قیانك عنادی ایرتسی آقشام ده كچمه دی . و عمجه م ، تخیل بیله
 ایدر كن یورمك صیزلادیغی استرحاملردن صو كرا اوطه سنی آیرمغه
 مجبور اولدی . كندیسنه اوطه طاقتی اصمار لایوب بك اوغلندن

دوندیکمز کیجه آرابهده یوزینی کورمیوردم . فقط حس
ایدیوردم که ایم ، پک ایم بر فلاکت کچیریوردی . بردن بره :

— بوقیا ایله اولندیکمزك اوچنجی سنهسی ، دیدی .

— اوت ، عمجه ؟

— شیمدی یه قدر ، حتی خسته اولدینی وقت بیله ،

آرلاماشدق .

— اوت ، عمجه ؟

بر آز سکوت .

— عاصم !

— عمجه ؟

ینه سکوت .

— عجبایانک بوحرکتی بنم یاشمک کچکین اولماسندن

اولایلیری ؟

— بوتون صمیمیتله خایر دیه بیایرم ، عمجه ؛ قیا ایچون

یاشک اهمیتی اولامیه جغهده امین اولیکمز . فقط بو قادین تحصیلی

ایچون یاپیلان مخالفتی کیم یاپسه عفو ایتزدی .

عمجهم براز مستریخ حتی منتدار اولدی ، سسنده عصبی

اهتزازله :

— اوحالده امید وار اولایلیرز .

— نه دن ؟

— قیانک تحولندن .

— ناسل ؟

— مثلاً مملكتك ناموسلى و بويوك قىزلىرىنى دلكير ايدىمىز .
يوقا دىن دشمنلغىنى تعدىل ايدىمىز .

بن بردن بره قىزىرق :

— آرتق وقت چىدى اقدىم ، دىدىم . ذاتاً بو مخالفىت عقللى
آدملىرى آلداتماشدىر . يالگىز كويلردى تائىر ياپدىق ، بوىدىمىز .
انتخاباتىدىمىز بىزىمىز بىلسون دىيە ! بويكانە فرصتىمىز كويلولردى
قارشى اساساتىمىز دىكىشدىر . غائب ايدىمىز . حتى بىز بويكون
بوتون يېڭى عثمانلىلار بوتجىدى اجتماعى لايىھىلەرى لېنىندە راي بىلە
ويرسەك عوامدىمىز اوياندىر دىگىمىز . وھىر كون بويومىسە چالاشدىمىز
تەصب دالغەسەمىز . بويى بىلەندىشەيە دوشورەمىز .
قدىر بويويور . اوغوزمىز اناطوليدە باشىدىن باشە مەكتەب آچدى ،
تەحصىل ايتىدىمىز . شىدى سايەسەندە ايتىدىمىز .
آلماش بىر اناطولى چوچوغى يوق . صوكرە ، اناطولىنىڭ يوللىرى ،
شىمىندوفىللىرى و تەدرىجى بىر رفاە باشلامدى دىك . چىن بايرامدىمىز
بىر سەيە كىتىدىمىز . شىرى طانىيەمىز . شىرى كىرەمەندىمىز .
معمور فابرىقە باجەللىرى . . . شىرى بىر سەيە اوتل وھىر دورلو و سائىط
مەدنىيەتلىرى . . . حتى كىشىشك دىشىلى شىمىندوفىرى و كىشىش
اوزىرىدىمىز . يېڭى اوتل بىلە اونىڭ موفىقىتلىرىدىن . بىر سەيە كىندى
مەملىكتى دىيەدە . بىلكە كىتىرىللىرى ، يوللىرى ، شىمىندوفىللىرى
زراعتى و زىنكىن بانيوللىرى بىلە زىنكىن بىر اھالىسى وار . فقط

اوراده بیه اونك شدتندن و براز چوق قاچان اجتماعی تجدد
لایحه لرندن اوركن ، اونلره معارض پك معارض برا کثرت
محسوس .

صوگرا ، آطنه . آطنه بریکی مصر ، بیلیر میسکز؟ ارطغرل
اورایه والی اوله لی درت نعله کیدیورلر . اورانك حیات اقتصادی
پك چابق انکشاف ایتشد . اوراده تورکلر مسلمانلر چفتچی ،
خرستیانلر فابریقه چی ، ایکی عنصرده نه قدر زنکین بیلیر میسکز؟
بونلر باشده اوله رق اوته کی آناطولی ایالتلری ده ایکنجی ،
اوچنجی درجه ده ایلیله یور ؛ اهالی ده آزنبل ، وسائط
تقلیه نك اوزاق یر اهالیسنی کوزلرینی آچوب قباچیه قدر ده
مدنی یرلره تماسده بولندرمسی ، اونلری نه قدر دیکشیدردی
بیلسه کز! بوتون بونلره رغماًینه اوغوزدن خشنودسزلق !

— بونلر صانکه مرکزیتله یاپیله مازمیدی ؟

— اوت . فقط اوچ سنه در ردیف طوپلانمایور ، اوچ
سنه در آناطولینك چوجقلری کندی تارلالری باشنده . صوکره
هپسند آوروپاده تحصیل ایتش برچوق چفتچی کنج تورانلی
وار . بیلیر میسك عمجه هیچ برشی اولمایور سه ق بیه ملت
صفیله زنکین اولیورز .

— راحت و حضور اولماقدن صوکره ! صانکه خارجدن
بو اوچ سنه بزی راحت بر اقالرینه اینانیر میسك ؟ یارین ینه بر
باطیردی چیقار ...

— ...

— صوصيورسك ، عاصم . يوقسه سن ده مي قيا طرفه

كچيورسك ؟

— سن ده مي ديمه يكر . قيا طرفنده اولان سز سكر ،

عمجه . فقط دوشونيورم كه بوتون بويكي توران موفقيتي

پولتيقه سندن دكل دها زياده فدا كار ، چاليشقان و بجركلي

چوجقلارندن . بز يكي عثمانليلاك قصوري نه عقل ، نه ذكا ،

نه ده تحصيل اكسيكلكي ، يالكز تنبللك و خودينلك !

— سنك كي بريكي توران چوجني وارمي ، عاصم ؟

— مرسي ؛ عمجه ؛ اوت بن يكي عثمانلي پولتيقه سي

ايچون بك چوق چاليشيورم . فقط بزم هنوز اجتماعي ، اقتصادي

ملي برشيئمز اولمادي .

— بوني پولتيقه ياپانلر ملته ياپامازلر ، بوني ملت كنديسي ياپار .

— فقط رهبر ايستر .

— پكي ، مقصدك ؟

— بواتخاباتده قازانمق ايچون حاضر لاندق ؛ هم سومه ديكم

وسائطله ؛ اتخابادن صوكره المزه درت سنه اولكندن چوق

قابيلتي بر ملت وزنكين بر مملكت كچه جك . بوني ده المزه كچيرن

ساده مسلمان عنصرينك نسبة اسكيمش و مترقي اولماياني . بز

نه ياپه جغز ؛ اونلري ممنون ايتمك ايچون كريمي كيده جكر ،

يوقسه ايلري يه مي ؟

— ایلری یه ، عاصم ، مراق ایتمه ، برکره المزه حکومت
چسون . مملکتک خیری ایچون دیدیکمی بنمده اوغوز قدر
یابدیره جق قدرتم وار .

آرتق اوه کلمشده . آراده پولیتقه ایله کدرینی اونوتان
عمجهم قیانک صوغوق وصولغون چهره سنک نفرتنده اریدی ،
اوزولدی . صوکره عمجهم مخالفنده محسوس اولاجق بر
صاغدن کری حرکتی یابدی . اسکی شدت ووحشتی کیتمشدی .
ابدی قادین مسئله سنی هیچ قله آلمیوردی . فقط بوقیایی
دکیشدیرمه دیکی کبی خلقده او یاندر دیغمز اژدری ده او یوتمادی .
دردنجی سنه نك نهایتنده اوغوز ایچون او یاندر دیغمز تعصب
قصرغسی غایه سنی بولمشدی . ذاتاً بر مجلس مبعوثانک دوت
سنه دوامی ایله قاینه نك ده دوامی وموفقتی کورولمه مش بر
شیدی . فقط دوشمه سی یقین ایدی . هله اوغوزک بو سنه
قدینلرک تحصیل ارککلرله تماماً مساوی اولماسی ایچون معارف
نظارتنک یابدینی معهود لایحه لری مجلسه تکرار ویره جکی
سویله نیوردی . بو ، مملکتده کی مخالفتک جاهل قسمنده امثالی
کورولمه مش بر حدت او یاندریدی . ایلک عدم مرکزیت باشلادینی
زمان اوغوزه ظهیر اولان خرسیان وغیرتورک عناصرده بودرت
سنه صوکره او قدر اوکا ظهیر دکلدیلر . مملکتده اوغوز
وارکن آیریلامیه جقلرینی آکلایان بر کوچوک فقط عقلی ،
حریص ، باشقه امل کودن قسم حرصلرینی اولانجه قابلیتی ایله

اونك عليهنه چویرمشدی . چونكه عدم مرکزیتله ادارهیه باش-الایان بعض یرلرک اهایسی هیچ بر وقت اولمادیغی کبی طور اغه باغلانیورلردی . یالکز دیدیکم کبی عدم مرکزیتله امیدلری وامللری اللرینه کلدی دیه حاضر لانا نلر شیمدی اوقدر شدت و نقرتله چالیشیورلردی .

— مرکزیت پیله بوندن ، بوشدتن ایی اولوردی ، دییورلردی . اوت شبهه سز عدم مرکزیت اوغوزدن باشقه برال ایله یاپیله ایدی مملکت ایلك آدیمه داغیلردی . فقط تورک و مسلمان عنصرینک جاهل قسملرینک ، غیر مسلملرک عقللی و حریرلرینک عداوت و کیننی قازانان اوغوز کیدنجه کلنلرک بو پولتیقه ایله مملکتی طوماسی غیر قابل کورونیوردی . ایشته اوندن دولای او کوزل درت سنهک خارق العاده موفقیتی ایله بر آز ترده باش-الایان کنج لر شیمدیکی حالی کورییور ، عمجه مه حق ویریورلردی . نهایت ینه بر تاریخی کونده ، مجلسک داغیله جنی کونده تصادفی اوله رق معهود لایحه نك قبولی ایچون اوغوز و اوغوز طرفدارانی بویوک پاطردی یاپیدیلر ؛ وپك عجایب اولارق و شبهه سز حیاتده قیانك نفرت و انتقامیله غائب ایتدیکی سعادت قزانمق ایچون سمجهم بردن بره قادین تحصیلی ایچون کلن لایحه نك قبولنده اکثریتله هم فکر اولدیغی سویله دی . ایکی طرفندن ده اوزون وجسارتلی نطقلردن سوکره لایحه بویوک بر اکثریتله کچدی . و بزقایدن چیقارکن بونك

مملکتہ ، افکار عمومیه تائیرینی دوشنیوردق . حیات پک
 عجیدر ، او آقشام اوه کلنجه ، ینه تام درت سنه اولکی کبی
 قیای آقشام غزته لری اوزرینه اکیلش بولدق . بزی کورونجه
 باشنی قالدیردی و عجمه دوغرو بودفعه مرحمت دکل ، شفقت
 دکل ، محبت و منتدارلقله کلدی . اوزون ، بیاض اللرینی
 اوزاتدی . عجمه مک باشنی چکدی ، بیاض صاحب لری اوزرینه
 مصالحه بوسه سنی براقدی . صوک آیلر و سنه ده بو دوداقلرک
 حسرتیه ، اسمسز محرومیتلرک اشکنجه سیله خراب اولان
 عجمه قیالک سیاه قیویرجق صاحب لری اختیار اوموزلری
 اوزرینه چکمش ، بنم اوراده اولدیغمی اونوتمش ، بو سوکیلی
 صاحب لر اوسته اختیار یاشلرینی آقیدیوردی .

اوچنچى قسم

ھې كوزىمىك اونىدە غمىجەم : اوموزىدە قىانك سىياھ
 قىويرجق صاچلى باشنى صىقيور ، صىقيور . بوغولاجق .
 اللرمىلە اونى قورتارىيورم . شىمدىدە قىانك قىويرجقلىرى
 اوزايور ، غمىجەمك بوينىتە صارىليور ، صىقيور ، شىمدىدە
 غمىجەم بوغولاجق ؛ اونى قورتارمىغە چالىشيورم . سىياھ ، اىپك
 قىويرجقلىرى پارمىقلىرىدە دولاشيور ، پارمىقلىرىنى بىر بىرىگە باغلايور .
 آرقەمدە غىجىپ بىر اورپىرمە ، اطرافىدە بىر كورولتو ، سوقاقدە
 قوشيورلر ، قىدىل سونىمك اوزىدە وقاپىيە شەكىلدە وورىليور .
 خاير ، تەلفونك چىغراغى اوتەكى اودادىن چالىيور ، چالىيور ،
 بىر كلىسا چاكنىك ماتىم كونلارنىدەكى اصرارىلە وورىليور . ياتاقىدىن
 فېرلادىم تەلفونە :

— آلو! آلو! كىمسىز ؟

— خورشىد سالم ، سىز كىمسىز ؟

— غاسىم ، نەوار ؟

— اوغوزى ووردىلر !

نەجواب وىردىكىمى ، نەحس ايتىدىكىمى پك واضحاً بىلمەيورم .

ھىرحالەدە فوق العادە برشى اولدىنى زىمانىكى شاشىرمە :

— نەزىمان ؟ كىم ؟ ئولدىمى ؟

— توله دی . یاتسو نمازندن چیقارکن فاتح جامعک
 قاپیسنده . قاتل بردلی ، ظن ایدرم .
 خورشید سالک سسندہ مظفریتہ ، ائی برخبر ویردیکندن
 دولایی تقدیراته انتظاره بکزر برشی .
 — دور ، عمجه مه خبر ویریم .
 — ذاتاً بنده شیمدی اوتوموبیل آراتدم ، سزه کلیورم .
 پاشایی قالیر !

آرقه مه روبده شامبریمی آلام . االی نک اوداسنه قدر
 کیتدم . بیک مشکلاته کوزلرینی بر دوزییه اوغدینی حالده
 یوقاری کیتمه یاتاغه تکرار یاتمنی ترجیح ایدن االی بی عمجه مه
 یوللادم . او طهمده الکتریقلری یاقدم ، بکله دم . چوق
 سورمه دن عمجه م ایندی ، آرقه سنده اپک برکوملک ، آیاغنده
 یموشاق برپانطالون ، اوستنده کوزل برروبده شامبر ؛ بیقلری ،
 صاچلری طارانش ، یوزی پنبه وکنج ، کوزلری سعادتله
 مالی ، کلدی . عمجه مله بوتون حیاتمه بواقشامکی شخصی
 سعادت اونده هیچ کورمه مشدم . مسعودلرک خودکام قناعتی
 ایله متبسم :

— نه وار عاصم ، اختلالی اولیور ؟

— بلکه ده .

— آدم سنده !

— اوغوزی وورمشلر !

- تصادف اولارق سواقاننده قول سچيور ، عسکرلر
 آياقلىرى يره ووريورلر ، قاصاطورالري شاقيردايوردي .
 عمجه مك يوزندن قان وسعدت بر رؤيا كبي اوچدى ،
 كوزلري چوكدى ، يوزى كول رنكنده ايدى .
 — قيا ، ديدى ، قيا آرتق بنم ايچون تولدى ديمكدر .
 صوكره ، بردن بره يوزسنه اختيارلامش كبي قاناپه يه دوشدى .
 — بلكه بوخيرلى برشى اولور ، عمجه .
 اوبنى دويمه مش كبي ديشلري آراسنده فيصيلدادى :
 — بن بوكيجهنك سعادتى بوتون عمر يمه يتيشيرظن ايدىيوردم .
 — عمجه ، عمجه كنديكى طوپلا ، قيا هرشى دكل ،
 وطن وار ، حكومت وار . بلكه سنى تكرار حكومته آلاچقلر .
 سكوت ، صوكره بردن بره :
 — تولديمي ؟
 — هنوز تولمه مش . شيمدى خورشيد سالم بورايه كله جك .
 — بكا باق . يونى قيا قطعياً خبر آماملى ، آكلادكمي ؟
 قطعياً ، قطعياً خبر آماملى !
 — قابلى ؟
 — اوت ، قابل ، اولاغزته لك ايكي كون اوه كله مسنى
 بن تأمين ايدرم ، قيانك سـينيرلىرى بهانه ايدرك خدمتـجـيلرك
 كنديسنه برشى سويله مه مسنى ده تأمين ايدرم .
 — بو قايى ؟ بلكه مجلس يارين فوق العاده اولارق طوپلانير .
 سزك بولوننامه كز نظر دقتى جلب ايدر .

— خسته‌یم. هم دون مجلس رسماً داغدی .

— بکی ، ایکی کون سوکره ؟

— اووقته قدر اوغوز یاؤلور یاخود قورتیلاجنی تحقق

ایدر . قیا ایچون ایکی حالدهده تهلهکه آتلامش اولور .

— شیمدی نه دن قورقیورسکنز ؟

— قیانک اوغوزک باشنه قوشماسندن . بونی هر حالده منع

ایتمکه قرار ویردم ، اوغوزله قیا بوفوق العاده حالده قارشی

قارشی به کلمه ملی ، قطعاً ، قطعاً ، آکلادمکی ؟

— آکلادم ، عمجه .

عمجه مک کول رنکی کرکین چهره سنی ، حیات چکیلن

کوزلرینی کوردکجه اوکا بردن بره برشی اولماسندن قورقیوردم .

فقط هر حالده ذاتاً مدهش اولان اراداتی اوقدر انسانلغک

فوقده برتقلصه جانلانش ایدی که اولوم کلسه دیدیکنی یاپمادن

تولیه جکنه قانعدم . سوکره ذهنم بر آزاریشدی . اوغوزله

قیانک آکلاشمانی ایسته مه می عجباً قیانک فدا کارلنی بهوده

اولدیغنی قیا آکلار و اوغوز بوفدا کارلغک قیا آلدادیله رق آلد

ایدیلدیکنه مطلع اولور ، سوکره بوتون بوخارق العاده زمانده

موقعندن برقادینی تهیدید وتضییقه آلدینی میدانه چیقارق ناموسی

کیدر دیه می قورقیوردی ؟ یوقسه قیانک کندیسنه عمرنده ایلک

یموشادینی دقیقه ده قیایی بوتون بوتون ظائب ایتمکدن می

قورقیوردی ؟ یوقسه هراکیسندن ده می ؟ بوندن باشقه ، افکار

عموميه بو سوء قصدي ناصل تلقى ايديه جکدي ؟ ...
 عجميه مياقلاشان برتهلکهي کوزلريله دفع ايدر کي فيرلادی.
 — بن کيده يم ، خدمتکارلرک سکوتی تأمین ايديم .
 صوکره قيايه سنک نيچون چاغردیغی آکلاتمالی ، خورشید
 سالم کلنجه اینهرم ، دیدی .

— ينکه مه نهديه جکسه کز بکاده سويله يکزه اوکا کوره
 اداره کلام ايديم .

— هر حالده بر پولتيقه شئی اولدیغی سويله مه ملی که غزنه لره
 فضله انهماک دویماسون .

— بويوک قیزم فوق العاده خسته ديه ديشاريدن برتلغراف .
 — يکی !

خورشید سالم آلافرانغه کيجه ساعت ايکيده کلديکی
 زمان عجميه تکرار ايتدی ، يوزندن شيميدلک قيايی
 قانديرديغه قانعدم .

خورشید سالم پک چوق شی اوکر نه مه مشدی .
 — جامعدن چيقارکن اوغوزک آرقه سندن برقچ آل روولوره
 آتیش ، باشندن وصول جکرنندن يارالانمش ، اوينه کوتور مشلر ؛ هيئت
 وکلا اوندۀ ، ياننده طوپالانمش ، کنديسی لاقيردی سويله يورمش .
 ايلک ایشی اوله جکني آکلاینجه خلنی ایچون صدر اعظم پاشا و آرقدا -
 شلرينه ارطغرلی توصيه ايتماک اولمش . قاتلی بردلی دیورلر مش ،
 « شریعتی قالدیریور ، قادينلرک باشنی آچيور ، ديه ووردم »

دیمش . قَتلی اهلینک اَلندن قوتلی بر قوؤ عسکریه ایله محافظه
ایدهرک توقیفخانهیه نقل ایتشلر ، استانبول خلق شدتله قیزغین ،
هریره تلغرافلر چکیایور .. بعضی لرلرده بوجنایتک یکی عثمانلیلر
طرفدن ایقاع ایدلدیکی سویله نیورمش . « یکی عثمانلی » اداره -
خانه سنک جاملری طاشلاشمش . فقط یاردلی اوغوز کوزینی
آچنجه ایلک ایشی پولیس مدیرینه استابولک سکونک محافظه سی
ایچون امرلر ویرمک اولمش . طشره لرده ده والیلره تلغرافله
اک اوفق بر قپردانمای منع ایچون شدید امرلر ویرمش . هر حالده
اک چوق یکی تورانلیلرک تأثر و غلیبانک فنا بر نتیجه ویرمسی
منع ایچون ضابطه امر آلمش .

خورشید سالم :

— کلیرکن سوقاقلرده قوللر و یکی عثمانلی اداره خانه سنی
محافظه ایچون بر بولوک ژاندارمه نک باب عالیده اداره خانه
قارشیسنده اخذ موقع ایتمش اولدیغنی کوردم ، دیه بیتیردی .

عججه م :

— عاصم ، سن یکی عثمانلی اداره خانه سینه کیت ، غزته لر
اوغوزک اورولمه سینه بیان تأثر ایتسونلر و حکومتک کوستردیکی
متانته ده متشکر کورونسونلر ! یالکز ، بوندن استفاده ایله ،
افکار عمومیه یی بویله جنایتلره سوق ایددجک قدر منفور
اولان برقابینه یه نهایت ویرلمسینده بر منطقی نتیجه دیه ذکر
ایتسونلر ، سن همان کیت ، بزده خورشید سالم بکله بوراده
چالیشیرز .

عمجهمله خورشيد سالمك ايلك دفعه اولارق بنم آرالرندن
 كيتديكمي وقونوشمق ايجون يالكز قالمق ايسته دكلريني ظن
 ايتدم . آزيحق باشم دونيوردى ، عمجهمك و خورشيد سالمك
 يوزيني شدتله تدقيق ايتدم . خورشيد سالمك ممنون اولديغنى
 كورمه مك قابل اولامازدى . فقط عمجهم اوليله دكلدى ؛
 يوزنده فوق العاده برشى واردى ، بو ، قورقومي ، تأثرى ، بو
 نه ايدى ؟ يوللرده عيني باش دونمه سيله كيتدم . سوقاقدكه
 غلبه لغه ، كوشه باشلارنده خلقك طويلانوب كيجه لك اثوابلرياه
 قونوشمه لرينه بيله دقت ايدمه ميوردم . بوندن درت سنه اولى ده
 فوق العاده برحالمه ينه بريجه بويله يكي عثمانلى اداره خانه سنه
 كيتمشدم . فقط اوزمان ذهنمده بوكوتو شبيه يوقدى . مقاله مى
 يازمادن مطلق بوشبهي ازاله ايتلى ايدم . نهايت ذهنم اوزون
 اشكنجه لردن صوكرا قرار وىردى .

آكلادم ، ديدم ، عمجهم خورشيد سالمك بوايشده دخلى
 اولوب اولماديغنى ، بوجنايتده يكي عثمانليلك المفراط طرفدارلرينك
 تشويقبرى بولنوب بولماديغنى صوراجق ، اوت ، مطلق
 بونك ايجون يالكز قالمق ايسته يورلر !

مرحالمه اعتراف ايدر مكه ايرتسى كونكى يكي عثمانلى نك
 باش مقاله سى پارلاق دكلدى . اوه دونمك ايجون ايجمده
 فوق العاده براستعجال واردى .

دونركن سوقاقدكه غازلر هنوز سونمه مشدى . موزعلر

« اوغوز بکک سوء قصدی ، فاتح جامعی جنایتی ، ديه سوقاقلری
مشئوم ، اينجه و مدید بر عکس صدا ایله دولدیریورلردی .
هریر پک غلبه لقدی و هر کسک الده بر غزته ، آلتنده درین
بردوشونجه خطی واردی .

قیای بوسی ایشتمکدن عمجهم ناصل منع ایدر ؟ ديه
دوشونه رک بویوک بر مراق ایچنده اوه کلدیم . ییقانوب تراش
اولونجه یه قدر ساعت سکزه کلش اولدیغندن دوغرو یمک
اوطه سنه کیتدم . قهوه آلتینه نه عمجهم نه قیا واردی . آلتی :
— باشانک باشی آغریور . کورولتو اولماسون ديه باغچه
طرفده یازی اوطه سنده اوطوریورلر . قهوه آلتیلرینی
یوقاری چیقاردیم ، دیدی . صوکرانجسنه غلبه چالامیه رق
صوردی :

— بو اولدیر دکلری بویوک آدم خانم افندیکن نه سی افندیم ؟

— تیزه زاده سی .

— یا اما بزه هیچ کلزدی ؟

— دارغیندیلر .

مهم برشی سویله یه جگمش کبی قولاغمه اکیلدی :

— احمد اغا اسکی قوجه سی ، دیدی .

— خلط ایتمش .

آلتی کوه زه لکه سوق ایدن بو فوالعاده حالدن قورتیق
ایچین قهوه آلتی بی تیرمه دن یوقاری چیقارکن مردیوه نک

باشندن عمجه مک کور و آمر سسنى ایشیدیورددم. عادتاً مجلسده کی قدر خیزلی و غلیانی سویله یوردی . عمجه مک قپالی قاپیدن صوفه ده کورله ین سسنگ غائب ایتدیردیکی طنان بر اینجه چوجوق موزع سسی :

— او زبکک ... دیه اوزاقلرده اینله یوردی .

قاپی خفیفجه وورددم ، دویمادیلر ؛ عمجه م :

— اوت قیا ، اوغوز ایله ایلک دفعه اولارق دون متحداً رأى ویریوردق ! سنی و مملکتک بوتون قادیلرینی یوکسلده جک بوقراری اعتراف ایدرم که مخالفت طوماسه موفق اولامیه جقلردی . بنم فرقه بر عسکر طابوری کبی لیدرلرینک قراری اوزرینه رأى ویرمهک آلیشقدرلر . فقط بوکا رغماً اولنرم بونک ایچین رأى ویردیرمک چوق ، چوق مشکل اولدی . آرتق ممنوسک دکلی قیا ؟ بوندن صوکره یمین ایدرم ، مخالفت مملکته نافع کوردیکی هرشی ایچین حکومته برابر حرکت ایده جکدر . سنی چتین تورک قیزی سنی ، هادی باقهلم اختیار عسکری تقدیر ایتدیکیکی بردها کوستر . اما دون آقشامکی کبی تام آلمک شو بوروشنی اوزرینه !

اوطه ده خفیف بر حرکت ، قیانک محزون و اوزاق بر کولوشی وارکه بوکون ایلک دفعه اولارق قلبی دلیور . بلکه اوغوز بودقیقه ئولیوردی . قاپی شدتله وورددم .

عمجه م سسندمه قیصیلان برهیجانله :

— کیریگز ، دیبه هایقردی .

قیابنی کورونجه :

— عاصم بك غزته لر سزده می ؟ دیبه آیاغه قالقدی .

— آ ، تأسف ایدرم که کلیرکن آلامم .

— احمدده سویله سونلر ، جانم یحین بوسباح کیچ قالدی ؟

عصجه مک یوزی پک اذیتلی بروضعیتده :

— احمد بوکون اذنی . آشچی یمکدن صوکره چیقنجه

سویله رز ، آلسون !

— سز اوندن اول سوقاغه چیقمايه جقمیسکیز ؟

— خایر ، ینکه .

عصجه م بوتهدکی آتلاتدیغندن ممنون ، ینه عینی بلاغته

باشلادی . اکر بوینی جلاد قیلیجندن قورتارمق ایچین بوقدر

اقردی سویله مک لازم کله جکنی بر محکومه سویله سه لر بوقدر

ای ، بوقدر پارلاق سویله یه مزدی .

مجلسده کی مخالفت حیاتنک تحف نقطه لرندن ، محاربه

حیاتندن ، تورک عسکرلرینک خصوصیتلرندن ، عسکری

حیاتدن ، هرشیدن سویله یور ، سویله یور وقایه جدا غزته یی

اونوتدیریوردی . اوکله یاقلاش-دجه غزته جیلرک فریادی

آزالمشدی . عصجه یمکلری او آرقه او طده ییدیکی کی

کیچ زمانه قدر یعنی غزته جیلرک فریادی بیتنجه قدر او او طده

اوطوردی . فقط بوکورولتولی کونده ، بوفوق العاده حاللرده

قياني شهبه دوشورمهك جداً فوق العاده بر ايشدى . اوكون
 قيانك بوتون فوق العاده لكه رگما بر چوجوق قدر صاف
 واعتمادكار اولديغه قرار وىردم . پارلمنتو ذاتاً داغلمش اولديغندن
 يالكز سابق مبعوثلر اوغوزك وورلمسى حقنده بر قرار ،
 خصوصى برمذا كره ايچين ينه مجلس مبعوثانه طويلانمشلردى .
 عمجهم خورشيد سـالمـه تعليمات وىرمش اولاجق كه عمجهمى
 ايسته مديلر ؛ بنده بو جنايتده خورشيد سالمك بر بيلديكى وار
 حسى واردى . بلكه بو حس بوتون مملكته واردى . فقط
 حكومت بردن بره بكا بيلم ناصل اضطراب وىرن بر شيله
 بو جنايته فرقه سياسيات قاريشديرمامغه قرار وىرمشدى .
 اوتەكى موافق غزته لرده يكي عثمانليره ايمايه بكزر هر شئي
 يكي توران يعنى اوغوزك غزته سى شدتله رد ايدىوردى . حتى
 اوغوزك قاتلنى عفو ايتك ايسته ديكنى ، بو بچاره بدلایى بر
 حبس خانه به دكل بر تيمار خانه يه قياتمقلا اکتفا ايدلمه سنى شدتله وصيت
 ايتديكى سويله يوردى . اوغوز بر قاچ كون دهـا ياشاسه بيله
 جريحه سى پك وخيم وأولوم محققدى . اطنه واليسى ارطغرل
 بكي تلغرافله چاغرمشلردى . بر كيجه اول اوغوز عليهنه او قدر
 خصوصتكار كورونن افكار عموميه ده بو جنايتله برابر اولچوسز
 بر عكس عمل واردى . تا طشرم لردن ، كويلردن ، هر يردن
 اوغوزك صلابت دينه سندن ، بويوكلكندن باحث ، مملكتهك
 وتورك عنصرينك حقيقى خلاصكارى ديه ماتم طوتان ، چيلديران
 تلغرافلر ياغيوردى .

مملکت بر آغز دن هپ اوغوز، اوغوز ديه هايقيريوردی.
 صانکه صوک سنهک خصومتی، عليهنده اولماسی بو بويوک تأثره
 دهادرین، نادم وچيلغین برصميميت ويريوردی. بوتون بونلر
 آراسنده بزیکي عثمانيلر برشی کوريوردق، بو انتخاباتده ده یکي
 توران مدھش براکثريتله قازانه جقدی. وسببي ده ساده جه
 اوغوزک وورولمسی ایدی.

يتمدن صوکره ساعت طقوزه قدرينه معهود آرقه او طده
 او طور ييوردي. عمجه مک اون ساعت دوام ایدن طلاقتی
 شيمدی پیرانمش کبی اوموزلری بوفوق العاده يوک آلتنده
 چوکوک، کوزلرنده اوزاق، يورغون وانديشه ناک برشی؛ اونک
 وظيفه سنی شيمدی بن يانمغه چالیشيور، سويله يورم. قيا،
 ساکت، دیکله يور و آراده عمجه مه باشک آغريسی ايجين بر آز
 آنتيپرين تکليف ايد ييوردي. بکا خفيف وصيقتيلي برسسله:
 — بوکون برغزته کورمکه موفق اولامدم. آقشام غزته لرینی
 کویاألنی قاپيده بکليور. سس صدا کسيلدی. بوکون حتی هرکوندن
 چوق غزته جيلر باغيريور، بريسناک قلی...

— اوت، برجنایتمی، نه در؟ ايکی کشی فاتح جامعی اولوسنده
 غوغا ايتملر بوغزته جيلر، بيلمزميسکز بو عادی شيلردن
 استفاده ايدرلر.

عمجه مک کوزلری متدار برنظرله قالدی.

— يا!

اوطه یه آلنی کردی :

— عاصم بك سزی برخوجه افندی کورمك ایسته یور .
اوطه دن چیقـدم . یوقاری دوزکن عمجه م مردیونده
خی بکله یوردی .

— امام فیضی افندی، خی اوغوز ایسته مش کیدیورم، دیدم
عمجه مك چهره سی یورغون و مضطرب، برأولو کورمش کی
تیره دی .

— اوغوز یا اولسه، یا خود ای اولسه، یکر می درت ساعت
بو حال دوام ایدرسه یا کنیدی یاقیای اوره جنم !
کوزلرینك ایچی قرمزی و حمالی ایدی . جواب ویرمه دن
اوطه یه یورودم :

— ینکه، دیدم، سوقاغه چیقیورم . سزه بوتون غزته لری
آلاجغم، دوندیکم وقت او یومشسه کز بو اوطه یه براقیرم .
— تشکر ایدرم، عاصم بك .

طالعك غریب براسته زاسی اولارق، بو، درت سنه در قیانك
همیز ایلک آجنمغه باشلادیغی یکر می درت ساعتدی . بو آقشام
اونده بویوکلکندن باشقه ایلک دفعه اولارق برقادین، بوتون معناسیله
یاشایان برقادین کوریوردم . فقط اونك یوزنده او یله اوزاق ،
صبور، فقط درین برالم کولکه سی واردی که . . . بر آز داغنیق
صاچلری آلتده کوزلری صولغون، فقط محزون و درین
بارلایوردی .

بن چکيلرکن ، يوزى براز محجوب فقط کوزل :

— عاصم بك ، عمجه كزله برابر « يكي عثمانلى » ده قادينلر
عليه مقاله لريگزي عفو ايتدم .

ألئى اوزاتدى ، اينجه پارمقلىرىنىك تماسيله المدن وجدانمه قدر
بر آتش كچدى . برشى سويله مدن او طه دن چيقدم . آرقه مدن
سسى بزه خطاب ايتديكى وقت ايلك وصوك دفعه اولارق
يמושاق ومشفق :

— الله راحتلق ويرسون ، عاصم بك ، دييوردى .

مرديوه نلردن ايتركن ديشاريده كي برفيرطنهك چيغريشان
روزكارلريني ديككه مك بيله متخالف وكورولتولى حسارمدن بني
قورتارير ظن ايدىيورددم . مسافر او طه سنده فيضى افندى يي
براقديغم كي بولدم . برقانابهك اوسته ديز چوكمش ، باشى اوننده
تسبيح چكيوردى . زواللى اختياري ناصل آغلار براقدمسه اويله
بولدم . اختيار قلبنك . بوتون رقت و رابطه سيله بوروشوق ياناقلرينه
كوزلكلرندن ياشلر دوشيور ، دائما كوزلكلرينك بوغوسنى
يازمه منديليله سيله رك آغلايوردى .

— هايدى فيضى افندى ، كيده لم .

— هايدى ، اولاد .

— اما آرتق كوزياشى يتيشير .

افكارىمى طوبلامق ايجون جاده ده بر زمان يورودك ، اختيار
هپ آغلايوردى .

— باق سوقاقلرک حالنه، اسکیدن سوقاقلر بويله تمیز اولور میدی؟
 مملکتک یوزینی تکمیل دیشیدیردی. بوتون عالم اسلامک
 الک بویوک اولادی ایدی. اسکی زمانلردن بری مملکتک، فقرانک
 یوزینی اوغوز قدر کیمسه کولدورمدی...

اختیار دائماً بویله سویلرکن بن برآرابه چاغردم. فیضی
 افسدی بی کویا دیکله یورکی ظاهرأ ساکت، فقط صوکه درجه
 خلجانی، آرابه نک تکرلکلی سرعتله یووارلانه رق آیتدک.
 سراجخانه دن آرابه چیقارکن اهلینک غلبه لی آرتیوردی.
 دکان اونارنده، کوشه باشلرنده، آلاى آلاى کنجلردولاشیورلر،
 فیصلداشیورلردی. فاتح اولوسنده بویوک بر ازدحام واردی.
 کمری کچدکن صوکره بزم اسکی محله یه پک اوزاق اولمایان
 برمحله یه صایدق. بورایه یاقلاشدقچه اهلایده متأثر اولدینی قدر
 احترامکار برانتظار وسکونت حس ایدیلیوردی. عادتاً اوغوزی
 راحتسز ایتمه مک ایچون سوقاقده کیلر آیاقلرینک اوجارینه
 باصیورلردی. هله اوغوزک اوینک سوقاغی باشدن باشه دولو ایدی.
 فقط او قدرسس سزومتأثر برخلق ایدی که! بو خلق آراسنده برچوق
 کنج صاریقلر، چهرملر واردی. الک نهایت آرابه بیاض براوک
 اوننده دوردی. الک نهایت آرابه بیاض براوک اوننده دوردی.
 قاپی بی جبه لی، اورتولی برقادین آچدی. قاپینک یاننده کی
 اوطه ده لامبا یانیوردی. ایجه غلبه لق واردی.

— حریه ناظری و صدراعظم بوراده لر ، بر سوروده
دوقتور ، الله اونی آرتق دنیا مشقتدن قورتاراجق ، دیه فیضی اقدی
باشنی صاللا دی . سو کره قادینه :
— خسته من ناصل ؟

قادین یناقلرندن آقن یاشلرله جواب ویردی . صوفده و اؤک
هر طرفده لامبار یانیوردی . مردیوهنی ، بوتون سوقاقلره
سرایت ایدن بوا احترام سکوتی ایله یاواشجه چیققدق . قاپی
آبلاق چهره لی بیاض کتن کوملکلی بردوقتور یاواشجه
آچدی . او طه دن کسکین علاج قوقولری کلیوردی . بن شاشقین کبی
ایجری کیردم . کوزیمه غیراختیاری قیانک وضعی خاطر لاتان
برقادین ، جه سنک قوللرینی صیغامش ، دریدن چاریقلی آیاقلری
یرلری اوقشارکبی ساکت و مشفق دولاشیوردی . شبه سز
بو برخسته باقیچی ایدی . دوقتور یاواشجه :

— همشیره مریم ، سز چکیله بیلیرسکز ، دیدی .
شیمدی نه دن کلدیکنی بیله مدیکم برخلجانله ، برعذابه
بردورلو خسته نك یاتاغنه باقغه جسارت ایده میوردم . کوزلرم
طاوانده ، یرده ، دیوارده دولاشوب دوریوردی .
ایچمدن بریسنه سویلرکبی :

— پرده لریشیل خورماداللی یازمه دن ، سدی رعینی یازمه دن ،
یرده تورک خالیسی وار ، یاتاق صاری ، طاوان تحته ، یاتاغه یقین بیاض
اورتولوو علاج شیشه لری دولو برماصه ، بیاض کوملکلی ، باشی

آچیق بردوقتور ، هایدی باقهلم ، عاصم شیمدی خستهیه
صره کلدی .

آنی بر جسارتله کوزلریمی قالدیردم . اوغوزک باشی
صاریلی ، کوکسی صاریلی ، یاصدیق بیغینلری آراسنده سانکه
مملکتی آلت اوست ایدن آدم او دکش کبی اوتورور بر
وضعیتد یاتیور . هوا غازلری سونمش ، یاتاغک یاننده کی کوچوک
سپاده اوچوزلی بر شمعدان ! بو خفیف وطاتلی ضیا ایله
اوغوزک چهره سنده درین اویوقلر یوموشامش ؛ کوزلری
بیاض صارغیلر آلتنده وظیفه سنی بیتیرمشلرک سکونت واستراحتی
ایله دالغین باقیور . بنی کورنجه محتضر چهره سنده فوق العاده
بر امید و حیات دالغالانیور . صاغ الی مشکلاتله اوزاتهرق
سسند بوتون قواعد و قوانین حیاتی آرقه سنده براقش برانسان
طاتلیلنی ایله :

— نهایت کلدک ، قرده شم . دوقتور ، صندالیه یی یانمه
کتیر ، تا یانمه .

قابل اولدینی قدر خستهیه یاقلاشیورم . اوغودن او قدر
یوکسک و روحانی برشی اوچیورکه تویلرم اوپر ییور ، کوزلرمدن
یاشلر آقق اوزره .

— دوقتور شیمدی بر دهاسویله ، قاچ ساعت وار ؟
دوقتورک کوزلرنده یاشلر وار . فقط تردد ایتیمکسزین :
— سکونتله کچرسه اون ایکی ساعت ، بلکه ده زیاده .

فقط چوق خاجانانایرسهك اوچ ساعته بیله اینر ، قردهشم .

— اصغریسی اوچ ساعتی ؟

— اوت !

— او حالدو چوق وقتم وار ، آننهك دیزینه باشمی

قویوبده بر ساعت ، صوك ساعت یاتمه بیله . ساعت قاچ ؟

دوقتور ساعته باقاركن الی تیره یوردی .

— ساعت اون بر ، بن کیدیورم .

— سن دور ، قردهشم . بو دوقتور ، عاصم بك ، بنم

چوجوقلق آرقداشمدر . اونكه آياق قابی آلاجق پاره مز

یوقكن جامع اولوسنده یالین آياق اوینادیغمزدن بری بر بریتزی

بیلیرز ، دكلی سنغور ؟

— اوت ، اوغوز .

— حتی مائی طون بیله کیبردك ، دكلی ؟

— اوغوز ، بو کونلری کیچ قردهشم ، عاصم بکه سویلیه جکی

سویله !

— بو کونلری عاصم بکه سویله مه دن سویلیه جکی آ کلاته مام .

سنغور ، کل باشمی دوزلت !

سنغور بر قردهش ، بر آنا شفقتی ایله دوغرولندی ، بر

بارداقدن بر شی ایچیردی ، یاواشیجه النی اوقشادی . اوغوز

بردقیقه سنغورك النی طوتدی و صوکره :

— سن دور ، سنغور ، سن واركن حیامی ، چوجوقلق

حیامی دها ای یا شایه بیلیرم ، دیوردی .

اوغوز شيمدی آغر آغر ، کسيك کسيك سويله يوردی .
 اونك سسنيك اهتزازي ايله اوچوزلی شمعدانك تيترهشن
 آلهولری آراسنده بر مناسبت وار . سنغور ماصه نك باشنده
 الی ايله يوزینی کولکه لندیرمش اوتوریور ، هر یرده عمیق
 برسکوت ، فقط سوقاقدہ بوسکوتك آرقه سنده يوزلرجه قلب
 بوتيترهين وئولن نفسی بکله يورلر . بز اوطه نك بوشلغندن
 واوغوزدن کلن غریب بر سکونتله دیکله يورز ، همان قلبمزدہ
 کوزلریمزه ياشلر کله سنه رغماً سعاده ياقين برشی وار !

— بروسه ده ييلديرمه تاتار محله سنده يز . اک چوق
 سوديکیم شی آنهم ايشه کيدر کيتمز يشيله چيتمق ، جامعک
 طاش اولوسنده شادروانلر اطرافنده اوينامق ! نماز وقتلرندن
 اول هر کسك آبدست آلدینی زمانلر يالکيز بورادن چکيليورم .
 صوکره چيلاق آياقلم واللم هپ صوده . جامعک مرحوم
 قیومی حاجی ذاتی افندی پیرانمش جبه سیله ، کوزلکی ايله کچرکن
 يالانجی بر تهديدله الی صاللاردی . بن اونی فیضی افندی یه
 بکزه دیردم . امام افندی صاريغک آلتنده کی تراشلی قرمزی
 اکسه سی ، غیجر غیجر یکی غلوشلری ايله پک اوقدر
 مساعده کار دکل ، قاشلرینی چاتار . فقط هر زمان قیوم افندی :
 — زواللی باباسز چوجوق ، براقک امام افندی ، ديه
 مرجمتی جلبه اوغراشير .

زواللی باباسز چوجوق ، بو آجینه فی سومزدم . بر کون
سغورده سوله دی ایدی ده اونی بر اعلا دوکمدی . دکی
سغور ؟ برده آراده استانبولدن جامعی کورمه چارشانی ،
فسلی ، شایقه لی مسافر لر کایردی . آیاقلرینه بویوک ترلکری
بن چویرمکی چوق سورددم .

آنهم آغاسنی کنج ایکن طائب ایتش چالیشقان ، جسور
بر تاتار قدینی ایدی . کوچوک اویمز بو کوچوک تاتار اویمنک
رفه نی ، تمیزلکنی هیچ بروقت طائب ایتدی . یش باغچه لریمزده
چالیشیر ، یشلرینی ص-اتار ، قیشین دیکش دیکر ، هر کون
بر آرزدها بوروشان چالیشقان چهره سی دها فعال وانتظامکار
بر حیات کویته ریر . بکا بایرامده آیاق قابمی ، شالواریمی ،
هر شیشی آلیر ، وهان هر وقت ات یدیریردی . صوکره آلتی
پاشنه کایر کیز محله مکتبه . هر آقشام علم حلی ، جزومی
او قودیر . آنهم او قومش بر قدیندی . طایفه ده تا بوزغوندن
اولکی حیاتمزه قدر آنهمک روایته کوره هپ او قومش
قادر وارمش . بروسه عسکری اعدادیسی خوجه لرندن
کنج یوردباشی لطفی بکله اولنوب استانبوله کیدن تیزدم خدیجه
خانمده اویله ایش دیرلر .. حتی بوتون کون مکتبی قاپایان
وچوجوقلری دوکن خوجه افدیدن مشکی اولدینی ایچین
(بلکه ده هنتهلق آلمقده فضله اصرار ایدیوردی) آنهم
کوچوک بر اومکتبی آچاسنی ، کوچوک تاتار قیزلرینی اوقوتماسنی

خفيه آبالا بوتون کون سويلردى . خوجهلقده بزم عالمه
 قادينلرنده ارثى برعلت . قيشين اوما کنهسى باشنده چاليشيرکن
 مندرلرى اوستنده مريم ، عايشه ، عبده ، سنغور و بن
 صاللانہ صاللانہ تبارک جزؤنى ازبرله دک ؛ ابتدائى تحصيلنى
 قرآن ، علم حال و برآزده قرائت ، هپ بونى آنه مدن اوکرنده .
 پارماقلى ايله ابي حساب ياپاردى . فقط يازى ايله حقيقيشامازدى .
 آنه مک ال بويوک امللرندن برى ده بنى رشديه و يرمک
 صوکره عسکرى مکتبه ، ال نهايت استانبوله کيدوب قليج
 طامق ، لطفى بک انشتم کي ضابط اولق . بو فکر چيقار
 چيقماز هايدى سنغور فلان دکنکلر اوموزه جامع اولوسنده
 برايكى ، برايكى ، تعليم ! رشديه تحصيلنى آلد . شهادتنامه ده
 وار ، دکللى سنغور ؟ فقط بوتون مکتب تحصيلم او قدر .
 اوندن صوکره آنه روماتيزمالى ، ا مک قازانق بکادوشيور ،
 سنغورک باباسنک آرابه لرندن برى قوشيوردم . بو ابي برحيات ؛
 آرابه ده يکرمى ياشنده طوسونک ياپديغى کي بن اون بر ياشنده
 آياقده شويله ديزکينلر المده ، بروسه دن چکرکيه قوم ، طاش
 طاشيدم ، هم آرابه لر بوش دوزکن بن تا اوکده . بوشرفلى ،
 ال شرفلى کونلر . آخا کونده ايکى غروش ، بعضاً اوچ غروش
 ويرير ، آقشاملرى اکمکم قولتوغمده ، سنغورک آغاسى کي ،
 اوته کى آغالر کي بن ده آنه مک اکمکنى کتيرييورم . آنه مک
 بوتون اصرارينه رغماً اوکا قانيه ، انتارى ودون يامق ايچون

بایراملق بیله آمادم . یالکز یکی قرمزی بر قوشاق و قوشاغک
اوسته سوقولو بر قرباج ، آیاقلرم ینه چورابسر ، یالکز
برچیفتمینی !

صوکره اوینه طاش طاشیدیغمز چکرکده متقاعد محمد
پاشانک نظر دقتی جالب ایدیورم . اوکله وقتی آرابه نك ایچنه
اوزنمش ، اکک یرکن بر المده باغچه آتیش بر غزته یه بی
دالمش بولیور ، مراق ایدیور ، حیاتی صوریور ، بن آنهم
ایچین چالشیغمی سویلرکن دویدیغم غرور ! آنهمی یاننه
بر خدمتله آلمی ، بنده مکتبه ویرمکی تکلیف ایدیور . خایر ،
خایر . بونک احتمالی یوق . بن صاغ ایکن آرتق آنهم هپ
او خانمی اولاجق .. ایسترسه دیکیش دیکجک ، او قدر ،
یيلم بو تکلیفی رد ایتدیکم محمد پاشا نیچون آغلادی؛ صوکره
محمد پاشانک اوندی آرتق آچیلان حیات فکریه . اول محمد
پاشا بکا بر آرز پاره اقراض ایدیور ، کندینه لازم اولمایان ایکی
حیوانی اوجوز صاتیور ، آرتق آرابه بنم . هفته ده اوج کیجه
قامچی بلمده ، دیزکینلر المده محمد پاشانک چکرکده کی کوشکنه .
صوکره اوزون چالیشمق کیجه لری ، کوزیمک اوکنده آچیلان
یکی دنیالر !

عسکر اعدادیسنه کیرمک غیرقابل اولدینی ایچون ملکیه
اعدادیسنک پروغرامنی حرفیاً محمد پاشا تطبیق ایدیور . آرابه
ایچنده ، کیجه کوندوز کتابلر المده؛ اون آتی یاشنه کادیکم

وقت همان استانبوله کی هر اعدادی مأذونی قدر برشیلربیلیورم.
 صوکره ملکیه پروغراملری ؛ خوجهلری چوققلق تقریرله
 درس ویردیکندن بونلری عینی عیننه تعقیب قابل دکل. اونک
 ایچون بو موضوعلر اوزرینه فرانسزجه ، تورکجه بر چوق
 کتاب اوکمه . بر سنه رومانیاده بوزغونده براقدیغمز یرلرک
 پاره سنی رومانیا حکومتمدن آلمق ایچون محمد پاشانک ابرامیه
 رومانیا کیدیورم .

صوکره بن اون سکنز یاشنده آرقه مده ستره پانتالون، آیاغده
 پوتین واوچ یوز لیرا پاره وار. سوروجیلک قابل دکل ؛ چوق
 دوشونمک ، چوق یاشامق ، بر چوق شی یایمق ایسته یورم ،
 فقط حکومت مأموریتی دکل ! نه یاپه جغم ؟ دوشونیورم .
 ودوشونورکن مشروطیت اعلان ایدیلیور . استانبوله کیتمک
 ایسته یورم . محمدپاشا اختیار ، فقط تجربه کار ، باغنی صالایور.
 کیتمه مه می توصیه ایدیور ، بروسه ده چالیشه جغم . فقط ناصل ؟
 مکتب و خصوصی درس ویرمکله . بروسه اعدادیسنده تاریخ
 خوجه لغم وار و بر چوق خصوصی درسلم . مشروطیتدن
 صوکره انشتم لطفی بکک اتحاد و ترقی جمعیتک اسمیه برابر
 مشهور اولدیغنی غزته لرده کوریورم . مشهور اولدی دییه
 دکل ، فقط بو بویوک مقصده برابر چالیشمق ایچون استانبوله
 کیتمک ایسته یورم . آنهم بوکا موافقت ایتمه یور ، تیزم ثوله لی
 پک چوق اولمش ، لطفی بک بزی هیچ آرامامش ، برده قیزی

وارمش اما هيچ مکتوب فلان برشی يازمايورمش . آديني
 صوريورم ، آنهم بيلمه يور ، تيزهك ، برقيزم اولورسه آديني
 قيا قورم ديردي اما بيلم دوغوردقن صوكره هان ئولدي ،
 بكاده لطفي بك برخبر يوللامادي دييور ، بوتون دنياده يكانه
 اقربام بوغريل قيادن باشقه كيمسه يوق .

اوغوز بو جمله يي سويلر كن ، يكرمي سنه اوله دونيورمش
 كي دكل شيمديكي حياتندن بحث ايدييورمش كي سويله يور .
 اورته لقده آجي بر سكوت ، صوكره ينه باشلايور . فقط
 كندي خصوصي حياتندن بحث ايتيور . دوغرودن دوغرويه
 قيايه سكيور .

— مشروطيتدن بش سنه صوكره آنهمه بر مکتوب
 كليور . بو حياتمزده نه مستثنا بر حادته : « بروسه ده ييلدير مده
 تانار محله سنده مرحوم حاجي نور افندي حرمي عايشه خانمه . »
 مکتوب ، تيزه جكم ، ديه باشلايور . آنه سي چوجوق
 ايكن ئولمش ، شيمدي ده بابايي ئولمش ، دكرمن درده
 اوطورييورمش ، آنهمدن باشقه كيمسه سي اولماديغدن اونى
 يانه دعوت ايدييور . يكرمي ياشنده برقيز ياننده بر اقربايه ،
 حاميه محتاج . مکتوبك لسانندن يازانك حماييه محتاج برقيز
 اولديني آكلاشمايور ، براركان كي يازيور . مکتوب اونمده
 دوشونيورم . آنهم كيمكه حاضر .

— خديجه نك قيزي ، ديه كوزلري دوليور . بن دوشونيور ،
 دوشونيورم . نهايت دييورم كه :

— آنه ، بونلر بزی شیمدییه قدر هیچ آرامادیلر .
 باق ، قیا ، خایر ، سامیه ، نه ایسه سنک زرده اولدیغی کیمده
 بیلورده هیچ آرامامش ، شیمدی کیمسه سز قالمش ، سنی
 چاغیریور . نیچون چاغیریور؟ عجبا سنی بوزاز طوقلغنه چاشیر
 ییقایوب یمک پیشیره جک ، بنی ده اوشاقلق ایده جک ایکی
 فقیر اقربا دیه می چاغیریور؟ استانبولده بویومش بر قیز ، جامعه
 طاقونیه کبی اوکچه لری اوستته یابانجی ایللرده ، معبدلرده
 دولاشانلر کبی برر ترلک طاقه رق صاللانان نه ملت اولدیغی
 بلیرسز قیزلردنمی ؟ نه در آنه ؟ بویله ایسه بزدن اوزاق
 اولسون ! آنه ، آنه سن بیلمه یورسک ، چونکه سن بر
 قادینسک ، خنیفه آبلاده برقادین . فقط بو استانبوللی قادینلر
 برر قوقلا ، برر ملتسز ، ایشسز ، مقصدسز ، سوسلنمش قوقلا .
 — یاوروم ، استانبولدن نه خانملر کلیور کوریورز ، نیچین
 اولسون؟ هم خدیجه تیزه نك قیزی ، بزم قانمز ، یالکز قالمش ،
 کیمه لی .

— بن سنی برکون قلداتمام آنه . بن کیدوب آکلایه جغم ،
 صوکره نه یایمق لازم کله جکنی دوشونه جکم .
 آنهم بکا تا اون بر یاشمدن بری حیانتز ایچون قرارلر
 ویردیرمکه آلمش اولدیغی ایچون قبول ایتدی . اوکون
 رومانیا یه کیدرکن محمد پاشانک الدیردیغی کوچک چانطه یی
 آنهم حاضرلادی . ایرته سی کونده یوله چیقدم . بنی تعقیب

ایدیور میسکز عاصم بك ؟ یکر می اوچ یاشندیم . هنوز حیاتمه
معین بریول بولماشم وشخصی بر حیاتم ، بر خلیجاتم هیچ
اولماش ! یولده هپ قیانت ناصل اولابیله جکني دوشونیورم .
چونکه سامیه امضاسنه رغماً بن خدیجه تیزه مک قیزی قیادیه
دوشونیورم . واپورک مردیوه تی آرقه مدن طیر ماشه جق ایکی
کنج استانبولی قادین وار . بونلرله قیانت آراسنده بر مناسبت
دوشوندی کمندن کندی روحده ده بر مناسبت بولغه چالیشیورم .
آرقه لرندن دار چارشفلر ، آیاقلرنده انسانی یورویشندن منع
ایده جک ایکی اویونجاق اسقارپین . صوکره ایکی دانه ده
کولونج دینه جک قدر کوچوک آل ! مردیوه نلری چیقما دیغندن
أللرینی استمدادکار ، بکا اوزاتیور ، واپورده کی کنجلر « کوستکلی
خانلر » دیه کولیورلر ! بوانسانه نه فنا حدت وعصیان حسی
ویریور . او کوچوک اویونجاقی الندن چکدم ، واپوره چیقاردم .
کتابلرده کوردیکم بویوک ، یاشایان مدنی قادین سیالری ،
آننه مک دنیا وجعیده موقعی تأمین ایتش بر نمونه سی ایچون
ایچمده تحف بر حسرت وار ! تقلید مدنیّت بزّه ویردیکی
بو کوچک کوستکلی مخلوق ایچمده برشی تطمین ایتیه یور .
فقط بو کوچوک شیئه بیله کولن کنجه دونیورم . نره دن چیقدیغنی
ومعنا ی اصلینسی تحلیل ایده مدیکم بر قدرته قولم عادتاً کندی
کندینه قالدیور ، قدیفه یاقه لی پالطوسی ، جلیز ، مردار ، مستهزی
یوزیله کوچوک بکی ، بو کوچوک شیئ اشی استانبول کوچوک

بکني يره سرييورم . بوحياتمه پک معنيدار بر تمالدر ، عاصم
 بک: بوتون عمرمه بوکوستکلی کوچوک شينک الندن طوتوب
 يوقاری يه چکمک ، صوکره بونی آشاغی چکن ، تذليل ایدن
 کوچوک بکي يره سرمک ! استانبوله مواصلت . صوکره ترنله
 توتون چقتلکی ، اورادن ماونه ، دکرمن درهسی . دکرمن
 درهسنک اوکونکی يولسز ، بلیرسز يولی .

اوغوز، ينه دالدى ، اوت ، اوکونکی . چونکه بوکون
 اسکی دکرمن درهسیله يکی دکرمن درهسی آراسنده او قدر
 فرق وارکه ؛ اوبوکون يوللری وتميز کوچوک اولری واوللری
 ايله محويتکار براسويچره کوي .

اوغوزه سنغور بر آز قوميص ويردی . وخسته آزيحق
 طوردی . صوکره اسکی وآشنا بر سوکیلی کتابک اک سوکیلی
 حقيفه سنه کلش کبي دوام ايتدی :

— مرحوم لطفی بک قیزی سرايلى کوينده اوطوردیغی
 سويله ديلر . کويلولر کندنن چوق ممنوندى . آفاجان بر قیزی
 اولدیغی سويله يورلردی . لطفی بک تام کوکلرنجه بر آدم ،
 طاتلی سويله يور ، کوزل خوليار ، املر آکلاتيور ، اونلرک
 کوی قهوه سنه کليور ، قونوشيور ، فقط بوخوليار اولسون
 ديه کويلولری تضيق ايمه يورمش . الله رحمت ايله ئولمش .
 فقط قیزی سويله ديکني ياپيورمش . کويده قيزلر ، ارککلر
 ايچون اونده بر مکتب آچمش . کيمي کويده قهوه ده اوتورير

کورورسه مقاومت ایدهمیه جکلری طرزده سویله نیرمش . کویده
اون اوچ یاشندن اون آلتی یاشنه قدر ارکک چوجوقلری
طوبلامش ، يولک طاشنی آیقلاشمش ، کوی دلی قانلیلری ده
اورایه بریول یاپی ویرمشلر .

زهرا آبلانک اوغلی علی ایله ذکیه خانمک اوغلی حسینی
باباسنه یالوارمش استانبوله مرانغوز یانه چراق یوللاشمش ،
شیمدی کویده کی صوک یاپیلان اولر استانبول اوی کبی تحته
ایمش ! انسانه فضله قارشاسه یمان ، یاووز شی دیورلردی .
بونو بکا آ کلانان مرحوم لطفی بکک امکداریمی یوقسه
طانیدینی می نه ایسه بیاض پو طورلی ، تنبل یوزلی اختیاردن
آ کلایوردمکه کوی عینی زمانده قیایی بنمسه مش وپک چوق
سویوردی .

— سز اونک اقرباسی میدسکز ؟ اقدی ؟ دیوردی .

— اوت ، تیزه زاده سی ، دیدم .

— اویله ایسه بن سزی اورایه کوتوره یم ، دیدی .

شیمدی قهوه خانه ایله قیانک اوی آراسنده کی مشهور
بولدن یورو یورم . کوی چوجوقلرینک آچدینی بویول برآز
چاریق ودوز دکل ، فقط ایکی طرفه آچ دیکلمه سی بیله
اونودلامش ، نهایت تام ایزمیت کورفرزینک اوزاق ، اسکیمش
قیمتدار بر مینیاتور رنکلیله کوچوک ، متناسب طانجقلری ،
قویو ، قویتو صولرینه ناظر ، یکی ، اخشاب برآوه یاقلاشیورزم

کوی اولرینک درتده اوچی سیاه چاموردن. آقشام اولیور .
 کوی قیزلری آیاقلرنده طاقونیه، آرقلرنده سیاه بزدن فراجه،
 باشلری اورتولو ، قاشلری چاتیق راستقلی ، زنکلری فندق
 قابوغی کبی قرمزلی وزنکین ، اللرنده دستی صویه کیدیورلر .
 اؤک اطرافنی تحتہ بر پارمقلق ، ایچی آغاجلق وبرقسیمی
 خندقلق ، برقسیمی باغ ، بویوجک برباغچه ؛ باغچه قیوسنی اختیار
 آیلله ایتور . بکایولی کوستروب سومیلی بر « ایوالله » ایله
 اوزاقلاشیور . باغچه ده تمیز ومنتظم بر یولدن ایلرلیورم و اؤک
 آرقله طرفه دونیورم . اورادن طاتلی برسس ایشیدییورم .
 آرقی قلبمده برسکونت وار . بیلیورم که قیا استانبولک کوچوک
 کوستکلکی قیزلرندن دکل ! اوی دونجه دورییورم . اوبرطرفی
 بویوک و برچوق پنجره لی اوزون درسرخانه . باشلری ایکی
 اورکولی ، آرقله لی دوزانتاریلی ، کوزلری ، یوزلری ایشیقلی
 بر چوق کوچوکلی بویوکلی قیزلر صردلرده اوتورمشلر ، بو
 طرفده خوجه نک سویله دیکی بر شیئی دیکله یورلر . آقشام
 آزادی اولق اوزره . خوجه برشی اوقیور ، داغلمه دن هر
 آقشام رؤیالرینی ، خولیلرینی تمیز وکوزل یاپه جق برپارچه .
 بونی قیا دائماً یاپاردی . قیانک یوزینی کورمه یورم .

— بونلر دائماً توران یولنی آرایورلردی ، ارک قادین ،
 چوجقلر واردی . اکچوق چوجوقلر آرایورلردی . اختیارلر ،
 چونکه یولده دوشوب اویورلر . فقط چوجقلر کیدیورلر ،

کنجگر کیدیورلردی . اما نهایتمز اوزون یولده سنه لرجه
 قله جقلرینی ، کوزلری حسرتدن صولانه جغنی ، قلبلری
 ضعیفلايه جغنی حس ایدهرک کیدیورلردی . فقط یولی ، بو
 صارب ، بوصولاق اولمایان یولی چوق سویورلردی . او
 نهایت یوردلرینک صولاق ایللرینه ، یشیل معموره لرینه ، سونمز
 اوجاقلرینه کوتوریوردی . صوکره یولده یورورکن تنبل
 دورمیورلردی . ایکی طرفه آغاچلردیکهرک ، یوللری تمیزلهرک ،
 چیچک وچمن تخملری آتارق کتوم ، سیاه قیلرینی آچوب
 یورکنده کی بلورصولری بویوله دوکه رک کیدیورلردی . اونلر
 حالا کیدیورلر ، سنه لر وارکه کیدیورلر وکیده جکلر . فقط
 کچدکلری یول ، توران یولی شیمدی آرتق صارب ، صوسز
 برقیالق دکل . چمنلی ، چیچکلی وبلور ایرماقلر آقان یشیل
 کولکه لی برمعمور یول !

— تورانی هیچ بولمایه جقلرمی ؟

قیانک سوکیلی سییه غشی اولمش کوچوک ، یوارلاق ،
 صاریشین باشلی برارکک چوجق ، مائی دونی ، چپلاق آیاقلری ،
 حیرتکار بویوک کوزلریه اوکه کلیور . قیا نه دیور ؟ بیلمه یورم ؛
 کورفزدن وبوتون هوای نسیمی دن چوکن ، یره کچن مور ،
 پنجه رنکلرک آکلاشلماز سرندن کلیرکی بر چوق چوجوق
 سسی ، موسیقی بیایر چوجق سسی وبونلرک فوقنده کورومظفر ،
 ترانه دار برقادین سسی :

یکی توران ، ای سوکیلی اولکه ، سویله سکا یول نروده ؟
 صوکره اوکوچک مائی دونلی چوجق ، بوکونک شانلی
 ارطغرلی بنی کوشه ده بولیور ، چوجقلر داغلامدن بن اورادن
 صاووشیورم . باغچه نك اوبر طرفه ، ایکی اینجیر آلتنه میخلا سیلان
 برتخته صره یه اوتوریورم ، بکله یورم وقیا کلیور . آرقه سنده
 سیاه یلدرمه ، بیاض برباش اورتوسی وار . باشی عین قیویرجق
 صاچلی سوکیلی باش . یوزی رؤیالرینک هیچ قنادلری قیرلماش ،
 کوشه مه مش یالیزلی وکونشلی قلبی ایله بویوک وکنج قیا !
 قیا اوکون نه کوزلدی ، قیا اوکون نه بویوکدی ! ساده و طاتلی :
 — سز اوغوزسکز دکی ؟

صوکره اینجه اوزون الی المده ، هیچ ایکی روحک آکلا-
 شه میه جغی کبی بربریمزک رؤیالرینی ، امللرینی ، روحنی آکلایوروز .
 قارشى قارشى یه ، برکوموش آی کورفزک اوستدن بویشیل ،
 اوزاق وادیلری ، قویتو صولری ییقاینجه قدر اوتخته صره ده
 اوطوریوروز . چوجقلری داغتمش ، اوده اسکی بردادیدن
 باشقه کیمسه یوق . بوراجقده یمکه قدر اوتوره بیله جکز . او
 باشی برانجیره دایامش ، بنده قارشیدندینه بربریمزی دیکله یوروز .
 بردنبره قلبمه حیاتی یالیزلایان نهایتسز برسکونت وقناعت
 ویرن برشی وار ! شکل بیله ویریله میهن امللرک اک صمدانیسی
 شکل آلمش کبی ؛ او آقشام نه قونوشدق ، بیلمه یورم . افکاریمز ،
 احتساساتمز یواش یواش برباشدن اوتنه کی باشه ، برقلبدن اوتنه کی

قلبه آقيور ، بربرينه قارشيسور ، بربريني آتام ايديسور وبر
دها بربرندن آيرلماق اوزره بربرينه اوروليور .

صوكره يك ييدك ، صوكره قيانك اوطه سنده اوتوردق ،
ايكي ديواري فرانسزجه ، توركجه كتابلر ، بر كوشه سنده
پيانوسى ، آچق برسديري ، برايكي قولتوغى وپيانونك اوستنده
انسته لطفى بكك رژيالى كوزلر يله طاتلى ، حليم چهره سى اولان
بو اوطه ده پنجره لر دن آيدينلق كلنجيه قدر قونوشيورز ،
يكي تورانك لطفى بكك كورد يكي فقط حيات و حقيقت ويره مد يكي
بو . يوك رژياسنى حقيقته چيرمك ايچون ايكي مزنك ده كنچ ويپر انا ماش
قلبنده دنيا لر له قارشى قارشى به كله جاك جسارت و اميد وار .

رژيانك حقيقى رسمنى چيقارمق ايچون بوتون انسا جنى
روح لر له ، يكي دوغان عشقمزك حرات واملى ايله خاطر لايورز .
سنة لر جه ، سنة لر جه هپ عشقمزى بور و يايه بر خدمتكار ديه
قوللانمق ؛ بر بر يمز ايچون قىلير يمز ده ، اللير يمز ده ، كوزلر يمز ده
اويانان ييلدزلى ، شفقلى عشقى كوكلرى ، دنيا لرى ، صوكره
انسانى ، ضعيف ، فقط تا روح دن كلن ايسته گلرى ، هپسنى ،
اوكله صرف ايتدك . زواللى ، صولمش ، كيرلنمش و سقطانمش
رؤيا او كيجه دن نه قدر اوزاق ، او كيجه نك مبدول و فيض دار
علوينه نه ضد اولاجق قدر رنكسز .

شيمدى او غوزك كوزلر دن دامله دامله ياشلر يو وار لانيور .
صوكره دوام ايديسور . فقط ازلق سسى ضعيف ، چابوق

چابوق سويلەيۈر ، آئىندە ترلر وار ، بوتون بوزمانلر ك دوكمك
 ايستەدىكى تفرغانى كچمكە مجبور اولديغى حس ايدييور .
 — دكرمن درەسنەدە برسەنە آنەم كەلدەكن صوكرە يېڭى توران
 ايچون كىتابلر آراسىندە باش باشە چالشدق ، حاضر لاندق .
 اوحىاتى بويوجك مقياسدە باشلامق ايچون كوچك دكرمن
 درەسەك داروتىبل محيطنى موافق بولمايوردق . اوسەنەك نەياتىندە
 سىغورده مكىتى بىترەجكدى ، اندە بر دقتور دىپلوماسى
 اولاجكدى . دوشونەك ، دوشونەك ، ارضروم دىكە واىرتەسى
 سە قىانەك ، بىم قاچ پارەمز وارە طوپلادق ، آنەم ، سىغور ،
 قىانەك شا كرى كوچوك ارطغرل كىتەك وتورانەك تىللەرنى
 باشلادق . ايلەك سەلرەك مشكالاتى ، فقط يورولمق بىلمەن حرارەت
 وكىنچەلىكى ! صوكرە انسانى برشى اولديغى آ كلامەدن سەلرەك ،
 مشركە مساعىنەك ، مشركە مىللەك روحرلىمىزى ھەكون كەصوك
 تىلە ، كەصوك ذرەسە قدر برىنە يواش يواش اوروشى . قىايى
 شىمدى حس ايدييورم كە سومەدىكەم بر آن حىياتىمدە ھىچ
 اولما مشدر . حتى اونی طانىمان اول بىلە سوييوردم . وئولور كەن دە
 سوييورم . فقط او ، او ناصل كىتەدى ؟ صوكرە ناصل يان
 يانە بو قدر سە ال الە كىدر كەن دەھايقەن ، آرامزە ھىچ بر
 شىئە كىرەمىھەجى قدر روحرلىمىز وقلبلرىمىز صوك قابىلىتى ،
 صوك زەكىنلىكنى حىياتىمىزك رۇياسەنە دو كەرك اوتە كنى تىمىن
 ايدييوردى . صوكرە استانبول واستانبولە قىانەك كولەكەسى

کجی بوتون حیات مساعیسنی تعقیب ایدن حمدی پاشا !

— یورولیورسک ، اوغوز !

— آزقالدی سنغور ، سویلیلهجک آرتق برشی یوق .

یالکز مقصد سومکدن ، الاله چالشمقندن باشقه برشی ایستهمین
قبلریمزده دوغان ، ایستهین صوک انسانی وضعیف شی .

محبسک دیوارلری آراسنده عاصم بک ، اون اون برسنهک
دویمادن قلمده طویلانان آرزولری بردن بره قلمی پارچالایه جق ،
بوتون موجودیتی داغیداجق بر قدرته توضیح ایتدی . عمرمده
ایلک دفعهک بویوک و صمدانی شی قیایی سومک ، قیانک صاحبی
اولق اولدیغنی دویدم . ذاتاً مقصد ، یکی توران سنه لردن بری قیانک
عشقنه کوتورن آنا یولی دگی ایدی ؟ محبسه اوتوردم ،
اوزون اوزون یازدم ، یازدم ! اعدام سویله نیور ، عفوم
سویله نیور ، هر شیئم سویله نیوردی . بعض آقشاملر توقیفخانهک
نجره سنه باشی دیاردم ، قیایچون هنوز ادراک ایتدیکم بوسنه لک
تراکم ایش مطلق حسرتیله دنیلره صیغمايان املرم قیانک
ایکی نارین الی ایچنه یرلشیر بیتدی ! بر آقشام محبسمک قاییمی
آچلدی ، واو آقشام ...

دوردی ؛ سنغور باشی اوقشایوردی . شیمدی سسی حیاتنک
سوکیلی ترانه لرنی تکرار ایتیه یوردی . شیمدی چابوق آتلامق
ایسته دیکی قورقونج و تهلکلی برکچیده پرتلاش ، قیصیق برسسه

قاجیوردی . آرتق سنغور ، قولنی باشنك آلتنه قویمش ،
قالدیرمشدی .

— عاصم بك ، تخلیه امریمی سنك كتیردیككزی خبر
آلدم . او آقشام اوده آنهم قیانك بویوك بر كدر ایچنده
سوقاغه چیقدیغنی سویلهدی ؛ اوکیجه ، اون بر سنه صوكره
ایلك دفعه نهایت مطلق اوده اولماسی لازم كلن کیجه عودت
ایتمهدی سنغور ، قومیس ویر ، بر یودوم ، یتیشیر .
ایرتھسی کونی نکاح اولدیغنی یازدیكز . نه دن ؟ نیچون ؟ بوبر
فدا کارلقمی ایدی ؟ یوقسه همدی پاشایی سویورمی ایدی ،
سودیمی ایدی ؟ بوقابل دكل ، دكلی ، سنغور ؟ اون برسنه
صوكره ، حیاتمزی تکمیل بیلورسك ، قاچ دفعه بومسئله اوزرینه
خایردیدم ، قیا دكیشه من ! سویله عاصم بك ، بونی ئولن
بر روحك ابدی اشکنجه سنی کیدرمك ایچون سویله ! یمین
ایدرم که ...

دارما سنغور ، عاصم بك مطلق آکلایه جق وسویله یه جك ،
سویله یكز ، سویله یكز .

— نه بی ، اوغوز بك ؟

— قیا بر فدا کارلق ایچونمی ، بی قورتارمق ایچونمی
اؤلندی ؟

سنغورك یناق میککری قیپ قرمزی ، کوزلری آله ولی

واندیشه ناک ، تا روجه باقیوردی . کوزمک اوکنده آچیق
 وخسته بر قلب بندن کله جک بر کله ایله شفا بولاجق یاخود
 بر ضربه ایله از یله جک ظن ایدیوردم . او قدر اوکا : اوت ،
 فدا کارلق در ، دیمک ایچون دودا قلم یانیوردی . فقط بونی
 ناصل دییه جکدم ؟ دیسه هم هان قیای کورمک ایسته میه جکمیدی ؟
 بونی دوشونور کن عمجه مک اختیار ، حمالی ، مضطرب چهره سی
 کوزیمک اوکنه کلدی . شیمدی اونکده کوزلرنده او قدر
 براشکنجه واردی که . صوکره اکر قیا اوغوزک تُولوم یا ناغنه
 کلیرسه بردها عمجه مه دومیه جکدی . بو ضربه یی او اختیاره
 ناصل اوروردم ؟ فقط اوغوزده ، کوزلرینه طویلانان حیاتنده
 ساده وانسانی بر استرحامله تا روحی قاریشیدیور ، صوریور .
 سنخور بوالیم وضیتدن سیزلاناں بر سسله :

— نه سویلیه جکسه کنز سویلیکنز ، عاصم بک ، بو اشکنجه

بیتسون .

— بن ، بن . . . بومسئله حتمنده بنم هیچ بر معلوماتم یوق .

— یمین ایدرمیسکنز ؟

— ایدرم !

اوغوزک چهره سنده کریلن ، بکله یین حیات چکلدی ، کوزلرنده
 آقق ایچون بکله یین صیجاق ، انسانی یاشر قورودی . بردن بره
 اونی دنیادن آلان برتعب واوزاقلق واردی . باشی جانسز ،
 آرقه یه دوغری دوشدی ، صوغویان و تُولن برسسله :

— کيده بيليرسکز عاصم بك . سنغور ، مريم ايله آنهم

كلسونلر !

حياته صوك باغلانديغي تل قويمشدى ، سنغوره بيله اميد
وحياتله خطاب ايدن سسى ، شفقت دالغهلرى ايله سنغورى
قوجاقلان آهني دورمشدى . باشم اوكمده قاپيدن چيقدم .
ناصل چيقدم ، نيچون چيقدم؟ قاپيدن چيقنجه فيضى اقدى يي
مرديونده اوتورمش ، بكار بولدم . آياق سسى ايشيدنجه قالقدى ،
عيني ياشلى يوزيله :

— اولاد ، بكه ديكي شفاي ، تسلى يي ويردكمي ؟

ديدى .

بن بويوك برجنائتمى ، يوقسه فداكارا قمي ياپدم بيلميه رك
چيقدم . سوقاق تنهالا شمشدى . آرقه مدن سنغور شدتله قاي يي
قاپامشدى . سنغورك يوزندن سرت ومدهش ، پرعصيان اولديغي ،
بنم يالان سويله ديكمى حس ايتديكنى آكلادم . فقط ايچمده
برتك آرزو واردى . اوده بورادن ممكن اولديغي قدر چابوق
اوزا قلاشمق !

قوناغك قاپى سنده كي غاز آلتنده ساعته باقدم . ايكي يي چاريك
سكيور . فقط قاي يي چالمادن ، آرابه دورديغي ايشيدن احمد كلوب
قاي يي آچدى .

— بكه ديكمى احمد ؟

— پاشا قدى اويله امر ايتدى .

مردیوم باشند برصندالیه اوزرندہ اویوقلایان النی دہ
فیرلادی.

— پاشایہ خبر ویریم ، دیہ یوقاری یہ کتدی .

بن هیچ پاشایہ خبر ویریلدیکنی ایستہ میوردم . هیچ کیمسہ نی
ایستہ میوردم . شیمدی قیانت اوطوردینی دامک آلتہ کیرہ لیدن
بری وجدانم آتشلرلہ یانیور ، قلم پارچہ لانیور . ہپ کنج
قیای یالیزیلی ، کونشلی قلبی ایلہ اوغوزہ کیدرکن کورییورم
وصوکرہ اوزاق ، ٹولن برسس تکرارایدیور :

— قیا اوکون نہ کوزلدی ، قیا اوکون نہ بویوکدی .

زواللی قیا ! صوکرہ اولچوسز بر قورقو دوییورم ، اوغوزک
ٹولدیکنی دویدقدن صوکرہ قیانت بویوک کوزلرنندہ کی شمشکدرلہ
اور یلا جغم آنہ یاقلاشدیغمی ظن ایدیورم . آلمدہ صغوق بر تر وار .
هرشی غائب اولادن بلکہ وقت وار ، حیقسہم قیای اوغوزہ
کو تورسہم ! نہ سفالت ، نہ سفالت یاربم ! بن بوبد بخت آدماردن
دہانہ قدر چوق بد بختم ! مطلق ، مطلق قیایہ کیدیم ، سویلہیم !
عمجہم ؟ نہ مہ لازم ؟ عمجہمک آرتق حیاتمده کی تحکمی یتیشیر .
شمدی یکی عثمانلیقدن دہیکی توراندن دہ نفرت ایدیورم ، یالکز
حسرت ایچندہ ، اشکنجہ ایچندہ ٹولن اوغوز واوغوزک حیاتی
صاتون آلق ایچون بوقدر محرومیت ومشقتدن صوکرہ اوغوزک
ٹولدیکنی دویان قیا !

اوطه مه سور وکلندم . پالطومی بیله چیقارمه دن قانا په اوسته
دوشدم . باشم المده ساللانیورم وجدانمک ، قلبمک ، صیزیسنی ،
اضطرابنی ، آتشی صیزدیرمق ایچون ساللانیورم .
— ئولدیمی ، عاصم ؟

ایچمدن بویوک برشی ، نره دن قالدیغنی بیله مدیکم برشی بونی
صورانک قفاسنی ازمک ایچون قالدیور . قارشیمده عمجه مه قازلی
وکیلنی کوزلرله باقیورم . عمجه مک اختیار یوزی برآزدها
قورشونی ، کوزلری دهاحمالی وکوتو ، آغزی ، آلی ،
کوزلری پک مضطرب وسفیل . فقط جنایت یاپانلرک
سفالتی ، هرشیئه قرار ویرمش یاسی وار ! قورو آتشیلی
سسیمله :

— ئولدیمی ؟

— خایر ، ئولیور !

— نه ایسته یور ؟

— قیانک سبب ازدواجنی بیلیمک !

عمجه مک یوزی بوتون بوتون قورو یور ، قورشونیه شیور ،
سویاه یوب سویاه مدیکمی صورمیور بیله . یوزیمی تدقیقه بیله
حاجت یوق ! آرزولرینی کورکورینه یابمش برماکنه قارشیدسنده .
اونک ایسته دیکندن ، اونک خاطر لادیغندن باشقنه وقت نه یاپدم ؟
کنجلمک بویکجه کندی اراده سنی هرشیئک فوقده طوتان
بواختیاره قارشنی کین وعصیان دویور . اونک کوزلری

اوزاقدە ، بوزولن ، قورويان دوداقلری آره سندن عینی
فنا بسمله :

— قيا بو آقشام هروقتدن چوق اوغوزی صایقلا یور!

بردن بره آياغه قالقیورم . کندی سسیمی طانیایورم .

— سزه یالواریرم ، آرتق سوبله میکز و کیدیگز !

— خسته سگ ، عاصم !

— اوت ، پک ، پک خسته .

بکا برشی تودیع ایتک ایستر کبی :

— بن ده خسته یم ، عاصم . بو کیجه آرتق قیانک یاننه

چیقامیه جنم ، بوراده شو لامبارک هپسنى یاق ، اوتوره لم .

قیلدانه حق حالک یوق ، دکلی ؟ دور ، بن یاقه یم .

صوکره چینغراغی چکیور .

— الهنی ، قیزم ، برصیجاق چای یاپ . عاصم ، آزیحق

راحتسز . بنمده باشم حالا آغرییور . یالکیز ، کزرکن دقت

ایدیکز ، خانم اویانماسون .

شیمدی بو اشکنجه یه ده لاقید ، مغویتک آغریلری

کیمکلریمه قدر سرايت ایتش ، صامت وسفیل ، قولتوقده

وجدانی دیکله یورم . اوده ، او سفیل اختیارده قارشیمده

روب دوشامبری ایله اوتورییور . چای ایچمک ایچین بکا اصرار

ایتمه دیکنه متشکرم . او ، بر ، بر فجان دها ، هپ ایچیور .

دقیقه لر ، ساعتلر یواش یواش یوریه رک ، سوروکنه رک کچوب

کیدیورلر . صوفه دن ساعت چالیور ، نامتناهی بر زمان صوکره
درت . بلکه بر عصر صوکره ، بش !

ساعت آلتی یی اوردینی زمان عمجه مک آچیق ، مضطرب
کوزلری قاپانمش ، آغزی آچیق ، باشی دوشوک ، خورلایور .
بوتون وجودی ، اختیار و مضطرب وجودی بر او یقو ایچنده
غائب اولمش کبی . یاننده صارقان بوروشوق ، یوموشاق ال
حس ایدیورم که آرتق بوتون ارادت وقوتی صرف ایتمش ،
بردها بر فرقه ، بر دولت اداره ایدهمیه جک . کینم ، عصیانم
آراسندن آجیمق ، بوسفیل اختیاری بوتون بیلکی ایله حیاتک
اک چرکین عمقته چکن انسانی ضعفی ، خود بیلکی ایچون
آجیمق وار . فقط صوکره اونک قارشیسنده کنج ، مشعشع
سرت وتمیز عشقنک یوواسنی ، کوکلری اوپن یوکسک ، یالچین
قیالرده کی قارتاللردن بیله یوکسک قوران اوغوز وبویوک کنج
قیا! یاربم، بر دامله آغلایه بیلسم !

ساعت یدی بوچوق، برشی یایمق ایچون غازلری چویردم،
پانطومی چیقاردم، الهی صوبایی یاقیور، عمجهم حالا خورلایور .
— بوکون خانم افندی ، ایسترسه غزته یی ویره جکمی یز؟
— بویوک اوغوز بکک وفاتی ، داخلیه ناظرینک وفاتی

یازیور ، یکی توران ، یکی عثمانلی ، یازیور ، یازیور !

آرتق فضله حیرت و کدر ایچون نه قابلیت، نه ده الاستیقیتیم

وار . قانی وورولیور . ماری قورقاق بر سسله :

— الهی ، خانم افندی غزته لری ایسته دی ، المدن آلدی .
 الهی یوزیمه قورقاق و متردد باقیور . قاپی بی کوسترییورم ،
 نهایت یالکزم ، عمجه م حالا خورلایور و بن و بنم قلم او قدر
 شدتله آتیور ، او قدر دهشتله آتیور ، پارمقلم طومایور
 و دیزلم تیتره یورکه . اوطه نك سفیل قاپالی هواسنی ، بزم
 سفیل قاپالی قلبری میزی کسکین و منتقم بر بیچاق کسر کبی قطعی ،
 کسکین و پارچالانان برسس :

— حمدی پاشا !

حمدی پاشا شاشقین ، و سرسم بر چهره نك صوك كونلرك
 تضیق و اندیشه سیله چورومش ، داغیلش بئلکی کوزلرندن
 کندینی طوبلامغه چالیشه رق باقیور .

— قیا اوکون نه کوزلدی ، قیا اوکون نه بویو کدی !

أوت قیا اوکون پك بویو کدی . فقط کوزل دکل ! عمرمده
 اونی او قدر اوزون ، او قدر معظم کورمدم : آیاغنده چاریقلری ،
 آرقه سنده سیاه یموشاق جبه سی ، باش اورتوسی ینه صاچ
 خطك آلتندن چوریش ، اللری اوزون قوللی جبه سنك
 قوللری ایچنده . یوزی ، فقط یوزی آرتق اختیار اولمان
 بوتون کنجلكنی غائب ایتش ! کوزل چهره سنك چیزکیلری
 قلبی دلن ، صیزلاتان بر وضوحله دریناشمش . رنکی عادتا
 یشیل ، دوداقلری قورومش ، اینجلمش . مائی کوزلری
 صولغون . فقط نه مدهش ، نه هیچ بروقت ویردمیه جکم

برقوتله یانیور. شیمدی اوندہ دشمن اردوسنه دالان برآتیلا،
دنیاپی آلت اوست ایدن بر جنکیز سکوتی وار. فقط او
سکونت آلتندہ نہ اولیور؟ ینہ عینی سس :

— حمدی پاشا، اللریکی، سفیل اللریکی اوزاتما! قانلی
اللریکی، ملوث اللریکی براق، یانکہ دوشسون!
قلبی قاریشدیران برذاتله اختیار ایکه یور :

— قیا، یمین ایدرم که قیا...

— یمین می ایدرسک؟ ناصل یمین ایدرسک؟ نہ دیه
ایدرسک؟ اولدرمدم دیه اویله می؟ بلکه الکله اورمادک، فقط اونی
برتعصب جنتی ایله اوران سنک قدر قاتلمی؟ اولا بر شیطان،
زبان ذکاسیله بنی آلداتوب حیاتندن چکمک، بکا اونک حیاتی
صاتون آدرمق. فقط بواشیدلمه مش بازارلقده بیله ثبات
ایتمه جکی بيلم ناصل دوشونمدم. حیاتی بکا صاتقدن
صوکره ینہ حیاتی آلمق ایچون چالشمادیغکی سویلیه بیلیرمیسک؟
ساخته کار! اونک حیاتی آلمق ایچون سنه لرجه آلچق، عادی
بر تزویرله اینامادیغک مقاس برشیئی آلت ایدهرک اونی اوراجق
تعصب سلاحنی حاضر لامادکی؟ بونی نه مهارتله، نه وجدانسز
وآلچاق بر ثباتله یاپدک! سلاحکی حاضر لادک، زهرله دک
واوردک! صوکره، صوکره، صوکره برانسان اولدیغکه اصلا
اینانلیه جق برغدرله یکر می دوت ساعت بندن بونی صاقلادک.
مزارک باشنده بیله اللریمزک بربرینه دوقونماسنی منع ایتدک! آلچاق،
آلچاق، آلچاق!

— قیا ، قیا !

— قیا ، اوت ، قیا ! بوقدر ملوث وعادی اولمه سهك بلكه
سنی اولدیرردم ، حمدی پاشا ، فقط چوق ، پك ، بك چوق
دوشوك وسفیل سك . درت سنه بوتمانه ناصل تحمل ایتدیكم
خیانتكار ال له نهایت اوردك ! یوزیمه باقا و آغلامه ! بن اوغوزی
سك ذلیل قلبك هیچ آكلایه میه جنی بر عشقه سویوردم .
بن تاقلبك كوزلرینی ایلک آچدیغی صباحدن بری اونی جانلی
شیلرك كونشه احتیاجی قدر بویوك بر احتیاجله سویوردم .
ال اله سنه لرجه كونلر رؤیامزی كوروركن هر كون ، هر دقیقه
قلبم آغزمدن الم ابدیاً اونك اللری ایچنه دوشه جك ، باشم
ابدیاً اوموزینه دایانه جق آتی ناصل بكه دم ، بیلیرمیسك ؟
بیله مرسك ! صوكره اك یقین اولدیغمز بر كونده ، اوزون
و آتشیلی انتظارك مطلق ومنفرد بر سعادت اولاجنی آنده
اونی آلك ، قاپادك .

بن ناصل ایشیدلمه مش بر حسرت ومحرومیتله اونك حیاتی
ایچون عشقمی فدا ایتدم ! بیلیرمیسك ؟ بیله مرسك . چونكه
سفیل و كهنه نفسكدن باشقه دنیاچه برشی ، بر ایلک ، بر انسان المی ،
بر انسان آرزوسی اولاجنی هیچ بر دقیقه خاطریكه كتیرمدك ! درت
سنه ، درت سنه و یردیكم سوزه صادق قالیركن نه اشكنجه لره ،
نه نفرتلره غلبه چالیدیغمی بیله كورمك ایسته مدك ! كوكلر كونشیلره ،
آیله سنك خودبین قلبك و آرزولرك ایچون یارادلدی ظن
ایدیوردك !

— قيا ، قيا !

قيا بياض چاريقلريني کيرلنمه سندن قورقار کي يرده يووارلانا
بياض باشه دو قوندر مقسزين کري چکلدي . اشیکک اوستنده
بر آز دها بويومش کي ایدی . رنکي دهايشيل ، يوزي دها
کرکين وياش کلدين کوزلري حیات قاپيسني ابدیا کنديسـنه
قامش اولان دنياه قارشى بوتون قادينلغني ، روحنی قوروتمش
کي ایدی .

— شيمدی آرتق اولدردم ظن ايتديکک اوغوزک يکي
توراني اوکسوز براقدم ؛ آناسني اولادسز براقدم ظن ايمه ؛
بن بومردار محبسه ، کندي اختيارمله ، ويرديکم سوزه اسير
اولارق قبانديغم اوه آياغمک توزيني سيلکوب ايشته کيدورم .

-- قيا ، يمين ايدهرم ، بخيده آل ، يکي توران يکي جهنم
اولسه بيله سنکله کليرم ، حياتم ، اساسم ، هرشيئمي بر کوچوک
اشارتکله براقير کلير ؛ يمين ايدهرم ، يکي توران ايچون اوغوز
قدر چاليشه جغم ، اوغوزدن چوق چاليشه جغم ، يکي تورانک
اک کوچوک اساسني قويقم ايچون حياتمله چاليشيرم . سندن برشي
ايسته ميه رک چاليشيرم . يالکز سنکله کلهم ، براسير کي کلهم ،
نه صفتله ايسترسه ک کلهم .

— چکيل ، سفيلى ، دون ا کر بوضربه يي حاضر لادقدن
صوکره ، حتى اوردقدن صوکره . بيله اوغوزک النى بر دفعه
طوته بيلمه مه مانع اولمايه ايدک هيچ اولمازسه بوکون ساکت

بر وداعله بلکهده عفو له چيقار ، کيدردم . شيمدی بوتون
پيلانقلرکله ، بوييلانقلريکک يارداقچيسي نسخه ثانيه ک اولان
ساخه کار پيلان يکنکه سکا يلديرمه مک اوچی بيله سورونمه دن
چيقوب کيده جکم .

اوطه ده شفا وتسلی بولماز بر آچی ايله ، جسته اولويان اختيارک
ياننده ظن ايتدم که قلم کناهکار بدبختلری دها چوق آکلایور ،
ايچمده انسانی بر مرحت کندی سفلتمی ده اونوتدیردی .
اکیلدم ، اولادینی اوقشایان بر آنا کبی عمجه مک یرده کی باشنی
قالدیردم ، دیزیمه قويدم . قيا ظن ايديوردم که تميز ، بیاض
چاريقلریله بزه باصمادن اوچدی کيتدی .

دیشارده قار فیرطنه سی اینله یور ، اوانجه جه سیله اوچوب
کیدیوردی . اینمه لی براختیار بقیه سی عمجه می برأت کولچه سی
کبی یاتاغنه قويدیغمز زمان قیا بلکه اوغوزک ئولوم یاتاغک
باشنده ایدی . فقط اوغوزک کوزلرینی بيله آرتق آناسی
قامش اولاجقدی !

بوکون بونلردن اوزاق ئولیورم . فقط یکی تورانک آناسی
بویوک قیانک نیچون حمدی پاشا ايله اولنوب درت سنه برابر
یاشادینگی تاریخه تنویر ایتش اولق حسی حیاءمک یکانه تسلیسی !

خالده ادیب خانمك باشقه باصلمش اثرلری

خاندان (ایکنجی طبعی) ، خراب معمدلر . سویه طالب . رائفك آناسی .
موك اثری (طبع اولونیور) ، تعلیم و تربیه .

« تورک یوردی »


تورکلك فائده سینه چالیشیر واون بش کونده بر چیقار . تورکلك مفکوره سینک
سنباجیسی و تورک ملیتچیلی اولان بر مجموعه در . ایکی سنه دنبری بر کونلک بر
عارضه بیله اوغرامادن کندیسنه ایلك چبزدکی یوله دائماترقی خطوه لرله یورومشدر .
بر ییلنی ۳۰ ، آلتی آیلنی ۱۶ غروشددر . آدرهس : استانبول - نور عثمانیه
نومرو ۴۰ .

« تورک یوردی » کتابخانه سی

تورکلكه مفید اثرلرک نشر و توزیعنه چالیشیق اوزره باب عالی جاده سینده ۸۱ نومروده
یکی بر کتابخانه آچیلمشدر . بو کتابخانه مملکت مزده تورکلكه دائر شمیدی به قادر
نشر اولونمش بوتون اثرلری بیع و تدارک ایندیکی کبی تورک حیاتنه دائر ممالک اجنبیه ده
طبع و نشر ایندیش آثارکده جلبنه وساطت ایلر .

« تورک یوردی » کتابلری

- ۱ — تورک سازی ، محمد امین ، (باصلمشدر) . ۲ — یکی توران ، خالده
- ادیب (بو کتاب) . ۳ — قیزیل آلمان ، کوک آلپ (باصیله جق) . ۴ — چنکیز ،
- آق چوره اوغلی (باصیله جق) . ۵ — یشیل یودا ، جلال ساهر (باصیله جق) .
- ۶ — تورکلك دعاوی ، کورپریلی زاده فواد (باصیله جق) . ۷ — تورک عالمی ،
- احمد آغایف (باصیله جق) .



PL
248
A3Y4